

SAMITUCHODA SANUYADA DUCASIY JESUCRISTUNCHIY

Ramyuchuvay samiy ji, Jaamyi Tiyójinu

1¹⁻²Jiryatiy riryantya tavajyuu j dutyadara tuchoda ranchiy títaju jiryatiy jtotanichara nuquebyimu darya, daryani nuñimutya ruumusiy jiryatiy rajotadamusiy rivyichanuyada Jesucristusaj rupivye, saniquejada tuchuvay jarye risajuriy. ³Daryatiy radyetyatityiyada rajottyamusiy sivaayadanchiy Jesús, rajechipiyajada variy samirya dyetya ranuy vatadeca jiiyyura, Jaamyi Tiyójinu. ⁴Rañurya yatidye datya ramusiy, sitenuniviy ranicha tavay datyadoda jiryatiy jityuvachu dyetya ranchiy.

Juán Jityanu rupedanchiy

⁵Savichanuyadanumatiy Jeródesbe Judéya mucadi nutyityu, variy savichanuyada nu vanu, Sacaryé jtyatibay, Abiyabavyeda tenu, nitiy jvaañuyada Jüdenu momu. Savatura Chabédabay jarye vichanuyada Arúbay judébi, Jüdenu momu jvaavye tenuntiy.

⁶Nanuvichanuyada vase vicharujyuy Jüdenu diya, nanuvichasara siityerajuy daryaju Nutyityu jtedamu, ne nanusutyeryinuyada tarundamu yivaayadamusiy. ⁷Ne detanujyuy daryaju nadavichanuyada, suri daryajuni savatura Chabéda, nanurimyityuunuma danujumyusiy títaju, mitya.

⁸Tarundamu jita sivaañuyada Sacaryébay Jüdenu momuntiy, jiryatiy

satevay jiyarurya daryajura. ⁹Daryaday ruuvaañuyada satevay Jüdenu momuntiy, ritojada saju satidye jay Jüdenu rorimyu, jasityi suntatya Jüdenumura nuvachiy, jiryatiy vurudi juru rupacharamusirya.

¹⁰Rivyichanuyada rajuu nijyanvay Jüdenu rorityuunu bimu variy, rijyoráyada variy jasiy, rintuyada vurudi juru rupedajiju daryaju. ¹¹Mityamusiy samutijada Jüdenu jpanu, saradeda vurudi juru rupajyo nutyityudamyu, Sacaryébay diya. ¹²Sadiyadanumatiy Sacaryébay siva, satitáda yintedamu variy. ¹³Suteda jita Jüdenu jpanu variy siva:

“Ne yasuvuy, Sacaryé, tuvachusaranuma daryajura jijechnurya, tapi saday detuy jivyatura Chabéda jidyenuju, yama jtyanu variy Juán jtyatijuni. ¹⁴⁻¹⁵Jaryi jchanayada racha variy jiiyyu, riryajchanay tavajyu sarupedamuntiy, tapi sacha jaryiñu variy Jüdenu diya. Ne sajatura binuja, dantyamuy ne pisijya mitya. Sacha muchanichi Jüdenu Jnututa jipyiruyadamusiy. ¹⁶Sajanumitya jita riy rajuu jityevay Irayénueda simujuntiy, rintyityu Vuryindenumujuntiy. ¹⁷Sajiya Jüdenujiju, Edíyasyi jnututa, savanuyadata jarye, satidye janumityara jamyi jachiy jidyedyeñu nachoju, satidye janumitya riy tuvachusamiy vase vichadamuju, riryatidye vichasara

nijyanvay ratyanusavay Vuntyityu Jüdenuju.”

¹⁸Sumutyajada jita Sacaryébay variñi Jüdenu jpanu:

“¿Nutyuramusiy radatya sitenuniviy ranicha jirya, nutyuramusiy? rimyityu- numa daryaju darye, ravytura jarye rimyityodadenuma.”

¹⁹Sumutyajada jita Jüdenu jpanu variñi:

“Ray rañicha Cabryénu, jiryatiy raryanichara Jüdenu tuunu. Supajasiy yimu ray, ratidye niqueta ji, ratuchu varirya jirya samituchoda yiva.

²⁰Yajnuy diye, yamacho niquejasa. Ne yanique variñuday, rarundasaraju jasityi rajto riteda, jiryatimyü ne jityuvachuruy rañiquejadamu jiryatiy rajto rarundamu.”

²¹Nijyanvay jita nutuyada sajiju Sacaryébay, rityittada varyi jiryatiy saricheyada tarijyu daryaju Jüdenu rorivyimu. ²²Samasedanumaty rumusiy, ne vanay saniquejada varyi ruusa. Ridyeyada varyi: Sadiy tariva Jüdenu rorivyimu, jiryatiy sumuyajada mitya vapuu riñecho nijyanvay, jiryatimyü ne vanay niquera daryaju savichada.

²³Tarundamujuntiy sitotadedanumaty Sacaryébarya jiyarurya jvaayada Jüdenu rorimyü, sataryada rivasiy jiryorimujuntiy. ²⁴⁻²⁵Rivasiñuma jita samudasiiyada Chabédabañi jidyenu, sadutyada varyi tadajyo jarimyunisarañuyyu, suteda daryaju:

“Daryanñ savichaniy Vuntyityu ray, jiryatiy sunuy samiryamu rañecho, satidye puy rivasiyara ranada nijyanvay cabyimu, jiryatiy ravychanuyada suri.”

**Jüdenu jpanu tuchoda jityaju
Jesús rupedanchiy**

²⁶Tiquinijyate jarimyunimusi, supajada jita Jüdenuntiñi yipanu

Cabryénuntiy. Supajada Cadidéya mucadimu vichadademuni, jiryatiy Nasaryé ritya vichada jasiy. ²⁷Supajada vinu vaturabamyuni, jiryatimyü ne sajatyö vanunidyidye.

Sajamuryuyadamu jiñichada jasiy, sani jamuryuyada daryajuni Jusíbe jtyati, Davyíbe judébi. Mariya ravichanuyada sitya vinu vaturabay. ²⁸Jüdenu jpanu jayada simu, samuchueda varyi jasiñi:

“¡Chu! Jiñi jita Jüdenu vatasi jaryi. Vuntyityu Jüdenu jita sitenu yisa.”

²⁹Satittada Maríyabay varirya saniquejada, sajachipiyajada jita varyi:

“¿Nutyura muchuvedata sani muchuvay jiñu darye, nutyura?”

³⁰Suteda jita Jüdenu jpanu siva: “Ne yasuvuy Mariya, jiñi jita Jüdenu vatasi jaryi. ³¹Sanuma piruy jidyenu jivyimu, yarupachu variñi, yama bay sityajura Jesús (Vuryeyada Rañu). ³²Nini racha jaryiñu, Jarichumovichí denu riryajtañi. Vuntyityu Jüdenu rabay nutyityujuni Jesús, samunaty Davyíbe jubivaju. ³³Ninuma rachajayasara Jacóbubay judevay nutyityuju, ne rabaryisara nutyityu vichada saju variñuday.”

³⁴Suteda jita Maríyabay varyi siva Jüdenu jpanu:

“¿Nutyichirya racha daryá, nutyichiy? iTama rajetyö vanunidyidye, tama!”

³⁵Jüdenu jpanu jmutyajada variñi:

“Jüdenu Jnutu rajti yivaju.

Jarichumovichí vanuyada rakanuvunu ji. Ramunñtiy riryajtachara Jüdenu denunñ nityi rapiryu yimusiy, jiryatiy sacha jiintyasi Jüdenuju. ³⁶Yadatya sanchiy jityeryatu vichí Chabédantiy, rimyityodanuma samudasiiy pariche, jiryatiy rutañutyi surini. Tiquinijyate jarimyunitñinuma mudasiñi. ³⁷Ne saramicha Jüdenu tara jvaayadiva daryaju.”

³⁸Suteda jita Maríyabay varyi:

“Jiyunrye, ratyidye racha Nutyityu jmutyisiju. Daryani racha rajyu, nutyu jiñiquejasityi daryá.”

Sayada jita Judenu jpanu simusiy variy.

Mariyabay jañuyada simu Chabédabay

³⁹Sanubesubeda jita Mariyabay variryundamimyu, sayada vanira jaryuve musityomuju, Judéya mucadi vichadamuju. ⁴⁰Jasiy sajanuvejada Mariyabay, Sacaryébay rorivyimu, samuchuvañuvejada variñi jityeryatu vichi Chabédabay jasiy. ⁴¹Satuvachodanumatiy Chabédabarya Mariyabay muchuveda, sasiquityajajada sadenu jaryi variy jivyimu, samachojada Chabédabay muchanichi Judenu Jnututa variy. ⁴²Sasañeyajada jita Chabédabay variy:

“Jiñi rañicha jaryi jchanatyasi titaju vatумыusy, daryaday sacha jchanatyasi jiryupachúntiy. ⁴³¿Tesirya ranicha jirya day, tesiy? jiryatiy siti rayntytyu jnodayusi rimu. ⁴⁴Ne yinuy, varicharajutyi ratyuvachosirya jimyuchuveda, sasiquityajajasiy radyenu variy jaryi yichanayadamu ravyimu. ⁴⁵Jchanatyasi jitateni, jiryatiy satuvachuma ramu Vuntyityu niquejada jtotadede, jiryatiy sutachiy darya siva.”

Mariyabay jchanatyada murrayadataní Judenu

⁴⁶⁻⁵⁵Suteda jita Mariyabay variy: “Riçhanatyate rajechimyuni Vuntyityute, rintuta jita riçhanate simu rindenu Rayada Ráñute. Sunuy daryaju samirya rañeço, dañuma rañicha sumutyi datyisa. Ramuni riryajtachara titaju nijyanvay: Judenu jmutyasanuy nada, jiryatiy sivaamyá Jaryi Vanuyadatira tittasara rajyu. Jiintyasarate sityate. Santyutyajayasara riy nijyanvay dadyeñu, ridyedyeñuju jarye titaju, rityi tuvachu jichuvuyadamu simu.

Sadityanumara jivyanuyada, jiryatiy surema riy yinnutyavay, jiryatiy riñi jachipiya yecha ti nta. Sajatyama jita riy nutyityuveda jintyityuvedamusiy.

Sanubesumityanintyiriyi jantyutyasavanti. Sapotyanimyate samirya jmyicharatateriy jachinumu vichavay, jaryi taratavay jita supa mitya yimusiy. Sumutyamateriy jiñijyanvay Irayénuvedate, jiryatiy santyutyas daryajuriy. Daryani suteda tariy ruuva vumyunatyavabete, vumyunatyí Avurábay, sadadyeñu yisaju junarejute.”

Daryaniday samurrayada titaju Mariyabay.

⁵⁶Samachojada jita Chabédabaysa munvay jarimyunituunusaraju, sataryada jita jiryorimuyuj rivasintiyi.

Juán Bautístabay rupedanchiy

⁵⁷Ritijada jita Chabédabay rupachoda runda, sarupachoda variñi jidyenu. ⁵⁸Rityuvachodanumatiy nanutuunu vichavabe, nanutevabe jarye jiryatiy santyutyasara Vuntyityu jaryiñada, riichanayada variy nadisaju. ⁵⁹Mumurundamiñijyatemusiy jita riintyeryadeda derapu jtyuyadamuyu, riñi jtyanuruyada variñi derapu jijyebe jtyatiju. ⁶⁰Nanimutyajada jita sunodabay variy:

“Nenu, Juán jita racha sitya day.”

⁶¹Ruteda variy nadiva:

“Ne ti Juán jtyati jiryetyenu.”

⁶²Rumuyajada jita Sacaryébay nacho variy, satidye dityanura miryara racha sadenu jtya. ⁶³Sajachiñuyada jítara nupedye variy yimuju, sanuyada riva:

“Rani racha sitya, Juán.”

Rityitáda titaju varirya. ⁶⁴Ramutteda varicharaju sajú Sacaryébay, sadachiy jarye jmuryada varicharajuyuy, saniquenuyada jítara Judenu jchanatyasada. ⁶⁵Runteda jita rityuunu vichavabe titaju ramusiy, raticheyada

jirya niquejada títaju Judéya musityo suteryasaraju. ⁶⁶Ribeyada jita tuvachuvay jijechimyu títajura, ruteda variy: “¿Nutyuna sachasiy jiñu dera, nutyu?”

Vuntyityu jomutu jita vichada sisa derapu, satidye javye vaniri ramusiy.

Sacaryébay niquejada jityaju rajiju tará

⁶⁷Sajay Sacaryébay jita vichada muchanichi Judenu Jnututa, satuchoda jityaju variy:

⁶⁸⁻⁷⁹“Jchanatyasi Vuntyityu, Irayenu-veda Judenu, jiryatiy sajañumyate vuryimu, sumuryatanimyantiriyi jiñijyanvanti, sanubesityanimyani Vuryeyada Ráñu, jimyuchechiy Davyíbe judeday cabyimusiy, darya saniquejada jiyu tuchuvabe jtosiy, jiryatiy jiintyasavay saju taridyeryi. Saday jantyuy vuryiva vumyityasimiyisiy, títaju jiryatiy riryavittychara vuy, satidye dityanu yentyutyada riy vumyunatyavay, daryatiy suteda ruuva, satidye jachipityara yiteda sitenu, darya suteda sitenu niquejadata siva vumyunatyí Avurábay: Rasáy jirreyjura, jiryatidye vicha jmuryasavay jiryemyityasimiyisiy, jiryatidye jvaajeyasara jiryechuvuyasadamu jiintyasavay rajyu, vase vichavay jarye radyiya jiyjomu. Va ji, radyenudera, riryajtachara Jarichumvichi jiyadaju tuchu ji, yajiyu Vuntyityujiju, yatidye jdutyara nu sajiju, riryatidye datya sanijyanvarya jiyada rayada, jiryatiy saramityanirya rijyuuchurveda yivasiy, Vuryindenu jantyutyadamusiy, ramusityi sajasacha jiñi mutijomusiy

vuryiva, satidye nononuy rijyu, jiryatiy rimyasasara nupocudinube, diiyada nuvachiy jare, satidye mutay samirya vichadamuju vuy.”

Daryani suteda Sacaryébay Judenu Jnutumusiy.

⁸⁰Sadenubay jita javyeñuyada, rasatyityiñuyada suntu vanuyada variy yiva. Savichada mityatomu samutijada rundasaraju Irayenuveda cabyimu.

Sarupeda Jesús

(Matéu 1.18-25)

2 ¹Supajada jita jamu nutyityu Acústubay tarundamura jiñiquejada: “Títaju nijyanvay ranutyaniyu.”

²Ratani rijyotada nutyadedariy nijyanvay, japunuma savichada variy Siréñubay, jiryatiy Síriya mucadi japuni. ³Riyanuyada jita nuñi jivyichadamuju, jasityi riñutyaniñuyadayu.

⁴Sasubeda Jusíbe Cadidéya mucadimusiy variy, Nasaryémusiy. Nasaryé musiy sayada Judéya mucadimuju, Benímuju. Jiryatiy savichada Jusíbe, Davyíbe judébi, saryenabay daryaju jasiñi, ramunítity sayada samucadimuju.

⁵Nadayada jita jiñutyadedanacho savatura Mariyabatya, mudasiñuma savichada variy. ⁶Savichadatidye jasiy, sitotadeda jita variy jasirya jiryupachoda runda. ⁷Sarupachodanumatiniñi jiyjotya, nanurayada jita sasujajuutayu, nanubayada jita voca jmyityanijyovimu variñi. Netara jnay vichada vidavijo daryaju nadaju savaturubetya nuday, ramunítity nanubayada voca jmyityanijyovimuni.

Judenu jpanu tuchoda ruuva jasijnutyavabe Jesús rupedanchiy

⁸Tajiñejojudera rivyichada jasi jnutyavabe varintiy. Runutyanyuyada riy yasiveda nupora. ⁹Samutijada jita Judenu jpanu ruumu. Judenuda nuyada

variriy vandaju. Jaryi rúnteda jasi jnútyavabe variy. ¹⁰Súteda Jüdenü jpanu variy ruuva:

“Ne jiryajnutay, jiyunuma ratuchunuví jiryivara tuchoda jiryichanayadaju. Jiryá tuchoda rāchāsara títaju nijyanvajyü. ¹¹Sarupesiy curaca Davyíbe vichadamu, nítyi rārachara jiryeyadaju, nínuma sanícha Vúntyityü, Jüdenü jaryeti. ¹²Ránchíñi jiryadatyasiñi, jiryatíy díñuve siva derapudera sujajyuuta rachi, voca jmyityanijyovimu satiryö.”

¹³Mityamusiy rimyütijada Jüdenü sútarujuu jarichumu vichavay, supanujšaju. Riichanatyadani Jüdenü, rúteda variy siva:

¹⁴ “Jachipiyajada rāchāsara jiñijyü, Jarichumuvichí Jüdenü, jiryá mucadinchantiy, samiryá rāchāsara jivyatavajyü.”

¹⁵Rijiiintyedanutimatiy Jüdenü jpavay rinchiy, navajyü, jasi jnútyavabe jteda variy yiva: “Vañú, vuryajnúya rumu, Benímu, jiryatíy Jüdenü datyadosivvyü.”

¹⁶Riyada jíta vanúdyi sanācho, ridyíñuvejada nadiva Maríyajube, Jusíbe jarye, vuryupideva jarye, detiryö voca jmyityanijyovimu. ¹⁷Ridiyadanumatíy siva, rityuchunuvejada jíta sanchiy jiñu vadinu, daryatíy satuchoda Jüdenü jpanu munatya ruuva. ¹⁸Títaju rityi tuvachoda ranācho, rityittada varirya riñiquejada jasi jnútyavabe.

¹⁹Maríyajube jíta bañuyada jijechemiyu títajura riñiquejada, nanujachipiyānyada varidye. ²⁰Jasi jnútyavabe taryijada variy. Riñiquejada samiryá Jüdenunijyü varintiy, riichanatyada jíta títaju variñi Jüdenü, varidye rityuvachodara, títaju ridiyiyada variy rivantiy:

“Darya nīday šitenu sutesiy vuryiva.”

²¹Sitotadedanutimatiy mumurundami niñyate šityuyadaju, riityadoda jíta variy

jasiñi Jesús, daryani sabayada Jüdenü jpanu šityaju sapírüyadajijü.

Jesús jajyube dityadoda Jüdenü nijyü jachipiyajomuyü

²²Ritojadanumatíy nanurupachoda-musiy puchada runda, jiryatíy sabayada Muyusésiberya daryá rijyü vatuy, nanupucheda Jerusarímujuni Jesús, nanatidye dityanu simu Jüdenüni.

²³Darya nūchara nīday Jüdenü niquejadamura:

“Jiryatíy sarupay munatíy vanu, vuryajiiintya Jüdenunjüni.”

²⁴Vuryajnutatya simu varirya mitya sachara, darya nūcharatíy cateramura:

“Danujyü pundutu, varimyata danujyü jarityu denujudyera.”

²⁵Jadchintiy savichada nu vanubay Jerusarímu, ravichada šitya Simeyú. Níni vichanuyada vase vichara, samiryá jachityi risajuni. Santuñuyada sajijü Irayénueda Jiyada Ráñu, Jüdenü Jnutu vichada sivantiy. ²⁶Jüdenü Jnutu datyadoda jityajuni: “Ne yadiy netimyu ne yadiy siva Vúntyityü jaryeti didye.”

²⁷Jüdenü Jnutu jtedamujü siviñada Jüdenunijyü jachipiyajomu naditítadanumatíy sajābetyani Jesús píra, nanatidye jtotanirya Jüdenü niquejada, daryatíy ranique derapunchiy. ²⁸Saryeda jíta Simeyúbay nadimusiy yimujü variñi. Samiy suteda siva Jüdenü variy. ²⁹Súteda jíta:

“Yanuma jíta jmurya títaju jiyusidyerye, ratidye jiya jíta rīchanayadamu, jiryatíy jicyumude ray, daryani ranícha jiñiquejada, Nutyityü. ³⁰⁻³¹Tapi radyimya rañšitya siva Nūdyeyada Ráñu yimusí, jiryatíy yidutyadara sūdeda ridiyiá nijyanvay títaju. ³²Níni sanícha nono, riryatidye diy nijyanvay riva, sachá vanda rijyü jiñijyanvay Irayénueda.”

³³Nanutítada jíta sajajyuberya Simeyúbay niquejada jidyenunchiy.

³⁴Saniquejada jita Simeyúbay samirya Jüdenumusiy nadayadaju, suteda variy nadiva sunoda Mariyajúbentyi:

“Sanajnuy, jiñu jita sanicha Jüdenumusiy bachi, riryatidye díryovay rajuu Irayénuveda tevey, rityevay jita ramışasumiy ramusiy diiryovedantiy. Sanicha ditanuju bachintiy, sayarojutiy riryanique tavay. ³⁵Sadaju jita ranuvadaj jijechiy, nutyu jichityiyata jichityichara, ratidye vichasara jvadichara rijechipiyajada nijyanvajyuu.”

³⁶⁻³⁷Jadchiy jita nanuvichanuyada tanuqui bachenodabay, Jüdenuju tuchunube. Ravichada nanitya Ánajuy, jiryatij Januvébay detuñada, Áser juriiñutanuy. Nanuvichanuyada jutumusiy daniyjajuñijyate jivyanubaysa, rivasiy jita nanumachojada bachenoda, vuryimiyuuñuma nadavichanuyada variy, jiryatij mumurinjyate vuyajuy nijyatunuñuma daryaju nada, dañijyajuy ranchajuntiy. Ne nanuparayada riva jmutyada Jüdenu rorimiyu yinradata, joráyadata jarye, judaca, nuporaca risaju. ³⁸Nanutuudiyadanumatij Ánajubeñi Jesús pira, nanichanatyada variñi Jüdenu, nanutuchunuyada nijyanvavya sanchiy Jesús, jiryatij rintuñuyada rajiju Jerusari jiyada rayada.

Jesús jajyube taryada Nasaryémuju

³⁹Naditotadedanumatij Jüdenu jtedamujura tara titaju, nanutaryada jita Jesús jajyube Nasaryémujuntiy, jiryatij Cadidéyamura. ⁴⁰Jaryi datyara sajavyeñuyada Jesús pira, jaryi vanurya savichada variy risaju. Jüdenu jachipiyajada daryaju simuju, ramutiy savichanuyada daryá.

Jesús pira jañuyada Jüdenunijyu jachipiyajomu

⁴¹Nanuvichechanuy jita jivvichanuyada, nuñi taniyjaquimusiy

sayanuyada Jesús jabe jivyaturubetya Jerusarimu, Páscó vichtyamu. ⁴²Taraqui vuyajuy nijyatinumatiy savichada Jesús, daniyjajuy ranchaju, riyada jita vichtyamuntiy, nutyu tarityi nadayanuyada sajajyube daryantiy.

⁴³Ripyarutadanumatirya vichtya runda, rityeryada jita variy rivasintiy. Samachojada jita Jesús pira rumu rubiva, riñiyaresiy, Jerusarimu day, ne nanudatyada sunodabay sajabetya daryaju. ⁴⁴Nanitamiyata jasiñuma riquebyimu rupivyejyuñi, tarundaqui- numana nanurupiyada varidye. Nani vatada jita sanacho jidyenu, satevabe cabyimu, sadatyavabe cabyimuntiy. ⁴⁵Netimyu ne nanudiyada jasiy siva, nanutaryada variy vatany Jerusarimuju sanachontiy.

⁴⁶Mumurundamimiyusiñuma jita nanusaryeda Jüdenunijyu jachipiyajomuni. Samasada riquebyimu Jüdenu niquejada datyanuvabe. Satuvachoda jasiy riñecho, sitajadoda variy jasiryi. ⁴⁷Rityi tuvachutada jasiñi, rityitada varirya nuryate sadatyadateday, nurya, jiryatij sumutyajada vase daryaju ridiyi. ⁴⁸Nanudiñuvejadanumatij sajabetya siva jidyenu, nanutitada variñi. Naniteda sunodabay variy yiva:

“¿Tarajura jivyicha darya nadyisasiy, Pichiy, taraju? ¿Ne yinuy navyata jiñuvayadamu jiñecho day?”

⁴⁹Suteda jita variy jasiy nadiva:

“¿Tarajura sanuvata rañecho, taraju? ¿Ne sanudatyadamu rajye bajyomu jiyu darye?”

⁵⁰Ne samiy nanutuvachoda ranacho, jiryatij saniquejada nadivara.

⁵¹Sataryada jita variy nadisa Nasaryémujuntiy, satuvachunuyada jita jasiy nadimu. Mitya nanubañuyada sunodabay jijechivyara saniquejada.

⁵²Jesús javyeñuyada datyada jachityi, vaniri titaju variy savichanuyada.

Savichada samiy jvadichí variy
Jüdenuju, nijyanvajyu jarye risaju.

Juán Bautístabay datyadoda mityatomu
(*Matévu 3.1-12; Márcu 1.1-8; Juán 1.19-28*)

3¹Jadchiy jita savichanuyada jamu
nutyityu Rómamu, Tibéryu
jtyatíbay. Savichadanumaty Tibéryubay
nútyu jamu nutyityu taraqui vuyajuy
nijya, tadajyo nijya ranchaju, savichada
Púnsiyu Pyidátubay variy nútyu cadnadu
Judéyamu, Jeródesbe jarye vichada
Cadidéya nutyityuntidy. Jeródesbe taryi
Vedípebe jarye vichada nutyityu variy
Ituréyamu day, Traconítymu jarye.
Disañabantyi vichada nutyityu variy
Abidénemuntidy. ²Nanuvichanuyada
jita Anásibe, Cayivásubatya caserdóte
nutyityujuy varintyi. Sabayada jita
Jüdenu varirya jiñiquejada simu
Juánbay, Sacaryébay denu, jiryatyí
mityatomu savichada variy. ³Sitijada
Juánbay Jurdája tuudiche,
saniquenmayajada jidyetyadodamu:

“Jiryaparuy riva taji jachipiyajada,
jiryatidy jtyanutaniy variy, şatidy
ramityaniy Jüdenu variy jiryivara
jiryeyuuchaveda.”

⁴⁻⁶Darya nüchara nıday catera
padyevyara daryatyí saniquejada
Isayıyasibe, jiryatyí Jüdenuju tuchuni:

“Tı jtanıte natuye tajityomudaque:
Yanuma jdutya jıtyajura nú
Vuntyityujıju, vasenu yabarya nú
sajıju. Jamumıvıchı jıta ramıchı
mıchanıchara, musıquıvıchı jıta
rıryımıy, ramıchı jıta jıdchıvı
varıy sısaju. Varuyunú jırye
ramıchı vasenu; varıvyununú
jırye ramıchı vasıdyanú,
rıryajnyı nijyanvajyuu varırya
Jüdenu ramıyadeda.”

⁷Suteda Juánbay variy ruuva
nijyanvajyuu, jiryatyí ruıtıtıtyıyada
rıryatıdy jtyıy variy simu:

“ıCodıtyevay rapuryamıy! ıChıra
datyadosıy jıtyaju jırye, chí? ıJıryanuma
bay rajısıy Jüdenu nıqueyada! ⁸Daryatyí
rajontay nınu, daryaday jıryajontay
samırya vıchıdamujuntıdy, jıryatıdy
dıyanu ratara vacha jvaayadıva parıyada.
Ne jıryajachıpyı jıvyımu: Avurábay jıta
vımyunatyı, ramıtyı şajantyuy Jüdenu
vuryıva. Rıtatyı jıryıva: Saryı jıde Jüdenu
jınu ravıchımusıy Avurábay dadyeñıju,
rıtyıdy ratıvıchı variy sımu Jüdenu.
⁹Netımyı ne jıryajontay samırya
vıchıdamuju, jıryama datya: Nınu
ruvıtuununumara jaseé, runusıdaju.
Ramunıday rıryajınura jırya nınuvıchı
jıryatımyı ne samırya jorara, rıryatıdy
jatya jııdamıy variy rıvara.”

¹⁰Ruıtajadoda jıta nijyanvajyuu
varıniı Juánbay:

“ıTara nuñajvaay variy, tara?”

¹¹Sumıtyajada Juánbay varıryı:

“Nıtyı dajajıyıy jasıtajatyı, sama şay
tajaquını jasıtajası; nıtyı jmyıcharatı,
sama jıvay daryantıy.”

¹²Crıquıy jımyıvay jarye jtıjada
varıy sımıntyı, rıryatıdy jtyıy
sımıntyı, ruıtajadodanıniı:

“Datyanı, ıTara nuñajvaadye, tara?”

¹³Suteda variy ruuva:

“Ne jıryamrıchenıtanıy jınyı
jıyarıryıanchıju.”

¹⁴Ruıtajadoda şıtarumıntyıniı: “Va
nuque, ıtara nuñajvaadye, tara?”

Suteda jıta ruuva: “Ne jıryıparınura
tara sıvıchodamusıy, dantıyamyı ne
quıvıchodata. Jıryamıchı samırya
jıchıtyavay ramusıy jı yarırya, jıryatyı
jıryımıtyara crıquıy.”

¹⁵Rıjıchıpyıyada jıta nijyanvajyuu
Juánbaynıchıy:

“Nıniı dyetya sanıchate Jüdenu jıryetyı.”

¹⁶Sumıtyajada jıta Juánbay variy
tıtajıryıy: “Ray jıta jıyanu jaata jıryedyı.
Jatıvyenumanı nıtyı rajtı rııvıajıy, nıniı
jıta jıryı datyara rımusıdyı. Ne vınu

sasaapatu vit̄adasarā jtate darye, jiryatiy jaryiñu daryaju rimusidyeni. Niñi jita rajtjanu J̄udenu Jnututa jiryedye, jiidatya jarye risaju. ¹⁷Sapapetyu variy jiyjomu, satidyē jupay varirya yivaajyo, satidyē jato varirya rasiy rabajyovimuju, raquisuy jita sarupay jiidatya, jiryatimyu ne vanay jirichasara darya.”*

¹⁸Daryani sajachipiyatadedā Juánbay ratarya niquejadata riy nijyanvay, satuchoda varirya samituchoda ruuva. ¹⁹⁻²⁰Nutyityu Jeródesbe jita tanuvudodani Juánbay, jiryatiy saniquetyanuyada vacha jvaayadiva daryajuni, jiryatiy sajamyada nada jityeryi vaturuy Jerodiyajuy daryaju, ratarya jamirya vichasadiva jarye saniquetyanuyada Juánbay variy jasiñi. Rivasiy jita sajatyiyada jvaayada Jeródesbe vacha ranchajuntiy, jiryatiy satanuvudodani Juánbay riva.

Jesús jtyuyadanchiy

(Matévu 3.13-17; Márcu 1.9-11)

²¹⁻²²Riityumyuyadanumatiy nijyanvay, sityuyada jita Jesús varintyidyē. Rivasidyē jita sajoráyadanumatiy, rasetejada jarichu variy, sajuyujeyada jita J̄udenu Jnutu, nutyu jarityude sajuyujeyada variy sivaju. Rarayada niquejada jarichuvimusiy variy simuntiy: “Jiñiday radyenu jaryi ravyatasī, jaryi rīchanatya variy ji.”

Jesucrīstu munatyavay

(Matévu 1.1-17)

²³Sajotadanumatiy jvaayada Jesúsra mityamusiy jūdejada, jdivajnuvay mīsanichada jarye risaju, savichada mumuri vuyajuy nijyatī jta variy. Savichada Jusībe denu nta, Jusībe jita vichada Edībe jadchā. ²⁴⁻³⁸Edībe jita vichada Matátubay denu,

jadchintiy Matátubay vichada
Devyībe denu,
jadchintiy Devyībe vichada
Mérquibe denu,
jadchintiy Mérquibe vichada Janábe
denu,
jadchintiy Janábe vichada Jusībe
denu,
jadchintiy Jusībe vichada Matatíya-
sibe denu,
jadchintiy Matatíyasibe vichada
Amúsibe denu,
jadchintiy Amúsibe vichada
Navúbay denu,
jadchintiy Navúbay vichada Esdíbe
denu,
jadchintiy Esdíbe vichada Nacáyibe
denu,
jadchintiy Nacáyibe vichada
Mátubay denu,
jadchintiy Mátubay vichada
Matatíyasibe denu,
jadchintiy Matatíyasibe vichada
Saméñubay denu,
jadchintiy Saméñubay vichada
Jusībe denu,
jadchintiy Jusībe vichada Judábay
denu,
jadchintiy Judábay vichada
Juanánbay denu,
jadchintiy Juanánbay vichada
Résabay denu,
jadchintiy Résabay vichada Soroba-
bénubay denu,
jadchintiy Sorobabénubay vichada
Sadatyérubay denu,
jadchintiy Sadatyérubay vichada
Nérubay denu,
jadchintiy Nérubay vichada
Mérquibe denu,
jadchintiy Mérquibe vichada Adíbe
denu,

* 3.17 Sūtarya rasiy yimu tuvachuvajyu, raquisuy jita sūtay rijyu jiryatimyu ne rityuvachuruy simu.

jadchintyi Adíbe vichada Cusámibe
 denu,
 jadchintyi Cusámibe vichada
 Erumadámubay denu,
 jadchintyi Erumadámubay vichada
 Éribe denu,
 jadchintyi Éribe vichada Josuvébay
 denu,
 jadchintyi Josuvébay vichada
 Edyasárubay denu,
 jadchintyi Edyasárubay vichada
 Juríbay denu,
 jadchintyi Juríbay vichada
 Matátubay denu,
 jadchintyi Matátubay vichada
 Devyíbe denu,
 jadchintyi Devyíbe vichada
 Simeyúbay denu,
 jadchintyi Simeyúbay vichada
 Judábay denu,
 jadchintyi Judábay vichada Jusíbe
 denu,
 jadchintyi Jusíbe vichada
 Junámbay denu,
 jadchintyi Junámbay vichada
 Edyaquíbay denu,
 jadchintyi Edyaquíbay vichada
 Medéyabay denu,
 jadchintyi Medéyabay vichada
 Mayinánbay denu,
 jadchintyi Mayinánbay vichada
 Matátubay denu,
 jadchintyi Matátubay vichada
 Natábay denu,
 jadchintyi Natábay vichada Davyíbe
 denu,
 jadchintyi Davyíbe vichada Isayíbe
 denu,
 jadchintyi Isayíbe vichada
 Jobénubay denu,
 jadchintyi Jobénubay vichada
 Boósibe denu,
 jadchintyi Boósibe vichada
 Sarumúbay denu,
 jadchintyi Sarumúbay vichada
 Násúbay denu,
 jadchintyi Násúbay vichada
 Amyinadábebe denu,
 jadchintyi Amyinadábebe vichada
 Arábay denu,
 jadchintyi Arábay vichada Esrúmibe
 denu,
 jadchintyi Esrúmibe vichada
 Várvisibe denu,
 jadchintyi Várvisibe vichada
 Judábay denu,
 jadchintyi Judábay vichada
 Jacóbubay denu,
 jadchintyi Jacóbubay vichada
 Isácubay denu,
 jadchintyi Isácubay vichada
 Avurábay denu,
 jadchintyi Avurábay vichada
 Tarébay denu,
 jadchintyi Tarébay vichada
 Nacórubay denu,
 jadchintyi Nacórubay vichada
 Sírubay denu,
 jadchintyi Sírubay vichada Racábay
 denu,
 jadchintyi Racábay vichada
 Pedyébay denu,
 jadchintyi Pedyébay vichada
 Ebérubay denu,
 jadchintyi Ebérubay vichada
 Sádabay denu,
 jadchintyi Sádabay vichada
 Cayinábay denu,
 jadchintyi Cayinábay vichada
 Aruvasábay denu,
 jadchintyi Aruvasábay vichada
 Sémyibay denu,
 jadchintyi Sémyibay vichada
 Nuvébay denu,
 jadchintyi Nuvébay vichada
 Damécubay denu,
 jadchintyi Damécubay vichada
 Matúsabay denu,

jadchintiy Matúsabay vichada
 Enócubay denu,
 jadchintiy Enócubay vichada
 Jarébay denu,
 jadchintiy Jarébay vichada
 Marurábay denu,
 jadchintiy Marurábay vichada
 Cayinábay denu,
 jadchintiy Cayinábay vichada
 Jenósibe denu,
 jadchintiy Jenósibe vichada
 Sétubay denu,
 jadchintiy Sétubay vichada Arábay
 denu,
 Arábay jita vichada Jüdenu denu
 sundayadamusiy títajü.

**Bayantu nutyityu
 juuchanuruyadaní Jesús**
(Matévu 4.1-11; Márcu 1.12-13)

4¹ Jesús jita taryada Jurdájamusiy.
 Savichada mūchanichí Jüdenu
 Jnututa variy. Sayatanumayajada
 Jüdenu Jnutu tajityomu variñi.
²Daryajuyuy vuyajuy rundasaraju sani
 juuchanitaniryuyada bayantu nutyityu
 variy jasiñi. Ne sībyeda variryunda-
 mimyu tara, mitya. Ritōjadanumaty
 variryunda sajachijada jita variy.
³Sütēda bayantu nutyityu variy siva
 Jesús: “Jiñichatiy sītenu Jüdenu denu,
 yajtay siva jiñu ravichu, sātīdye tītuy
 pajü.”
⁴Sumutyajada jita Jesús variñi:
 “Ne, nūcharanuma Jüdenu niqueja-
 damu daryaju darya: Ne sajnūchara
 nijyamí vinu pata.”
⁵Sasumityadēda jita bayantu nutyityu
 variñi, sadityadoda mityamusiy variy
 títajü nijyanvay mucadini,
 rasutyeryasaraju títajü. ⁶Sütēda variy
 siva Jesús: “Raryi say jiirya jirya
 nijyanvay mucadijuu, títajü rádá jarye
 risaju, yatīdye nusuy ránchá títajü riy
 nijyanvay, jiryatiy rimutyajada

daryajura. Ramuní raryicheñi sajūtiy
 raryisaryurya. ⁷Jiryityi jadasiñu rañijyu
 ji, jiiiberya raryicha variy títajü.”

⁸Sumutyajada jita Jesús variñi:
 “Nūchara day,
 Vuryajadasíñu jita Vuntyityu
 Vuryīndenunijyu vuy, vinu
 sanijyu nīday vuryajachipiyasara
 títajü.”

⁹⁻¹¹Sapūcheda jita bayantu nutyityu
 Jerusarīmuju variñi, saranityaniñuve-
 jada Jüdenu rorivyū rodejcha variñi,
 sūtēda variy siva:

“Jiñichatiy sītenu Jüdenu denu,
 yajatyate jiyusiy jicyu, nūcharanuma
 daryaju darya:

Sajpa Jüdenu riy yipavay riryatīdye
 jñūtya samiy ji, riryajiryesumiy
 jijyomututa ji, jiiñuma jpatyara
 jiñumutu saniy ravichu.”

¹²Sumutyajada jita Jesús variñi:
 “Jtachara day: Ne yajantya mitya
 simu yintyityu Jüdenu.”

¹³Santyanuyadanumaty bayantu
 nutyityu vācha vichadata saniy Jesús,
 satocheda variy tarundamuju jasiñi.

Jesús jotāda jvaayada Cadidéyamu
(Matévu 4.12-17; Márcu 1.14-15)

¹⁴Sataryada jita Jesús, Jüdenu Jnutu
 vanuyadata Cadidéyamuju. Rarayada
 jita sāticheyada variy rityuunu
 vichavamyuju títajü. ¹⁵Sadatanunuve-
 jada jita riintyeryanijomuyu, jasityi
 riichanatyada nijyanvayjuuni.

Jesús jtojada jañúñu Nasaryému
(Matévu 13.53-58; Márcu 6.1-6)

¹⁶Südeda jita variy Nasaryémuju,
 sajavveyjomuju. Jiituyada rundamu
 sajañuvejada Judfyuveda
 jutyeryanijomvumu, jiryatiy sajūtyada
 raniy. Sanubesubeda variy catera
 niquettādaju. ¹⁷Richeyada jita
 caterapadye variñi Jesús, Isayíasibe

nurya, jiryatiy Jüdenü niquejada nüchara riva. Samuttatituyadara caterapadye, sasaryejada variryä Jüdenü niquejada nüchara jasityi süteda:

¹⁸⁻¹⁹ “Jüdenü Jnutu riva, jiryatiy sabayada daryaju ray, ratidye tüchusara jantyuyadavavyara samitüchoda. Supajada jita tanuvunusavamyu ray, ratidye tüchu richipyatedaju yivara; nisipyuryivvedamuntiy runuyadaju, sabonichavamyuntiy jantyuyadaju, ratidye tüchu titajura: Ritoma Vuntityu nija, varityi sajnuy samiy vuñecho.”

²⁰Satamutyadedanumatirya caterapadye, sataryatadeda jita jmutyimujuntirya, samasada jita varyi. Mitya runuchoda jutyeryaniyovimu vichavay variñi. ²¹Sajotada jteda varyi ruuva: “Diye rundani rito jirya niquejada nüchara jiryedyiya.”

²²Riñiquenyada jita titaju varyi samirya sanijyu, rityittada varirya saniquejada, jiryatiy jaryi samirya saniquejada daryaju. Rütada varyi: “¿Neviy ni Jusfy denu day?”

²³Sütada jita varyi ruuva:

“Jiryajtay dyetya riva, daryatiy rütachara nijyanvadyecyu: iYamisaniy ji, judanu! Daryatiy nutyuvachusara yivaachara Capernavúmu, yajvaatye darya jiyu, jimucadimuntidyecyu.”

²⁴Sütada varyi: “Ritatye jiryiva: Ne ridyireruy samucadimu Jüdenuju tüchuyu.* ²⁵Sitenu ritay jiryiva: Rivyichanyada rajuu bachenodamiy Irayénuveda tevay, Edíyasíy rundamu. Variryundamu samutadoda Jüdenura jarichu rumurajisiy, mumunijyamiy saraju, tiquinijyate jarimiyuni

ranchajuntiy. Ravichada jita jachinu rivasiy titaju mucadiva. ²⁶Ne supajada Jüdenü variñi Edíyasíy nadimuju Irayénuveda tenuy bachenoda. Supajada jita taji vichanyu bachenodamujuni, jiryatiy Saréptamu vichanuñada, Sitú mucadimu. ²⁷Rivyichanyada rajuu vatajojuyve Irayénuveda tevay Edisévubay rundamu, jiryatiy Jüdenuju tüchuni. Ne sapuyada Jüdenü variñi rityenu, mitya, vinu Namábay, jiryatiy savichada may Síriyamusi.”

²⁸Rityuvachodanumatiy jutyeryaniyovimu vichavarya jiryatiy saniquejada Jesús darya, riñiquettada jita varirya. ²⁹Riñubesubedanumatiy, ribetyada jita vichadamusiñi Jesús. Riyatada varyi jadchiy nubañucumujuni, musiquisumancha daryajura rivyichada. Riñi jteda yajatyä musiy ramiryamusiñi, nubañucovimu. ³⁰Jasidye jita saramiryitityiyada riquebyivantiy, puryityeni, sayada varyi.

Tiqui vanubay nchiy jiryatiy bayantu jamirya vichara siva
(Márcu 1.21-28)

³¹Sumusada jita jadchiy Capernavúmuju, jiryatiy Cadidéyamura. Sadatyanunuyada jiiituyada rundamu jasiryi. ³²Rityittada jita varyi sadatyadodanchiy, jiryatiy saniquejada daryaju jidyirya datyadata.

³³⁻³⁴Savichada nu vanubay riintyeryaniyovimu, bayantu jamirya vichara vichanuyada siva. Sasañeyajadamu jiñiquejada varyi:

“iJaa! ¿Tara jivyata nüdyisa, Jesús Nasaryémuși, tara? ¿Yidesiviy nuñivachadanacho? Radyetyama ji, chira ji. Jiiñiday Jüdenü jiiintyasi.”

* 4.24 Daryatiy ne rityuvachuruyada tariy rimyunatyavay simu Jüdenü, daryantimiyu ne rityuvachuruyada nijyanvay simu Jesús.

³⁵Saniquejada jíta Jesús jamiryamu varyi siva:

“Yandasa, yasipyatay sivasiy.”

Sajatyadanumatiy bayantu riquebyimuni, sasipyateda samiryamusiy varyi sivasiy. ³⁶Rityittada nijyanvay varirya, rutañuyada varyi yiva: “¿Nutyura niquejada jirya, nutyura? jiryatiy sadirya datyadada, savanuyadada jarye yipa sivasiryi bayantuveda vacha vichavay. ¿Nutyu rityuvachute varyi simunticyu, nutyu?”

³⁷Raramityityiyada jíta saticheyada Jesús rivyichadivaju titaju.

**Jesús misadeda nada
Pyítrubay desedabay**

(Matévu 8.14-15; Márcu 1.29-31)

³⁸Saradesubeda jíta Jesús, sasipyateda varyi jutyeryaniyovimusiy, sajañuvejada Siimyóbay rorivyimu varyi. Siimyóbay desedabay jíta saduyada jaryi varyi. Riyasantada varyi nadajuni Jesús. ³⁹Saraniñuvejada jíta nanutuunu, saniquetyada varirya nanusaduyada, raparyada varyi nadiva. Nanunubesubeda varicharaju, nanupotyadeda varyi jasiryi Jesúsveda.

Jesús misadeda riy jdivajnuvajyuu

(Matévu 8.16-17; Márcu 1.32-34)

⁴⁰Sapuryeyadanumatiy jiñi, ruutitada nijyanvay Jesúsmu riy jdivajnuvajy, jaryedo jdivajadatavay.

Sajatyotityiyada jijyomututa varyi riñiy, samisadeda titaju variryi.

⁴¹Bayantuveda jarye sipyateda rajuuvasiy varyi, richeneyanuyada bayantuveda varyi:

“Jiñi jíta sitenu Judenu denu.”

Saniquetyada jíta variryi, subayada riryajisirya niquejada, jiryatiy ridyetyada daryaju sanicha Judenu jaryeti.

Jesús datyanunumayajada vichadiva

(Márcu 1.35-39)

⁴²Rasachadanumatiy, sayada Jesús varyi jadchiy yasiquita tajityomuju. Rivyatanuyada nijyanvay varyi sanacho, richeryedanumatiñi, riñi tutaniyaruyada varyi jasiñi, sañuma tochiryi. ⁴³Suteda varyi ruuva:

“Rama tuchunuvera samituchoda Judenu nusuyadanchiy taji vichadamu, jiryatiy ráju jpasí ray.”

⁴⁴Satuchunumayajada varyi Judéya janvay jutyeryaniyovara.

Riicyadoda jaryi tittasara

(Matévu 4.18-22; Márcu 1.16-20)

5 ¹Rivyinutyajajada nijyanvay varyi rivani, riryatidye tuvachu simusirya Judenu niquejada. Saradeda Jesús varyi Jenesaryé jmityojiniy. ²Sadiyada riva dajnujuy cartye jasiy, munañijyu tiichara. Riryasubeda riicyanuvay ravimusiy jicyartye, richuutada varirya jamu riicya. ³Sumusada Jesús ravimuju tajnuqui cartye, jiryatiy ravichada Siimyóbay cartye. Suteda varyi siva Siimyóbay: “Yasiityaniy taraqui rajachenachojura.” Samaşadanumatiy ravimu cartye, jadchiñuma sadatyadoda riy nijyanvay varintiy.

⁴Saniquemuyadanumatiy ruuva, suteda jíta varyi Siimyóbavya: “Yasiityaniy taraqui nicharijyamuju. Jiryajmuryara jamu riicya jiyu, vinu taraqui juredaju.”

⁵Sumutyajada Siimyóbay variñi:

“Yajnujy Maestra, titaju nuporaca nuñi jantyanayajasiy riicyadoda, ne nudyiryiryuy nta ti. Yitedamujunuma nuñajmurya darya jamu riicya day.”

⁶Rijetyadanumatirya jamu riicyantiy, rureda jíta varyi rajuuñi quiva, rani rotyeryuyadanuma riicya varyi saju quiva. ⁷Riñuvatyajajada variryi ratarya jnuvimu riicyanuvay, rumutyisavajyu.

Ruutijadanumatiy ruumu, rimyuchadeda varirya dajnujuy cartye quivata, riñi jaryuyadanuma variy sáju day. ⁸Sunuyadanumatiy Siimyó Pyítrubay títajura quiva jureda, sadasidyoda sanachojú Jesús variyu, suteda variy siva: “Yájiintye ratyuuusiy, Nutyityu, tapi ravitya yinuy vanu juuchati.” ⁹Satittada jíta Pyítrubay, títaju yisa vichavatyara quivaviñusuma jurichada. ¹⁰Daryady nanutittada Santiyácubajuy Juánbattyantirya, jiryatiy Sebedévubay denujubeñada. Nanuvichanuyada Siimyóbay jmutyijuy. Suteda jíta Jesús variy siva Siimyóbay: “Ne yajnutay, diyemusiy jíta yacánay rimu tuvachodaju riy nijyanvay.” ¹¹Riyatadanumatirya jicyartye munañijyu, rityochiyajada variy jasiy títajura, richiityarjijada variy jadchiñi Jesús.

Jesús misadedani vatajojüñubay
(Matévu 8.1-4; Márcu 1.40-45)

¹²Savichadanumatiy Jesús tavichadamu variy, sitijada jíta nu vanubay vatajojüñu simu. Sadiyadanumatiy siva Jesús, sarayada jíta jimyota satuunu, sayasantada variñi: “Nutyityu, jivyatatiy, yapuy rivasiya vatajo.” ¹³Saratyada jíta Jesúsra jiyase variy sanachojú, “Jo,” sajatyojada variy saniy. Suteda jíta variy siva: “Ravyatantye, saminuma yecha.” Varicharaju rabayada vatajo sivasiy. ¹⁴Subayada jíta sajisiya tuvacha tivá. “Yanuma jíta jiya, yatidye dityanunuve caserdóte ji. Jiryatiy rapuchamā daryaju jivyatajo yivasiyu, ne ti jíta rasuvuñuday ji. Ramuni yasadyerya jnutatyasara Jüdenumu day, jiryatiy Muyusésibe jtedamujura, riryatidye datya nijyanvay variy ranchiy: Ne rajatay jíta jivyatajo tivajunuday.” ¹⁵Rarayada jaryivvaju variy saticheyada,

ripyanaryijada nijyamijuu saniy variy, riryatidye tuvachura saniquejada, riryatidye mīsa yidivajadamusintyi. ¹⁶Nīday numutañuyada nijyanvayjisiiy tajityomuju, satidye tuchu sīsā Jüdenurumu.

Jesús misadedani jurichinibay
(Matévu 9.1-8; Márcu 2.1-12)

¹⁷Rarundamu jíta, sadatyadodanumatirya Jüdenu niquejada, rimyasanuvejada Varyisévuedabay, Jüdenu niquejada datyanuvabe jarye ruusaju satuunu. Riñi jtijada rajuu vichadamusiy, Cadidéyamusiy, Judéyamusiy jarye, Jerusarímusiy jarye títaju. Ravichada jíta Jüdenu datyada simu Jesús variy jdivajnuvay misadedaju. ¹⁸Rututitiyada jíta vadubeñi jurichinibay. Riñi jteda yajtota mayancha Jesúsnu ni. ¹⁹Jiryatimyu ne ridiyada riva jajyo, ne tesiy riryijechuni jdivajni, jaryi nijyamijuu vichada rorijyumu daryaju, riryasubeda jíta variy roriy nupadanchaju, rimyuttadara panuchadi variy sajisiy, riryatidye jmusaniy jadchiñi, nijyanvay cabyimuju, Jesúsunuujyu. ²⁰Sunuyadanumatiy Jesús riñecho, jiryatiy rijechipityajajada sitenu misanirya daryajuni, suteda jíta siva jdivajni: “Jijyuuchueda raramiy mitya viva, jaamyicyu.” ²¹Rijyotada jíta jtajadoda Jüdenu niquejada datyanuvabe Varyisévueda-batyayu: “¿Chira jiñu, chi? jiryatiy savityiyeni Jüdenu. ¿Chi ramityanichara mityara juuchueda, chi? Vinu Jüdenu ramityanichara mityara.” ²²Sadatyadanumatiy Jesúsra rijechipiyajada, sumutyajada jíta variryi: “¿Nutyurajura jiryitajanu jiryechimiyuyu, nutyuraju? ²³¿Miryara jaryi datyasara, mirya? ratijyay: Jijyuuchueda raramiy mitya jiyu, varimiyata rajtay: Yanubesumiy,

yarupichiy variy. ²⁴Jiryatidye jnyyasiy savidye ramityaniy Nijyamidenu sivara jiyuuuchaveda jiryá mucadimu,” suteda variy siva vanu jurichini: “Ritay yiva: Yanubesumiy, yanchura jimeya, yanuma jiya jiryorimuyú day.”

²⁵Saradesubeda jita varicharaju ridiyia, sanchucheda varirya jityirojo, sayada jita jiryorimuyú, sichanatyachedani Judenu variy. ²⁶Rityitáda jaryi variy, riichanatyada variñi Judenu, jiryatiy rúnteda jaryi daryaju, rúteda jita yiva: “iVudyimyate riva tittasarate diye!”

Jesús natuyadani Devyíbe
(Matévu 9.9-13; Márcu 2.13-17)

²⁷Rivasinuma jita sasipyateda Jesús, sunuchunuvejadani criquiy jmutyánu, Devyíy jtyatibay. Sumutyanyadara criquiy jamu nutyityuju. Samasada Devyíbe criquiy jmutyajomu. Suteda jita Jesús variy siva: “Yasiityarisara ray.” ²⁸Satocheda Devyíbe titajura jiberya, sanubesa jita variy, sasiityarijada variñi Jesús.

²⁹Sivaayada jita Devyíberya jamu vichtya Jesúsju jiryorimyu, nijyanvay jbyedaju. Jasiy rivyichada variy rajuu criquiy jmutyavay sisa jivyichtyamu, tavay nijyanvay jarye. ³⁰Ricyucuyeyada jita Varyisévuedabay, * jicyatera nuvyevyedabatya riñijyu Jesúsja datyavavyedabay. Rúteda jita variy ruuva: “¿Taraju jiryimiy ruusa, taraju? jiryatu variy ruusa criquiy jmutyavantiy. ¿Ne jiryinuy juuchatava-dyeryi?” ³¹Sumutyajada jita Jesús riy: “Jiryatimyu ne jdívajnuvadyeryi, ne rivyatani judanunúday; jiryatiy jdívajnuvadyeryi, riñi jita vata dañi.

³²Ne riníy samirya vichavay natuyadanacho day, juuchataway natuyadanacho jita rinídye, riryatidye paruy riva taji jachipiyajada variy.”

Ruutajadodani Jesús
jmyichara jnuradanchiy
(Matévu 9.14-17; Márcu 2.18-22)

³³Rúteda jita tavay variy siva Jesús: “Juánja datyavay jita jnurasa japichirya jmyichara, rityuchu sisa Judenu variy, daryani ruuvaay Varyisévuedajsa datyavantiy. Yisa datyavay jítamuy ne datyara jmyichara jnurada day; richiityari jibyeda varidye, riryatu variy risajuntiy.” ³⁴Suteda Jesús variy ruuva: “¿Vuryaniviy jnurasa-niryi musuchavay jamuyada rundamu, netimyu ne sani jiintye jamuñu ruusasiyidyey? ³⁵Rajti rarunda varityi riryasovay riquebyimusini vadi jamuñu, variryandamu jita riryandara jmyichara.”

³⁶Satuchoda variy ruuvara niqejada dityanusara: “Ne vucheta sujay vadijatye, tarijepyo curuchutaju. Vuryityi vicha darya, vuryicheta varirya vuchujay vadijay, dantyamuy ne ramacho samirya tarijepyo ramusiy.

³⁷Dantyamuy ne vbey binuja vadija ravimu tarijevuyupo; vbetyi ravimura vadija, rabucha varirya tarijevuyupo, rumichaja racha variy, rapachitye variy sajavyu risajuntiy. ³⁸Vuryibe dyetya vadijavyuvimura binuja vadija.

³⁹Daryantyamuy ne vuryatururya saboja, vuryatunumatirya casiya, vuryitay jita variy: Casiya jita jaryi samiryavaju.” Daryani sumutyajada Jesús variryi. **

* **5.30** Varyisévueda vichanuyada Judenumu tuvachuvay, jiryatiy jaryi jaryuvuyey ruuvaaryuyadamu titaju daryatiy sanuyada Muyusésibe Judenu jtedamu, ratarya datyadoda jarye risajuntiy, jiryatiy nijyanvay jachipiyajadamusirya. ** **5.39** Jirya niqejadata sadityadoda Jesús: Ne vanay vuchiityari samiñi, netimyu ne vutyituy munatya vadi nijyamiju simusiy.

**Jesúsjsa datyavavyedabay
rotatyityadara jaruusi**byi**
jiituyada rundamu**

(Matévu 12.1-8; Márcu 2.23-28)

6 ¹Jiituyada rundamu jita, saramiryijadanumatiy Jesús racabyimu jaruusiñi, riryotyatityiyada sisa datyavavyedabay varirya rabi. Riibyeda varirya rasiy, jiryatiy riryasutya jijyomura. ²Ruteda Varyisé vuvedabay tevay varyi siva: “¿Tajura jiryivaarya jiryatiy jubachara Judíyuvudaju jiituyada rundamu jvaayadajura, taju?” ³Sumutyajada jita Jesús riy: “¿Ne jiryeñiquettara catera padye didye, nutyura sivaayada Davyíbe sajachijadanumatiy, nutyura? yisa vichavatya. ⁴Varityi sayayada Jüdenü rorivyimu, sireda jita varirya pa, jiryatiy ribeñuyada Jüdenü jiyadajura, sibyeda varirya. Sasayada jita yisa vichavay ratentiy, jiryatiy jubachara ranichanuyada riibyedajisiy daryajura, tapi vinu caserdótevyeda jbyedaju ranichanuyada day, jiryatiy Jüdenü nijyu jnutatyasara darya.” ⁵Suteda Jesús varyi ruuva: “Nijyamidenu jita jiituyada runda jamí day.”

Vanu jomutu susañubay nchiy

(Matévu 12.9-14; Márcu 3.1-6)

⁶Ratarya jiituyada rundamu jita, sayayadanumatiy Jesús jutyeryaniyovimu jidyetyadodaju, savichada nu vanubay jasiy, nutyityuday jomutu susañu. ⁷Runuchoda jita Jüdenü niqejada datyanuvabe, Varyisévuvedabatyaní Jesús, savidye misaniy jiituyada rundamuni, riryatidye tuchuta varyi darya jvaayadivani. ⁸Sadatyada jita varirya rijechipiyajada, suteda varyi siva jomutu susañu: “Yanubesumiy, yaraniy rajache.” Saradesubeda jita

varyi. ⁹Suteda jita Jesús varyi ruuva: “Ritajanu jirye, ¿Samiryavidye vuryi jvaarya samirya jvaayada jiituyada rundamu, varimyata vuryi jvaay dyetyara javatyada? ¿Vuryivyidye jantyuy siva nijyami, varimyata vuryi javatyani?” ¹⁰Sunuyajada varyi jamiryamu riñecho, suteda jita siva jomutu susañu: “Yaratyara jijyomutu.” Saratyadanumatirya jijyase, rüduyeda sajomutu varicharaju títaju.

¹¹Ramuchadeda jita niqeyada varirya Varyisévuveda jachiy, rityuchudoda varyi jasiyu: “¿Nutyura vuryechaniñi Jesús, nutyura?”

**Jesús jaryetada riy vuyajuy vadube,
danujuy rinchaju, sansubyimijyu**

(Matévu 10.1-4; Márcu 3.13-19)

¹²Variryundamu jita sayada Jesús musimyuju, satidye tuchu sisa Jüdenü jasiy, nuporaca satuchoda jasiy sisa.

¹³Rasachadanumatiy, sanatuyada yimuju riy yisa datyavay varyi, sajaryetada riquebyimusiya taraqui vuyajuy vadube, danujuy rinchaju, sabayada varyi yinsubyimijyu riy. ¹⁴⁻¹⁶Sabayadani Siimyóbay, jiryatiy sityadoda Pyítruni, jadchintiyi sataryi Antrésibe, jadchintiyi Santiyácubay, Juánbay, Vedípebe, Bartodomévubay, Matévubay, Tumásabay, Santiyácubay jarye jiryatiy Ajéñubay denubañi. Jadchintiyi Siimyóbay jiryatiy rütachara jaryi vanra niqerani, jadchintiyi Judásibe, jiryatiy Santiyácubay denubadyeñi, jadchintiyi Judásiy Iscaryótibe jiryatiy samityasiñuyadani Jesús.

**Jesús datyadoda riy
rajuuvay nijyanvajyu**

(Matévu 4.23-25)

¹⁷Sumusada jita varyi ruusa, saraniñu-vejada vapatyomu. Rivyichada jita

rajuu sisá datyavay jasiy, tavay nijyanvajyuu jarye, jiryatiy ruutijada Jesúsnu, riryatidye tuvachu saniquejadamu, riryatidye mīsa yidivajadamusiy varintyi. Riintyeryadeda Judéya janvabeyu, Jerusarí janvabe jarye. Jadchintyi jamu navajido vichavay, jiryatiy Tíru tuunu vichavaberyi, Sitú janvabe jarye ruusaju. ¹⁸Jarupantasavay jita, jiryatiy jamirya vichara bayantu ruuva, rimyisada varyi. ¹⁹Riryantyada jatyojada nijyanvajyuu saniy Jesús, jiryatiy rasipyateda vanuyada simusiy, samisadede jita títaju variryi.

**Ratyi samirya ratyaju dárya;
ratyi vamiryamuju dárya**
(Matévu 5.1-12)

²⁰Sunuyada jita riñecho yisá datyavavyedabay, suteda varyi ruuva:

“Júdenu jmútyasavay jita jiryenicha jantyuanimiy, jiryatiy jiryeyu ravichasara Júdenu nusujyo day.

²¹Júdenu jmútyasavay jita jiryenicha jiryatiy diyedemusiy jachivay jiryé, jiryatiy jiryechasara potyadimiy varyi. Júdenu jmútyasavay jita jiryenicha jiryatiy diyedemusiy jiryécha junavye, jiryatiy jiryatodiyéchara rivasintyi.

²²Júdenu jmútyasavay jita jiryenicha, riryanimatiy javittuy nijyanvay jiryé, jiryatiy riryavittuy Nijyamidenu jiyadasiy jiryé, riryanimatiy rrachu varyi jiryentyi, riryanimatiy javityiye jiryentyi, riryanimatiy jatya nutyu nicyaray ntará jiryitya varyi risajuntiy.

²³Jiryajchanayasiy variryundamu, jiryacaviñechichesiy yichanayadamu varintyi, ne jiryinuy, jamurasuma racha jiryemyurichenusada jarichumu; daryaday rivyichadeda

tarijyemyiryi Júdenuju tuchuvabentyi, rivyichada Júdenu jmútyasavay rucosiy varintyi.

²⁴Jiii, tajunate jiryé, taju, jiryatiy jaryi tara tavañuma jiryé, jiryimutyamumya daryajura jiyarurya.

²⁵Jiii, tajunate jiryé, taju, jiryatiy povyeñumate títaju jiryé, jiryaday jachi tapi rivasintyi.

Jiii, tajunate jiryetyodiyetye day, taraju, jiryaday nuvavya rivasintyique jiryinayadasaraju.

²⁶Jiii, tajunate jiryé, taju, riryanimatiy baya nijyanvay jiryenijyu, riryajvatanu varyi rata jiryé, darya niday rivyichadeda tarijyemyiryi, jiryatiy ránubesivyé Júdenuju tuchuvabentiyiryi.”

**Jesús datyadoda: “Vuryantya
vatasara riy vumyityasimiy”**
(Matévu 5.38-48; 7.12)

²⁷“Rítatye jita jiryiva tuvachuvay: Vuryama vatasara riy vumyityasimiy; vuryama vichanichara samiryariy jiryatiy riryavittuyvyuy. ²⁸Vuryama jachiñuy riyadaju jiryatiy ridyeya vuñijyu; vuryama tuchu sisá Júdenu riyadaju jiryatiy riryavatya vuy. ²⁹Vuryama janumitya sanachojura ratarya mayantiy, nityi jvay vumeyaniy vujyu; ne vuryajubay sajisintyirya vuchujantyi nityi sovay vuryajisirya vuchotajay. ³⁰Vuryama say tarani nityi jachiñuy tara vuryiva; ne vuryajachiñuy junay sivantirya vuberyantiy, jiryatiy sasovay vuryimusirya. ³¹Vuryama vichaniy darya riy tavantidyé, daryatiy vuryivyata riryavichanintyidyevvyuy.

³²Vuryityi vata riy, vinuriy rityi vatada munatya vuy, ¿tarajura riryejchanatya nijyanvay ramusiy vuy, taraju? Juuchataway jarye vatantiryi rityi vatada munatya riy. ³³Vuryityi

vichaniy samiñi, nitiy vichaniy samiy munatya vuy, ÷tarajura riryejchanatya nijyanvay riva vuy, taraju? Juuchataway jarye vichanichara daryantiy. ³⁴Vuryityi say tarani, vuryatidye jmutya tarundamu tara simusintyidye, ÷tarajura riryejchanatya nijyanvay riva vuy, taraju? Juuchataway jarye sachara riy jiryenu juuchataway tarantidye, riryatidye jmutya darya tara ruumusi-ntyidye. ³⁵Vuryama vatasara riy vumyityasimiyi, vuryama vichasara samirya jachityavay; vuryama sachara tarani ti, dañumamuy ne vuryajmutya tara simusintyidye. Jamurasuma jita racha daryaju vumyurichenusada variy, vuryecha variy Jarichumuvichi dadyeñu; tapi nitivya sanicha samirya jachityi rinijyu jiryatimyu ne jchanatyavaryi, vacha jachipiyavañijyu jarye. ³⁶Vuryecha jantyutyavay, daryani sanicha jantyutyi Vujye Judenuntidye.”

Jesús datyadoda:

“Ne vuryajachipiya taji tuchutada tinijyu”
(Matévu 7.1-5)

³⁷“Ne vuryajachipiya taji tinijyu, dantyamuy ne vinu ni rajachipiya taji variy vunijyuntidye. Ne vuryatuchutani ti, dantyamuy ne satuchuta ti varintyidyevyuy. Vuryaramityani mityara ti juuchaveda; ramityanichara dyetya rachasiy variy vujyuntidye. ³⁸Vuryama vichasara sayada jachityavay, Sasay saranusara varivyuy, samiy muchanichara sasay varivyuy, samiy sanasara; muchutyasara, nupada-quinusara sasay varivyuy. Daryatiy vucharanu tavajyu tara, daryaday riyasaranu variy vujyuntidye.” Sadatyadoda jita Jesús darya niquejada jasiryi.

³⁹Satuchoda jita variy ruuvara niquejada datyanusarantiy:
“÷Vanavyidye samutay nisipyuryiñi

jiryenu nisipyuryi? ÷Neviy nanajuuy mityijyiyuy vatajomu day? ⁴⁰Ne rivyichasara sisa datyavay jaryiñuvay simusiy jidyetyanu. Samiy datyanusava ñumatiy riryecha, riryecha jita variy nutyu jidyetyanu.

⁴¹÷Nutyichiy vuryidyi vutyeryi nisimyu riva radaryudyera, nutyichiy? netimyu ne vudyetya ravicha jiiipudaryuy vunisimyu. ⁴²÷Nutyuramusiy vuryajtay siva vutyeryi, nutyuramusiy? Pi, raday sipyata jinisimyusirya radaryudyera, netimyu ne vudyi vunisimyu riva jiiipudaryuy didye. Netimyu ne vuryituyadamu vichavavyuy, vuryasipyata munatya vunisimyusirya jiiipudaryuy, rivasiy jita vuryadiy riva vanda, vuryatidye sipyata variy vutyeryi nisimyusirya radaryudyentidye.”

Jesús datyadoda:

“Vudyetyara ninu rajomusiy”
(Matévu 7.17-20; 12.34-35)

⁴³“Ne rajontay samiñu darya nicyarajyo day, dantyamuy ne vanay rajontay nicyarañu samijyontidye. ⁴⁴Vudyetyara ninu nuñi rajonchiy daryaju. Ne vuchora ramuya jubonumusiy, dantyamuy ne vucho cariitunumusirya sámusiy. ⁴⁵Daryaday vuryivaachara samiy nijyamira samiy jvaayadantiy, jiryatiy rajontay vujechiy samirya jachipiyajadamusiy. Vuryivaa- chara jamirya vicharara vacha jvaayada, jiryatiy rajontay vujechiy vacha jachipiyajadamusiy. Vuryitosisy jita rasipyatachara niquejada daryaju jiryatiy vubeyada vujechimyura.”

Jesús datyadoda nutyura judaryancha vuryi vichajayasara titaju
(Matévu 7.24-27)

⁴⁶“÷Tarajura jiryitay Nutyityu ray, taraju? tama jiryeni tuvachuruy ramu

rañiquejada. ⁴⁷Rađityanu jirye nutyura sanicha niyyami nitiy jutı rimu, nitiy tuvachusara variy ramu rañiquejada, sasiitiesara variy rajuntiy. ⁴⁸Nini sanicha nutyu vanu roriñu. Subeda jıta nichariyyu, satıdye bay surrajura yituvu. Raniyyeyadanumatiy nava, rajatyajada jaá saroriñiy, ne vanay rasiquiyatadadara, jiryatiy samiy jvaachara daryajura. ⁴⁹Nini jıta nitiy tuvachura rañiquejada, dantyamuy ne sasiiteryuy variy rajı, nini sanicha nutyu vanu roriñuntiy. Susityada vattadera jiryorintuvu. Rajatyajadanumatiy jaá raniy roriy, rajottimuyada titaju varirya, pattaryityera.”

**Jesús misadedanı sutarumiy
nutyityubay muchechibe**
(Matévu 8.5-13; Juđn 4.43-54)

7 ¹Saniquemuyadanumatiy niyyanvay tuvachodajura yiteda, sajañuvejada Capernavúmu variy. ²Savichada jıta sutarumiy nutyityubay, muchechityı. Samuchechiy jaryi savatası jdivajada variy, vadiiryonuma variñı. ³Satuvachodanumatiy sanchiy Jesús, supajada jıta simuriy Judıyuvada rimyityumibe, riryatıdye jiyasantanı: “Yejiya, yatıdye jantyuñuve siva sutarumiy nutyityu muchechiy.” ⁴⁻⁵Ruutojadanumatiy simu Jesús, riyasantanuvejada variñı: “Nuñi vata yechaniy daryanı, savata daryajuriy vutyevay, saroriyada varirya juteryaniyyo nuju.” ⁶Sayada jıta Jesús variy ruusa. Nujipydenumatiy ravichada sutarumiy nutyityubay roriy, supajada jıta sutarumiy nutyityubaryi jidyetyavabe, riryatıdye jtay siva Jesús: “Ne yajarapanu ji raryorimyu jtojadate, tamá racharānu ntate day ji, tamá yajtojay raryorimyu. ⁷Dantyamuy ne rajechipiyá samiy jvadichı ray, rajtojay yimu. Mitya yaniquera niquejada,

satıdye misasumiy ramyuchechiy variy. ⁸Tapi ray jıta vichasara sabonichı rayntyityuju day, rachabonintyiryi sutarumintiyi. Ritay siva ti: iYejiya! saya variy; nuvantiy: iYajni! suniy varintiy; ritatyı ramyuchechivyantiy, iYajvaarya jiryı! sivaay varintyirya.” ⁹Satuvachodanumatiy Jesúsra saniquejada, satıttada variñı, sanumityeda niyyanvayıunachoju jiryatiy richiityariñuyadani, suteda variy ruuva: “Rıtay jiryıva: Netaramu vinu ratyevay İrayėnuvada cabyimu radyı tıva nutyu jiñu, vuryimu tuvachurá.” ¹⁰Ruutiñadanumatiy sutarumiy nutyityubay jpavabe jiryorimuntiy, ridyiñuvıjıada jıta siva muchechiy, misınuma day.

**Jesús misadedada diibymusiñı
bachenodabay denubay**

¹¹Tarundamunuma jıta sayada Jesús vichadamuntiy, Nayı jtyataramu. Riyada sısa datyavavyedabay yısa, rajuu niyyanvay jarye ruusantiy. ¹²Rityuudiyadanumatirya vichada jurı puryesara roriyyu, jadchiy jıta runuyada rututityıyadani diidabi. Vinu nıdenı sanıchanuyada nanudenu sunoda, jiryatiy bachenoda nada. Rajuu vichada janvay jnyuada nadısanı. ¹³Sadiyadanumatiy Jesús nadıva, santıyutyada variñada. Suteda jıta nadıva: “Ne sanajunay.” ¹⁴Sajatyānuvejada jıta raniy sabapyojo variy. Riryadada jıta nichuyava variy jasiy. Suteda jıta variy diibiyıva: “Yıva ritay, Vaderonu, iYanuma nubesumiy!” ¹⁵Samasasubeda jıta diibiyı variy, sajotada niquejada varintiy. Sasayada jıta Jesús sunodayu. ¹⁶Runteda titaju niyyanvay variy, riichanatyada jıta variñı Judenu, jiryatiy ruteda: “ıSanubebesıtye Judenuju tuchı jaryıñute vıquebyimu! iSajañumya jıta Judenu jıñıjıyanvamyu!”

¹⁷Raticheyada jita jiryá tuchoda, Judéya juroju títaju.

**Ruutijada Juán Bautístabay
jpavabe simu Jesús
(Matévu 11.2-19)**

¹⁸Juánbaysa datyavay jita tuchunuvejada variy yiva títaju. ¹⁹Sana-tuyada jita Juánbay variñada danujuy yisa datyanujyube, supajada variy Jesúsnu jtajanujyñada: “¿Jiñiviy jiryatiy yatiche jtijada, varimiyata nuryi nutuyasiy tjjijuntiy?”

²⁰Naditojadanumatiy Juánbaysa datyanujyube simu Jesús, naniteda jita siva: “Supajasiy Juán Bautísta yimu nay, nañatidyé jtajanu ji: ¿Jiñiviy jiryatiy yatiche jtijada, varimiyata nuryi nutuyasiy tjjijuntiy.” ²¹Varidyé jita samisadede Jesús riy rajuu jdívajnuvay, jarupantasavay jarye, jamiryanu bayantu tavay jarye, sunuyasumityaniy variryi nisipyurymiyi ruusajuntiy. ²²Sumutyajada jita variñada Juánbaysa datyanujyube: “Sanañtuchunuve siva Juán jiryatiy sanudimya riva, sanutuvachumá risajura, nutyuramusiy runuyasumiy nisipyurymiyi, nutyuramusiy, canuyasivyeda jarye rupi, vatajojuyve jarye misa, tuyupuryimiy jarye tuvachu, diibyimiy jarye misasumiy, jantyuyadavay jarye tuvachusarara samituchoda. ²³Judenu jmutyasi jita sacha minityimyu ne racasinuya rachiityarisadajisiy.”

²⁴Nadayadanumatiy Juánbaysa datyanujyube, sajotada niquejada Jesús variy nijyanvavya sanchiy Juánbay. “Taranachó jiryevyatanuветi tajityomu, taranachó? ¿Jiryeyati vinu jiryatidyé diñuve tiva jiryatiy rajuurá jachipiyarani, nutyu vachutiy nuvatyajasara riichomusiy?”

²⁵¿Jiryevyatati dyetya sanachó nijyamí vasidyajay sujatyí? Ne jiryinuy, rityi

vichasara jaryi sujatyavay, jaryi samirya baryatavay jarye, rivyichasara jita jamu nutyityu rorivyimu. ²⁶¿Taranachó jita jiryevyatati sitenu variy, taranachó? ¿Judenuju tuchunachó dyetya? Jo, jaryivyaju Judenuju tuchu jiyadajuteni. ²⁷Nini jita sanicha, jiryatiy nuchara sanchiy:

Ripa jitaní raynsu byi jimyomuju, satidyé jdutyara nú yajiju.

²⁸Rítay jita jiryiva: Ne ti jaryiñu Juánmusiy, jiryatiy vaturumyusiy rupini. Dañuma rítay daryá, minityi vichasara riryarijyu játarya Judenu siityarivamyusiy, sanicha jaryiñu simusiy Juán. ²⁹Títaju Juánmu tuvachuvay, criquiy jmutyavay jarye, riñi jita dityanunuyada vasera Judenu jvaayada, jiryatiy riityuyada Juán jtyadodata. ³⁰Varyisévuvéda jita, Judenu niquejada datyanuvay ruusa, riñi rrachodara Judenu jteda jiñijyu, jiryatimyu ne riityuryuyada Juánmu.

³¹¿Nutyura niñta rajtay riñijyu nijyanvay jiyjomucu, nutyura? ¿Nutyura jantyasarata radityanu rinchiy, nutyura? ³²Riñicha jita nutyu deramiy pudásamu masavay. Rityiyisaruyadamu jityuchuta tavayu: Dañuma nuñi ruudiye jiryejyu, ne jiryeryeyaruy nta variy. Dañuma nuñi sutyaniy nutyu diibytuunu jnyadamu nta, ne jiryinaryuy nta variy ranchintiy. ³³Darya rítay, jiryatiy sudéda Juán Bautísta jmyichara jnurará: ne sibyedara pa, dantyamuy ne satodara binuja, jiryiteda variy sanchiy: Bayantu siva. ³⁴Sitima jita Nijyamidenu ne jmyichara jnurará, jiryatiy simiy, satu jarye variy risaju. Jiryitay variy: Ta jaryi jibyedajachi niday, niyuyadacanuy risajuni. Niniday criquiy jmutyavay jaamyicyu, jiryatiy juuchatavaryi. ³⁵Dañuma riryechasara vasevay jiryatiy Judenumusiy datyavadyeryi.”

**Jesús vicháda musuchi Varyisévumu,
jiryatiy Siimyo jtyatibañi**

³⁶Samusuyada jita Varyisévueda tenubay jbyedajuni Jesús, sajañuvejada jita variy sarorivyimu, satayada jita jbyedaju misaniy. ³⁷Nanuvichanuyada jita tanuqui vaturube juuchatanuy jasiy. Nanudatyadanumatiy: Muy simyi Jesús, Varyisévu rorimyu, nanitoda variy rumura vurudijavu, jiryatiy adabástrura ravichuteravudera. ³⁸Nanuraniñuvejada sarudivasiy sanumututuunu Jesús, naninañuvejada variy jasiy. Rajotada paruyada sanumutu naninayata, nanususajada jita yinojasitya varirya sanumutu. Nanusiidyoda jita sanumutuvantiy, vurudija nadivada sanumutuva varintiy. ³⁹Sadiyadanumatiy vichtya jami riva vaturuy vicháda, sajachipiyajada yimu variy: “Sítenu Judenuju tuchutiy saryivyichasara jiñu, saryidyetyasiñada vaturuy, chanurya nanicha, nutyura vaturuy nanicha day, jiryatiy nadivá sivara vurudija, tapi juuchatanuy vitya nanicha daryaju day.” ⁴⁰Sumutyajada jita Jesúsra Siimyo bay jachipiyajada: “Siimyo, ritaryuy tara yiva.” “Jo, yanuma jtarya, Datanu.” ⁴¹Suteda Jesús variy siva: “Nanuvichanuyada danujuy divyitanujuy, nanudiviyadani criquityi. Ti qui diviyada davaatajuy jvaayada murichirya, nuntiy diviyada danujuy jarimunyi jvaayada murichirya. ⁴²Jiryatimyu ne tarajnay tara nadimu, tarata nanamurichenura jidyivyí, saramityadedara nanudiviyi tita ju mitya. ¿Mira ravata jaryi nadimusi rivasiñi jipyatru, mi?” ⁴³Sumutyajada jita Siimyo bay: “Rañi jtatyé mivara saramityaniy jaryivyajura.” Suteda jita Jesús variy siva: “Jasidye yitay vasera.”

⁴⁴Sanumityeda Jesús variy vaturuy nachoju, suteda jita siva Siimyo bay; “¿Jidyí nadiva jiñuy vaturuy? Rajeyasiñu-

matiy jiryorivyimu, ne jicheyasiy jaa rañumutu suutajaju ray. Nada jita parodesiy yinayata rañumutoday, nanususa jasiy variy yinojasityantirya. ⁴⁵Dantamuy ne jimyuchuvesiy siidyodada rajeyadamu ray, nada jitamuy ne paruy riva siidyoda rañumutuva rajeyadamu sidye. ⁴⁶Ne jiryubesirya nija rinomuntiy, nutyu jivyichanicharatiy daryani jañuñu, nada jita jvasiy vurudija rañumutuva day. ⁴⁷Ramunitiy ritay yiva: Ramityanicharunuma nanujuuchavedavicha day, ramuni nanuvatasara jaryiryé. Ne savata jaryi daryaju ray, sajutimuy ne ramityanichara jaryirya jiyuuchueda.” ⁴⁸Suteda jita variy nadiva vaturuy: “Ramityanicharunuma sanujuuchueda.” ⁴⁹Jasiñuma jita rijyotada niquejada Jesúsra jmyivyébe jivyimu: “¿Chira sanicha jiñu day, chi? jiryatiy saramityaniy mityara juuchuedantiy.” ⁵⁰Suteda jita Jesús variy vaturuyva: “Sanutuvachoda jita jantyuy yiva, sanunuma jiya samiy.”

**Vatuvyedabay jiryatiy
rumutyanyadani Jesús**

8 ¹Jadchiy jita sarupiñumayajada jamu vicháda cabyiva, pasivyicháda cabyiva jarye. Sadatyanunumayajada, satuchunumayajada risajura samituchoda Judenu nusuyadanchiy, jiryatiy sansuryuñuma vuryinuyadamu. Rivyichanuyada sisa datyavay yisa vuyajuy, danujuy rinchaju. ²Rivyichanuyada vatuvyedabay misavay sisantiy, jiryatiy samiseda jamiryanu bayantujsiriyi, vacha jdivajadajisiy jarye. Nanuvicháda Maríyajube jasiy, Mardánamusiñuy, rimyaseda jita danujuñijyate bayantuveda nadivasiy. ³Nanuvicháda nadisantiy Juánajube, Chúsabay vaturuy, jiryatiy Jeródesbe nusubyni, Susánabay jarye, tavay jarye vicháda ruusa. Rumutyanyumayajada jiberyata riy Jesúsveda.

Jesús tuchoda nutinchiy
(Matévu 13.1-9; Márcu 4.1-9)

⁴5Rajuu nijyanvay jutyeryadeda titaju vichadivasiyu, jiryatiy runiñuyada Jesúsmuju. Riinteryadedanumatiyu, suteda Jesús variy jidyetyadoda niquejadamu ruuva: “Sayada jita tiqui nuti, satidye nutara nutasarasiy. Santadamu jita rajuyyada ratesiy núva, jasityi riryaniyeyada nijyanvaya, riimiyuyyada jita nipyatavay variy jadchirya. ⁶Ratesiy jarye juuyada ravichu cabyiva. Rani dipuvedanumatiy ramumyuyyada variy jasiy, jiryatiy rasutyeda jaá daryaju rajú. ⁷Ratesiy jarye juuyada cariitujnutiy cabyiva, rani cariitu jotada javyeda rajisiy nutasarsidye, radiryododa variy jasirya. ⁸Tasiñi juuyada samiy mucadimu day, rajavyeda variy, rasayada jita rasiy variy, taraqui pachasiy saraju.” Satuchodamu yiteda jaryi: “Jiryetyuvachutata tuyutavay.”

Nutyuraju saniquejada Jesús dityadoda tuchodata, nutyuraju
(Matévu 13.10-17; Márcu 4.10-12)

⁹Ruutajadodanumatiy sisa datyavayyu: “¿Tara ranique jirya jidyetyadoda tuchoda, tara?” ¹⁰Sumutyajada jita: “Vinu jiryeniñi sasayada Jüdenü darya mityamusiy datyada day, jiryatiy mityamusiy datyada Jüdenü nusuyadanchidyerya; tavajyu jita ratyuchu vinu dityadoda tuchodata dárya, dañuma riryajny, ne riryadiy tariva; dañuma riryatuvachu, ne riryadatya varirya.”

Jesús datyatadedara tuchoda nutinchiy
(Matévu 13.18-23; Márcu 4.13-20)

¹¹“Jirya jítara datyanusada tuchodanchiy: Nutasarasiy jita Jüdenü niquejada day. ¹²Jivye jiryatiy núva riy, rityuvachumara Jüdenü niquejada. Suniy bayantu nutyityu varidye, sasovay varirya

Jüdenü niquejada rijechivyasiy, riñuma tuvachu variy ramu yentyutyasadamuju. ¹³Jivyentyi jiryatiy ravichu cabyiva riy, rityuvachunumatirya saniquejada, rumutyá variy jichanayadamura. Jiryatimyu ne jnutyavay nta daryaju riy, ne richururyuy jityuvachodamu, jarupantasada rundamu jita ripyaruy variy riva. ¹⁴Jirya jita, jiryatiy cariitu jnutyi cabyiva juuryara, dañuma riñicha tuyutavay, ripyarmya variy riva jichiityarijada, jiryatiy rijechipiyá daryaju taraniyu, nutyuramusiy vuryicha taratavay, nutyuramusiy vuryicha jchanayadacanimiy. Ne rajay rityuvachoda variy samirya vichadamuju. ¹⁵Jirya jita, jiryatiy samiy mucadincha juuryara, riñiday tuvachu samirya jachityavay vichadamujura saniquejada, rajay rivyichada tapimusiy vichadata variy.”

Jesús datyadoda nonodanchiy
(Márcu 4.21-25)

¹⁶“Vuryupañumatirya nonosiyy, ne vumyutanu tarata varirya, dantyamuy ne vubey vumeya jarirya. Vubey jita rabajyonchayu, riryatidye diy nijyanvay jañvyey variy riva rada. ¹⁷Titaju jiryatiy dutyasara diyera, racha variy dityanusara rivasintiy; titaju jiryatiy mityamusiy datyasara diyera, jvadatyasara racha varintiy.

¹⁸Jiryetyuvachutata samiy radyetyadodamu, tapi simu jiryatiy taratini, sasay Jüdenü variy junantiyiñi; simusiy jita jiryatimyu ne taratini, sasovay Jüdenü variy simusintiryra jiryatiy sadatya nta yimura.”

Muvye riñicha sitenu Jesús jnoða, sataryiveda jarye nadisaju
(Matévu 12.46-50; Márcu 3.31-35)

¹⁹Naditijada jita variy Jesús jnodabay, sataryivedabatya, ne vanay rityuudi-

yada niyjamijuumuni. ²⁰Rityuchoda jita siva Jesús variy: “Jiyunuma bimu nada yinoda, jityeryivedata, riñi diryuy daryaju yiva.” ²¹Suteda jita variy ruuva: “Rinoda, ratyeryivedata riñicha titaju jiryatij rityuvachu ramu Judenu niquejada, ruuvaachara varintyirya.”

**Jesús ndasadedara riicho,
riyerya jarye risaju**
(Matévu 8.23-27; Márcu 4.35-41)

²²Tarundamu jita sumusada Jesús yisa datyavatya cartyevimu. Suteda jita variy ruuva: “Vuryaramityeryi jimityo rudamyuju.” Riyada jita variy jadchiy. ²³Riyadamu samayada Jesús. Rajujujeyada jita jamu riicho jimityomu variy, rani mucharyadanuma cartye variy jaata day, riñi janumityeryuyadanuma variy jasiy. ²⁴Rityuudiyadanumatiy sisa datyavayu, ridyoseda jita variñi Jesús jiñiquejadata: “iMaestru, Maestro, vuryanuma caraye riyeryamu!” Sidyojadanumatiy Jesús, saniquetyada jitara riicho, riyerya jarye risaju. Randasada jita mityijiyuju riicho, riyerya risaju, juvayanuma ramachojada variy. ²⁵Suteda jita variy ruuva: “¿Nutyijirya ranicha jiryejehipiyajada sanijyu Judenu day, nutyijiy?” Rityitadada variy jichuvuyadamu, ruteda nuñi riy variy yiva: “¿Chirana sanicha jiñu day, chi? ¿Nutyi ratuvachu riicho simu, nutyi, riyerya jarye, supanumatirya?”

Jerásajamibay bayantuti
(Matévu 8.28-34; Márcu 5.1-20)

²⁶Ruutojada jita Jesúsveda Jerásajanvay mucadimu, jiryatij Cadidéya mucadisarara. ²⁷Sasubedanumatiy Jesús siinumu, sasaryejadani tiqui vanubay bayantuvedati, jiryatij jamu vichadamusini. Taripyunuma ne

sajachuruyadara sujay yiva, dantyamuy ne savicharuyada rorimyunuday, samachojada jita bapyo cabyimu variy. ²⁸Sadiyadanumatiy siva Jesús, sasañeyajada jita, sarayada variy sanumututuunu. Saniquejasubeda jita variy: “¿Tara rimu jiiyju Jesús, tara? jiryatij Judenu Jarichumuvichi denu dajyi. Rañi jiyasanta ji, ne yajantyunuvay jitante ray.”

²⁹Supanuyada Jesús daryajuni jamirya vichara bayantu: “iYanuma sipyatay niyjamivasiy!” Tapi tarinuma siriñuyada bayantu jivyanuyadata daryajudañi. Ripyuchunuyada jita niyanvay cadyidajuuata varirya sajomutu, sanumutu risaju, runutyada jiuusetavay variy jasiñi.

Sarotyatimuyadanumatirya cadyidajuu, bayantu batyada variy tajityomujuni. ³⁰Sitajadoda jita Jesús variñi: “¿Tara yityate day, tara?” Sumutyajada jita: “Rajuura Varanca,” jiryatij rivyichada rajuu bayantuveda daryaju siva. ³¹Riyasantada jita bayantuveda variñi Jesús: “Ne yajpa vatatovimuju nuuy.”

³²Savichada tajuuqui cuchiy jasiy, sibyesadeda musimiyare. Riyasantada jita bayantuveda variñi Jesús: “Nuñajay cuchivya.” Suteda variy ruuva bayantuveda: “Dañuma jiryajay ruuva cuchimiy.” ³³Richipyateda jita bayantuveda niyjamivasiy variy, rijeyada jita variy cuchivyedava. Richiichiyeyada jita cuchijyuu nubañucovimu jimityomuju, rijeyeyada titaju variy, puritye. ³⁴Ridiyidanumatiy cuchiy jnutyavay riva, nutyura rivyicha cuchijyuu, nutyura, ribeyeyada jita, rityuchunuvejada jita jamu vichadamu varirya, ruro vichavavya jarye. ³⁵Riyada jita niyjamijuu jnuvye variy, nutyunuma ravichasintyi, nutyura. Ruutjadanumatiy simu Jesús,

ridiyñuvijada siva vanu sanumututuunu Jesús. Ne tavay jñay bayantuveda sivanuḍay, samasada variy sujatyj, raratyedama suno variy. Mitya jnutacha rivyichada nijyanvay variy. ³⁶Jiryaty ridiyada titaju riva, rityuchoda jita variy ruuva: “Nuryamusiy samisasiy bayantuvedati.” ³⁷Rijechnuyada jita nijyanvajyuu siva Jesús: “Iyanuma jiya nudyisasiy!” jiryaty rireda jaryi suvuyada variy jasiryi Jerasa mucadi juru vichavay. Sumusada jita Jesús cartevimu variy sataryadaju. ³⁸⁻³⁹Nini jita jiryaty savichanuyada bayantuvedati, sajachinuyada siva Jesús: “Ravyichary yisa.” Subayada jita Jesús sajisirya: “Ne, yanuma tarya jiryorimuyju, yatuchunuve ruuva, ta jaryi tittasaranite savichadesiy Judentu jiyadaju.” Sayada jita jadchiy, satuchunumayajada titaju vichadiva: “Nurya savichadesitye Jesús jaryi rayadaju.”

Jáyirubay detubay; vaturuy jamundatanube jarye, jiryaty nanumutyeda raniy Jesús sujay (Matévu 9.18-26; Márcu 5.21-43)

⁴⁰Sataryadanumatiy Jesús Cadidéyamujju, ridyiryejada jita nijyanvañi, rintunuyada daryaju rumu sajiju. ⁴¹Sudeda jita tiqui vanu variy, Jáyiru jyatibay, savichanuyada juteryaniyo nutyityu. Sarayadanumatiy Jesús numututuunu, sayasantada jita variñi: “Iyajniy raryorimuyju!” ⁴²Sadetu tiqui vichidera vichanuyada vadiiryo daryaju, savichada vuyajuy nijyati, daniyajuy tuunu ranchaju.

Sayadamu Jesús, riñi nayatiryuyada nijyanvay variyu. ⁴³Nanuvichanuyada jita runuy vaturuntyi, jamunudatanuy, taraqui vuyajuy niya ravichada nadiva, daniyajuy ranchaju.

Nanupachityamuyadanumatirya yimu vichara titaju jdanuvamyu, ne nanumisaryu yada timu tiii, mitya.

⁴⁴Nanideda jita sarudivasiy Jesús, nanujatyojada variy raniy sasujacho, raparyada jita varicharaju nuda nadiva. ⁴⁵Suteda jita Jesús variy: “¿Chira sanicha jinutiy sajatyo rañiy, chi?” Riryeyada variy titaju jiyada, suteda jita Pyitrubay variy: “iMaestru, jiryaty nijyamijuu suma yiro, riñi jatyo jasiy jiiñiy!” ⁴⁶Suteda jita Jesús variy: “Ne, tiqui jtanite jatyojasiy rañidye, jiryaty radyetyasiy rasipyatay vanuyada varicharaju rivasiy.” ⁴⁷Nanudatyadanumatiy vaturuy: “Ne dutyasi rañichanuday,” nanideda jimyichutyedanube simu, nanubutanuvijada Jesúsnachojuy, nanutuchoda vijyomujache nijyanvay diya: “Nutyura ratyaju rajetyojasiy saniy, ramyisasubesiya titaju varicharaju.” ⁴⁸Suteda jita Jesús variy nadiva: “Samiy sanujachipiyajadamu jimyisa, Popojuy. Sananuma jiya samiy.”

⁴⁹Saniquejadatidye Jesús, sitijada nu vanu Jáyirubay rorimuy, sutanuvijada siva: “Sadiimya jidyetu. Ne yajarupanta nudañi Datyanu nuday.”

⁵⁰Satuvachodanumatiy Jesúsra, suteda jita variy siva Jáyirubay: “Ne yasuvuy ranchiy, yajachipiya jijechitya, saday misasumiy jidyetu.” ⁵¹Sitoadanumatiy Jesús Jáyirubay rorimuy, subayada Jesús riryajisirya jayada yisa. Vinu Pyitrubay jayada sisa, Juánbatya, Santiyácubay jarye, diiby jayyube jarye ruusaju. ⁵²Runachadeda jita nijyanvay variy jasiy, riñuvayada daryaju jaryiñi. Suteda jita Jesús variy ruuva: “Ne jiryajñay, tama diñu sanicha dera, tama, nutyu sani mañindyey.” ⁵³Rityodi yada jita variy siva, ridyeyada daryaju diñunuma sanicha. ⁵⁴Jesús jita jureda sajomutuniy dera babyi, sanatuyada

variñi: “iPochityu, yꝯnuma nubesumiy!”
⁵⁵Sataryajada suntu variy yivajuntiy, sanubesubeda varicharaju. Suteda jita Jesús: “Jiryasay tara sibyedajuyy.”
⁵⁶Nanutiñtada jita sajayyuberya; Jesús jubayada riryajisiy tavavya tuchodara jivyichada.

Jesús jpajada tuchuaryi yisa datyavay
(Matévu 10.5-15; Márcu 6.7-13)

9¹Sanatuyadanumatiy Jesús riy yisa datyavay jiryatiy rivyichanuyada vuyajuy, danujuy rinchaju, sasayada jita jivyanuyada tera riy, sadatyada tera risaju, ratatidye riryajatlanumaya titaju riy bayantuveda nijyanvavyasiy, riryajdanura jdivajadantiy. ²Supacheda jita variy tuchodajuriy, riryatidye tuchu Jüdeno nusuyadanchiy, riryatidye jdanu riy jdivajnuvantiy. ³Suteda Jesús variy ruuva: “Ne jiryajtu tara jiryupiyadaju, ne vinu ruvese, dantyamuy ne dusuuy, dantyamuy pa, dantyamuy criquiy, dantyamuy ne dajajuyy sujacya, mitya. ⁴Jasityi jiryajto rorimyu, jasiñuma jiryamachö variy jiryeyada rundasaraju. ⁵Jasityimyu ne riryay diryeruy jirye, jiryannumatiy sipyatay jadchintiy, jiryamuchutyara rirujuu riñijyu jiryeñu-mutuvasiy, riryatidye datyasiy rata: Vurayasachadamundyerya.” ⁶Riyada jita variy, rityuchutityiyada titaju vichadivara samituchoda, rimiysanityityiyada varintyiryi jdivajnuvantiy.

Juán Bautístabay jvachada, jiryatiy riryechadara suno
(Matévu 14.1-12; Márcu 6.14-29)

⁷Satuvachodanumatiy nutyityu Jeródesberya Jesús jaticheyada, samachojada jachipiyanu variy, jiryatiy ruteda tavay: Samisasumimya Juan Bautístabay. ⁸Tavay jarye jteda: “Samutimä Edíyasintiy,” (jiryatiy

savichanuyada tariy Jüdenuju tuchu.)
 Tavay jarye jtedantiy: “Samisasimyumya Jüdenuju tuchuvabe tenu tarijye.”
⁹Suteda jita Jeródesbe variy: “Raryechatadedara Juanbay jno, çchiranate sanicha jiñu, chí? chinchinate ratyuvachura jirya niquejada.” Sani jantyada diryuyada variy siva Jesús.

Jesús potyadeda riy tadajyo varanca vaduy
(Matévu 14.13-21; Márcu 6.30-44; Juan 6.1-14)

¹⁰Rityeryadanumatiy Jesús nusubyimiy yimujuntiy, rityuchunuvijada jítara yivaayada titaju variy siva. Sapucheda Jesús variryi, riñumuteda variy Betsáyinamuju.
¹¹Ridyeyadanumatiy nijyanvaryay riyada Jesúsveda, richiityarijada variryi. Sadiryeyada jita Jesús variryi, saniquejada ruuva Jüdeno nusuyadanchiy variy, samisadedantiryi rityi vatadara misada.
¹²Riñuvayadamu jita, ruutiñjada sisa datyavay yimuntiy, ruñañuvijada siva Jesús: “Yatuchu ruuva nijyanvayyuu riryatidye jiyasiy rorivyichamu, nudivyay jarye, jiryatiy rurora, riryatidye jachiñurya roriy jijitujoyoju, jmyichara jarye, vuvyicha vayitomu daryaju jiyu.”
¹³Suteda jita Jesús variy ruuva yisadatyavay: “Jiryantya potyaniy tarata riy nijyanvayyuu.” Ruteda jita variy siva: “Ne tara rajuura jmyichara nudiyimu, vinu tadajyojo pa, danujuy quivajuy risaju, netimyu ne nudyeaya taryuvye jmyicharanachö nijyanvayyu didye.”
¹⁴Rivyichada jita tadajyo varanca tuunu vaduy jasiy. Suteda jita Jesús variy ruuva yisa datyavay: “Jiryamasataniy jita rajuumusiy vatadeca riy, nuñi tadajyo vuyajuy nijyamí.” ¹⁵Ruuvaayada jita sisa datyavay darya, riyasatadedariy nijyanvay titaju.
¹⁶Siredanumatiy Jesús variryay tadajyojo

pa, danujuy quivajuy risaju, sapatatiyada jita varirya, sunuyada jita jarichunachō variy, sichanatyada variñi jijiye: “Yentyutyamate pata nuy.” Sasayada jita yisa datyavarya riryatidye samyu titaju ruuvara. ¹⁷Riibyeda jita titaju, ripoyada variy riva. Riryatojada jita varirya riinda, vuyajuy jtyu, dajtyujuy ranchaju.

**Pyítrubay jteda vijyomujache
Jesúsva: “Judenu jaryeti ji”**

(Matévu 16.13-19; Márcu 8.27-29)

¹⁸Tarundamu jita rivyichada sisa datyavay yisa sajoráyadamu mityatomu. Sitajadoda jita Jesús variryi: “¿Nutyura riñique nijyanvay raynchiy, nutyura? ¿chira rutarye, chi?” ¹⁹Rumutyajada jita variñi: “Juán Bautístabay rutay ji; tñi jtadye: Edíyasiy ji; tñi jtadye: Samíşasumiy tiqui Judenuj tuchuvabe tenu.” ²⁰Suteda jita Jesús variy ruuva: “Va jiryeque, ¿chira jiryitadyerye, chi?” Sumutyajada jita Pyítrubañi: “Judenu jaryeti.”

**Jesús tuchoda jibetyedajju
(Matévu 16.20-28; Márcu 8.30-9.1)**

²¹⁻²²Subayada jita riryajisirya rátuchusada: “Ne jiryatuchosiy tñevara,” suteda daryaju: “Nijyamidenu jita raparutyajayasaray. Riryarrachu rimyityumiy variñi, caserdótevyeda nutyityumiy, Judenu niquejada datyanuvay jarye rarrachuni, riryajvay variy rivani, rurundamunuma jita samíşaniy Judenu varintyiñi.”

²³Suteda jita Jesús variy ruuva titaju: “Saryityi siityariy tñ ray, samā paruy riva yivaaryuyada, samā nichujaya ntara jicyurusiy, jiryatiy sabay nutyu diñnyu, ne sariryi varirya tariy jivyichadanuday satidye siityari variy. ²⁴Tapi minityi ramityaniryura yinuyada, sapachitya variy mityara; minintyi jita pachityara

yinuyada rayadaju, saramityaniy varirya. ²⁵Tapi ¿tarajura saryi canay nijyamira criquiy titaju vichadivasidye, taraju? saryityi caray variy rajisintyi. ²⁶Minintyi rajada riva, rañiquejadiva jarye, daryaday sajada Nijyamidenu sivantidye ranumatiy jutí radyata, rajyedata jarye, supavay jiintyasavaydata jarye risaju. ²⁷Rítatye jita jiryiva: Jiyu daryi jiryetyevay nijyanvay jiryatimyu ne riryadatyara diiyada, netimyu ne ridyi munatya riva Judenu nusuyada.”

**Jesús tituyadanchiy
(Matévu 17.1-8; Márcu 9.2-8)**

²⁸Mumurundamiñijyatemusiy jita jiryatiy sutedara jirya niquejada, sarayada jita Jesús yisaju riy Pyítrubay, Juánbay, Santiyácubay jarye, saracheda jita jamumusimyuju riy, satidye joráy jasiy. ²⁹Sajoráyadamu jita ratituyada jimyo ridiyadajache variy, sasujay jarye danuyada jaryi pupajay varintyi. ³⁰Mityamusiy jita, nanutuchoda danujuy vanujuy Jesúsja, jiryatiy nanicha Muyusésiy, Edíyasitya. ³¹Nanumutijada vandanujyuy, nanuniquejada variy Jesús batyedanchiy jiryatiy saparutya Jerusarimuyu. ³²Pyítrubay jita, sisa vichanujyuy jarye mayada vatunu. Ridyojasubedanumatiy, ridiyada jita variy riva Jesús da, nanuda jarye jiryatiy nanuradeda Muyusésiy, Edíyasitya satuunu. ³³Nanutochiryuyadanumatiy Muyusésibe, Edíyasityani Jesús, suteda jita Pyítrubay variy siva Jesús: “Ta jaryi samiryanite nujyete jiyu, Maestru. Nuñama sutay mumutamyi: tataqui jijyu day, da tataqui Muyusésijyu, da tataqui Edíyasijyuntidye.” Sadatyisadamu jiñiquejada Pyítrubay variy daryá. ³⁴Saniquejadasaraju jita, racanuvudoda virisumarya variryi. Richuvuyada jita jayada ranube virisuma. ³⁵Rarayada jita niquejada virisumaryanubesiy variy:

“Jiñu jita radyenu jaryetasí, jiryama tuvachu Simu.” ³⁶Niquejadivasíy, ridiyada sasiquita Jesús yiva. Rimechojada mitya vapuu ranchiy variy, ne rityuchoda variryundamu tivara yivadiyada.

**Jesús misadedani derabay,
jamiryanu bayantuti**
(Matévu 17.14-21; Márcu 9.14-29)

³⁷Rurundamu jita, rumusadanumatíy Jesúsveda jamumusimiyusíy, richeryeda nijyanvajuuni. ³⁸Mityamusíy saniqueja-subeda tiqui vanubay riquebyimusi: “Rajechiñuy yiva, Datyanu, yajñuy sanacho radyenu, jiryatíy tiqui vichideni radyenu. ³⁹Mityamusíy siresumiy bayantuni radyenu, sasañeyajasumiy radyenu variy. Sasiichinuja bayantumusi-y jasicharajutiy rajippudivay suto, parucharijyu sabay javatyasiñi. ⁴⁰Rayasantasiriyi yisa datyavay: Jiryajatyani bayantu radenuvasiy, ne vanay rijetyani, tii, mitya.” ⁴¹Sumutyajada jita Jesús variñi: “iJiii, tara nijyanvay jachipiyajadaruyutavay jiryeniñcha day, jiryatimyu ne jiryetyuvachuruy simu Judenu! ¿Nuriryundasaraju ramachojiryisa, nuriryundasaraju? ratidye jachiniy jiryetyuvachusadamusirye. Yapuchiy rumusiñi jidyenu.” ⁴²Sunityiyiyadamu jita sajatyada bayantu mucadincha derapuy, sasiichunujajada variy jasiñi. Jesús jita niqetyadani bayantu jamirya vichara, samisadeda variñi derapu, sataryatadeda jita variy sajamyujuy. ⁴³⁻⁴⁴Rityittada jita titajura: “Ta jaryi datyaraní sanícha Judenu.”

Jesús jatyyada tuchoda jibetyedajijuntiy
(Matévu 17.22-23; Márcu 9.30-32)

Rityittadanumatirya sivaayada, suteda Jesús variy yisa datyavavya: “Jiryetyuvachutata samiy rañiquejadamu, tapi ranuma jutó Nijyamidenu

sachada runda, jiryatíy sasay ti nijyanvay jomuni.” ⁴⁵Riñi jitamuy ne datyaruyadara saniquejada, dutyasara daryaju riryajisirya, riñuma datyara. Richuvuyada jita sisa datyavay jtajadoda Jesúsuy saniquejadanchiy.

¿Chira sanícha jaryiñu Judenu diya, chí?
(Matévu 18.1-5; Márcu 9.33-37)

⁴⁶Rijyotada jita niqetada sisa datyavay: “¿Mira jaryiñu vuquebyimu, mi?” ⁴⁷Sadatyadanumatíy Jesúsra rijechimyu jachipiyajada, sireda jita variñi derapu, saranityadeda jityuunude variñi. ⁴⁸Suteda jita variy ruuva: “Minityi radirye rityamuni jiñu derapu, daryaday sadirye varintiyirye; minitantiy radirye ray, daryaday sadirye varintiyiñi jiryatíy supajada jiyuju ray; tapi nitíy vichasara jiryarijyu jatarya jiryequybyimu, ninuma sanícha jaryiñu jiryimusiy.”

Minityimyu ne jiyaronu jirye, nini vichasara jiryeyadaju rañu
(Márcu 9.38-40)

⁴⁹Sumutyajada jita Juánbay variñi Jesús: “Maestru, nudiyasiy siva vanu jiryatíy sajatya yityamuni bayantu. Nuñibayasíy variy sajisirya, jiryatimyu ne sani siityari nudiyisa daryaju ji.” ⁵⁰Suteda jita Jesús variy siva Juánbay: “Ne yajubay rajisiñi, tapi nitimyu ne jiyaronu jirye, nini vichasara jiryisaju.”

Jesús niqetyada nada Santiyacubay, Juánbatya

⁵¹Ratuudiyajadanumatirya rarunda varityi sajasumiy Jesús navajyu, sajachipiyajada variy jiyada Jerusarímuju. ⁵²⁻⁵³Supajada jita yajijyu variryi yinsubymiy. Rijeñuvejadanumatíy Samáriya janvay vichadamu riryatidye jdutyara vichajo sajijyu, ne ridiryeruyada nijyanvay variy jasiñi Jesús, jiryatíy sani jachipiyajada jiyada

Jerusarímuju. ⁵⁴Nanudiyadanumatiy Juánbay, Santiyácubaty riva rrachoda, nanítajadoda variy jasiñi Jesús:

“¿Nutyityu, jivyatavidye nañanaty jarichuvimusirya jiiday ripyarutedaju daryatiy sivaayada Edíyasíy?”

⁵⁵Sanumityejada jíta Jesús nanunáchoju, saniqetyada variñada: “Ne sanudatya nutyura jachipiyajadatanuy sada. ⁵⁶Tapi ne suteda Nijyamídeno nijyanvay parutadaju, suteda jíta ruuva jantyuyadaju day.” Riyada jíta tavichadamuju variy.

Rityi siityariyudani Jesús

(Matévu 8.19-22)

⁵⁷Riyadanumatiy núva, suteda tíqui vanubay variy siva Jesús: “Rasiityari jí rumuti y wejia.” ⁵⁸Suteda jíta Jesús variy siva: “Vitiñu jíta vuditi, viiche jarye ruutyi, Nijyamídeno jítamuy ne vichajoti jasityi satiryo jimeyadaju.”

⁵⁹Tivani jíta suteda Jesús varidye: “Yasiityarisara ray.” Sumutyajada jítani: “Nutyityu, rajmunchuchidyi munatyara rajye babyi.” ⁶⁰Suteda jíta Jesús variy siva: “Rityi vichasara jiyuuchuedamu diivye, riryama jmuchuni jiryenu diiblyi day, jiiñi jíta rajiya tuchuju Jüdeno nusuyadanchiy.”

⁶¹Suteda jíta nu siva Jesúsntiy: “Rasiityari jí, Nutyityu. Munatya jíta rajiya, ramuchuvachiryi raryorimyu vichavay.” ⁶²Sumutyajada jíta Jesús variñi: “Nityi jotada siityarijada ray, netimyu ne saparuryuy variy riva tariy jivyichadanacho jachipiyajada, ne vanay nte saryi jatye Jüdeno nusuyjovimu day.”

Jesús jpajada riy darajuñijyate vuyajuy vaduy

10 ¹Rivasíy jíta sabayada Nutyityu riy tavay nijyanvay, darajuñijyate vuyajuy nijyamí, danujuy

rinchaju. Supajada jíta yajiju nuñi danujumyusiryi nijyanvay, vichadamuju, vichajomuju jarye titaju jasityi sajtonuve. ²Suteda jíta Jesús variy ruuva: “Jasinryi rajuuvay nijyanvay caravye jatojadaju, jatóvay jíta ne rajuuvay. Ramuni jiryajachiñuy siva jatojadajami, satidye jpa riy jvaavye jatojadanacho. ³Jiryánuma jiya. Ripa jíta jirye nutyu rasimidvera, jmyiryajuu cabyimuju. ⁴Ne jiryajtu yimu tara, ne vinu criquichuy, dantyamuy ne dusuuy, dantyamuy ne saapatu. Dantyamuy ne jiryariche muchuvatyityiyada núva. ⁵Jiryánumatiy jañuve ti rorimyu, jiryajtay munatya ruuva: iSamirya jiryecha jiryorimyu! ⁶Saryityi vichasara rorijyami samirya jachityi, raryimecho samirya jiryeniquestada variy saju; netimyu ne saryicha samirya jachityi, rátaryá jiryeniquestada variy yimujuntiy. ⁷Jiryamachonuve variy jasiy rorimyu, jasityi jiryajto. Jiryama jmyi, jiryama jatura ratiy riryamuti jirye, tapi savatasara Jüdenuju juvaanu daryajura jimyurichenusada. Ne jiryajatay rorimyusiy, ratarya rorimuju. ⁸Jiryánumatiy jañuve vichadamu, riryánumatiy dirye jirye, jiryama jmyirya ratiy riryasay jasiy jirye. ⁹Jiryama misaniryi jdívajnuvay jasiy vichavay, jiryajtay variy ruuva: Ratuudi ñuma Jüdeno nusuyada jirye. ¹⁰⁻¹¹Jiryánumatiy jañuve vichadamu jasityimyu ne riryadireruy jirye, jiryajtay vijyomujache riñijyu: Jiryevyichajojuru jíta nuñapuy jiñumutuvasiy jiryeniñiyu: jiryantya datya sitenu variy, jiryatiy ratuudiyánuma Jüdeno nusuyada jirye. ¹²Ritatye jíta jiryiva: Jachintyavaju day racha Sodóma janvajuy Jüdeno parutada rundamu, jasiy vichada janvamysiy, jiryatimyu ne ridiryeruyada jasiy jirye.”

Vichadajanvay tuvachusaminchiy*(Matévu 11.20-24)*

¹³“iAcuu jiryeniñiyu Curasí janvay!
iAcuu jiryeniñiyu Betsáyina janvay! tapi
rarityiy jvaayada Tíru janvay cabyimura
rivaayada tittasara, nutyu jiryequyebi-
mutiy rivaayasiy daryantiy, tariñuma
riryi paruyada riva vacha vichada, riryi
dityadoda varirya jiñuvayada riva
jiryatiy riryimyasá varivyunujay
sujatyavay pupujurunube. Sitú janvay
jarye raryi jvaayada daryantidye.
¹⁴Jachintyada racha rijyu Tíru janvay,
Sitú janvay jarye jiryimusiy, juuchueda
murichenutadeda rundamu. ¹⁵¿Va
jiryequé, Capernavú janvay? jiryitay
vidye jiryecha jasuminichavay
jarichumuju day. Jiryedye day rachava
jmusanichavay jiidatyomuju cay.”

¹⁶Suteda jita Jesús yisá datyavavya
varintiy: “Nítiy tuvachu jiryimu,
daryaday satuvachu variy rimuntidye;
jiñu jita jiryatiy sani rrachu jiryé,
daryaday sani rrachu varintidyerye.
Nítiy rrachu ray, daryaday sani rrachu
varintidyeniñi jiryatiy supajada ray.”

**Darajuñijyate vuyajuy
jpasavay taryajadanchiy**

¹⁷Rityeryada jita sansuyve
yichangyadamu, jiryatiy supajada riy
darajuñijyate vuyajuy vaduy, danujuy
rinchaju. Rityuchunuvjida jita siva
Jesús: “iBayantuveda jarye jita
tuvachunuchiy yityamu nudiyimu,
Nutyityu!” ¹⁸Suteda jita Jesús variy
ruuva: “Rinuchusiñi Satanásiy, jiryatiy
sajuujechiy nutyu raduyara jarichuvi-
musiy. ¹⁹Jiryajnuj, rachemya jiryerya
jiryatidye raniye rincha codimiy,
norityumincha jarye, vumyityasiy
vanuyadancha jarye titaju. Ne
rajarupanu tara variy jiryé, mitya.
²⁰Dañumamuy ne jiryichanachara

ramusiy jiryatiy richabuy bayantuveda
jiryeyju. Jiryama jchanachara jita
jiryatiy nucharanuma jiryitya
jarichumu.”

Jesús jchanatyadani jijye*(Matévu 11.25-27; 13.16-17)*

²¹Varidyenuma jita sichanayada Jesús
Judenu Jnutumu, suteda jita variy:
“Ríchanatyate ji, Yeye, jarichu Nutyityu,
jiryatiy mucadi Nutyityu jarye risaju ji,
jiryatiy jidyutyadara jiryá datyada
riryajisiy mityamusiy datyavay, datyada
jachityavay jarye. Jidyityadoda jita
datyisamimiyura. Jo, Yeye, jiryatiy
samiy jvadichara jidyiyá darya.

²²Sasamya jita rajye titaju ray. Ne ti
datya chira sanicha sadenu, chi, vinu
rajye datya, dantiyamuy ne ti datya
chira sanicha rajye, chi, vinu sadenu
datya, ni jarye jiryatiy radyityanuruñi.”

²³Sanumityejada jita variy yisá
datyavañecho, suteda vinu ruuva:
“iJudenu jmutyasavay jita riy rityi rادی
riva rivatiy jiryedyi! ²⁴Rítay daryaju
jiryiva: Rajuu Judenuju tuchuvabe,
jamu nutyityumibe jarye, riñi diryuyada
riva jiryatiy jiryedyi diye riva, tama
ridiyada riva, tama; daryantya riñi
tuvachuruyadantidyerya jiryatiy
jiryetyuvachura, tama
rityuvachodanudarya, tama, mitya.”

**Jesús tuchoda Samáriya jaminchiy,
jiryatiy jaryi jantyutyarani**

²⁵Sanubeseda jita niquejada datyi,
satidye jantya variy saniy Jesús.
Sitajadoda jitaní: “¿Datyanu, tara
jvaayadiva rajmutyara rayaruya
junareju jnyadamu, tara?”

²⁶Sumutyajada jita Jesús variñi: “¿Tara
ranique Judenu niquejada, tara?
¿Nutyura jiñiquettara, nutyura?”

²⁷Sumutyajada jita niquejada datyini
Jesús: “Vuryama vatasara titaju

vujechityani Vuntyityu Judenu, títaju vuryintuta jarye, títaju vuvyanuyadata jarye, títaju vujechipiyajadata jarye risaju. Vuryama vatasarani vuyuuu vichintidye, nutyu vuyatasaratiy daryantidyevyuy.”²⁸ Suteda jita Jesús variy siva: “Yimutyajasiy vase. Yajvaay daryacu, yatidye jnujeyasara variy.”²⁹ Niní jita jiryatiy sanicharuy samirya jvadichí variy nijyanvay diya, suteda junay variy siva Jesús: “¿Chira sanichate ratyuuuvichí day, chí?”³⁰ Sumutyajada jita Jesús variy tuchodatani: “Savichanuyada tiqui vanu, sumusada jita Jerusarimusiy Jericó nachoju. Sayadamu, yitajada vase paranunuvay jomuju. Richipyatada sivasirya jichujay, rimyusiyeyada variñi, rityocheda vadiiryode variy jasiñi.”³¹ Taripyudemusiy jita, sani ramiryjada tiqui caserdóte núva varintyi; sadiyadnumatiy siva vadiiryode, sanumutatyityiyada variy sajisiy.³² Daryaday sitojada tiqui Judenu rorimyu jvuañu simu vadiiryode jityiryojomuntiy, sadiyadanumatiy siva, daryaday sanumutatyityiyada variy sajisintiy.³³ Samariyajami jarye jtojada jiryupiyadamu simuntiy. Sadiyadanumatiy sivantiy, santyutyayada variy jasiñi.³⁴ Satuudiyadanumatiñi, sindadoda jita nijata variy jasirya savatajo, binujata jarye risaju, sarayada jita variy rivasirya savatajo. Samasadedada variy jicyavañunchani, satidye jtota nijyanvay jtojomuni, sunuyada variy jasiñi.³⁵ Ratarimysiy jita sasipyatadara criquiy, danujuy jarimiyuni jnutyada murichirya, sasayada jita jtijojamira, suteda variy siva: Yajnutyani musiyéchi; ranumatiy tarya jiyujuntiy, ramurichenunuví varirya jiryatiy rasutye murichedoda ranchaju ji.”³⁶ Sitajadoda Jesús variñi niquejada datyi: “Jijechipiyajadamu, ¿mira jivy

munvamyusiy vichadeda nutyu jityuunu vichini, mi? jiryatiy sitojada paranunuvay jomuju.”³⁷ Sumutyajada jitaní Jesús: “Nini jita jiryatiy santyutyadani.” “Jo. Yejiya, daryani yajvaajeyasara títaju.”

**Jesús jañuyada nadimu Mártabay,
sataryatubay Maríyabatya**

³⁸ Jesúsveda jiyadamu jita, sajañuvejada vichada rapuryademu; jasiy savichada tiqui vatura, Márta jtyatibay, nitiy diryeyada jiryorimiyuni Jesús.

³⁹ Savichada jita sataryatuntiy, Maríya jtyatibay, nitiy masada sanumututuunu Jesús, satuvachunuyada ranacho saniquejada jasiy.⁴⁰ Mártabay jita jaryuvuyada Jesús potyadedivayu. Mityamusiy satuudiyada jitaní Jesús, suteda jita variy siva: “¿Ne yitaryuy nta tara variy, jiryatiy ratyeryatu tochiy rasiquita ray, jiryatiy ravichaniy samirya jiyu day ji, Nutyityu? Yajtay variy siva satidye jmutya ray.”

⁴¹ Sumutyajada jita Nutyityu ni: “Márta, Márta, jaryi jijechipityajara tara jvaayada, jipyarutyanuma dyetya riva rajuurá jvaayada ji.⁴² Vinu rani taraqui vatasara. Jityeryatu Maríya jaryetasirya samirya jiyarurya, jiryatimyu ne rasovachara simusiñudarya.”

**Jesús datyadoda nutyuramusiy
vuryityuchu Judenusa, nutyuramusiy
(Matévu 6.9-15; 7.7-11)**

11 ¹ Tarundamu jita sajoráñuyada Jesús. Sajorámyuyadanumatiy, suteda jita sisá datyavay tenu yiva: “Yadatyano joráyadada nuntyidye, nutyu sadatyadoda Juan Bautístabaryi yisá datyavay daryantidye.”²⁻⁴ Suteda jita Jesús variy ruuva: “Jiryadanumatiy joráy, jiryajtay variy:

Yeye, suvuchara racha yitya. Rama
jutí yinsuyada. Yasay nuñi

tarundaquijū jmyichara nuy.
Yaramityaniy mityara
nujuuuchueda, tapi nuvyitya
ramityanichara mityara ridyivvi-
yada títaju, jiryatíy ridyivvichara
nuy. Ne yajaray jantyadamuju
nuy, dantyamuy ne yatochíy
nuñasiquita ramuyu.”

⁵⁻⁶Suteda jíta variy ruuva: “Saryityi
jiya jiryetyenu nuporatasa simu
jijemyicyu, yasay mumujomiy pa ray
jiryatíy sani jviryí rajyutyánubi rimu, ne
tarata raryi potyaniñi. ⁷Tamā saryi
jmutya sajaamyicyu jiryorivyimusíñi,
tamā: Ne yajarupanta ray. Mutanusara-
numa raryoríjyuday, radyedyeñu jarye
rajyitutyaniy risaju. Ne vanay rañube-
sumiy, ne nutyichíy raryiche tara ji.
⁸Rítatye jiryiva, dañumamuy ne sanube-
sumiy tara sayadajuni jiryatíy sanícha
sajaamyicyu, ramusiy jíta, jiryatíy
sayasantanchani, saday nubesumiy
sátidye say tarani, ratiy savata. ⁹Rítay
jíta variy jiryiva: Vuryama
jachiñuyencha Judenuvara vuvyatará,
sasay jíta variy vurya; vuryama
vatānumucha Simu ranachō, vuryasarye
jíta varirya; vuryama natuyeyencha
roríjyumu, samuttay jíta variy
vuryajisírya roríjyū. ¹⁰Tapi nítíy
jachiñuyencha, sajmutya varirya; nítíy
vatānumucha ranachontíy, sasarye
varintírya; nítíy natuyeyencha
roríjyumu, daryaday ramuttay variy
sajuntiy.

¹¹iSaryityi jachiñuy dera siva jiyení
quiva, sanítíy say codyidyeñi!
¹²Varimiyata satíy jachiñuy jiyeyvara
tavaryi jvada, isanítíy say norityu
varidyeñi! ¹³Jirye jíta, jiryatíy jamírya
vichavay jiryedye, jiryetyi datya sayada
tara samírya riy jidyedyeñu, ta
jaryivyaju sasay Vujye Jarichumuvichí
Yintu vuy, vutíy jachiñuy sivani.”

**Rityuchutādaní Jesús: “Bayantu nutyityu
vanuyadata sajatyasara riy bayantuveda
nijyanvavyasiy”**

(Matévu 12.22-30; Márcu 3.20-27)

¹⁴Jadchíy jíta sajatyadani bayantu
niquejasa vanubavyasiy. Sasipyatedanu-
matíy vanuvasiy, saniquejada jíta vanu
variý. Rityittāda jíta nijyanvay varírya.
¹⁵Rityevay jíta jteda variy: “Bayantu
nutyityu Satanásimysiy sajatyajayasara
riy bayantuveda nijyanvavyasiy.”
¹⁶Rityevay jíta rañi jantyaruyada saníy
Jesús, riñi vatāda ranachō mityamusiy
datyada jarichumusírya simu. ¹⁷Jesús jíta
sadyanuyadanumatírya rijechipiyajada,
suteda variy ruuva: “Riryiñumatíy
panaryi jñiqueyadamu curaca nijyanvay
nuñi riy jñíjyū, riryajraay variyū,
mityanuma ramachō rivyichāda variy.
¹⁸Daryaday ravicha Satanásiy
nusuyadamuntíy; riryityi panaryi
jñiqueyadamu Satanásivyeda jñíjyū,
ñnutyichiñuma rasuruy sansuyada
varintíy, nutyichíy? tapi jiryítay ray jatya
Satanásiy vanuyadata riy bayantuveda
nijyanvavyasiy. ¹⁹Raryityi jatya Satanási-
mysíryi bayantuveda, chí vanuyadata
rijetyasara jiryetyevadyeryi bayantuveda
nijyanvavyasidyē, chí? Ramunítíy
riryadítanu jiryetyevarya jiryecyara-
yada. ²⁰Ray jíta raryi jatya Judenu janāta
riy bayantuveda, ritíjma Judenu
nusuyada variy jiryimu.

²¹Sunutyanutimatíy vanuryara jivyichajo,
jiryatíy jvatyatí daryajuni, ne tí jvaay
varírya sabarya mitya, ramachō samírya
títaju variy. ²²Sasiijetyanutimatíy jiryatíy
vanuryavajuni, saryi vuunu jíta variñi,
saryi sovay simusírya yivatya, raníjyutíy
sani vanuy, saryi sañuve varírya vanurya
barya sovachara jichiityarivamyu.

²³Mñínityimyu ne vichasara risa jvaañu,
savichasara jíta rayaroju; daryadantíy
mñínityimyu ne jmutyarurýe, jiryatíy

rañi jutyeryaniryuryi nijyanvay, suresara variryi.”

Jesús datyadoda bayantu jamirya vicharanchiy, jiryatiy sataryajada yibivaju

(*Matévu 12.43-45*)

²⁴“Sasipyatedanumatiy bayantu jamirya vichara sivasiy vanu, savutayanumaya vassatova variy, savatanaya ranacho samityo yajiju, jasityi sani nta yajituy. Netimyu ne sasaryedara, sajachipiya jita variy: Rataryava ribivaju day.

²⁵Sasaryenuvi jita ntani vanu, nutyu roriy nunichara, mitya roriy, samiy jdutyasara titajura. ²⁶Saya jita variy, sapuchiy yisaju riy danujunijyate bayantu rapuryamiy, jiryatiy jaryi jamirya vichavavyaju simusiryi. Rije jita jivyichadaju jasiy siva. Samacho jita vanu variy jaryi jamiryanu, tariy jivyichada jiyadaju.”

Samirya ratyaju sitenura

²⁷Jadchiy jita Jesús niquejadasaraju, nanuniquejasubeda tanuqui vaturuy nijyanvayyu cabyimusi, naniteda variy siva Jesús: “Jchanatyasanuy jita nada, jiryatiy nanurupachodate jivyimusitye ji, nanurupatyadedate jitya varintyi ji.”

²⁸Sumutyajada jita Jesús variñada: “Jchanatyasavavyaju jita riy, rityi tuvachusara ramu Judenu niquejada.”

Vacha vichavay jachiñuyadara mityamusiy dityadoda

(*Matévu 12.38-42; Márcu 8.12*)

²⁹Riñeyaryudanumatiy nijyanvay variñi Jesús, sajotada jita niquejada variy: “Diye vichavay jita jamirya vichavadye. Rivyatasara jita ranacho mityamusiy dityadoda. Ne riryadij jita riva mityamusiy dityadoda, vinu rá jiryatiy sabayada Judenu Jonásibenchiy tuchodara. ³⁰Tapi Jonásibetya rañichada vatanunij riyju Ñiñivye janvabe, daryaday

sacha Nijyamidenu diye vichavajyuntiy.

³¹Nananubesiy jita ranro nutyityutoda bayanu tamitya rundamu, nanatidye tuchuta variryi diye vichavay, jiryatiy naditijada mucadi sutyeryamusiy, nanatidye tuvachura Sadumúbay datyada. Dañuma sanicha tiqui vanu jiyu, jaryi datyaravaju Sadumúbamyusiy, dantyamuy ne rityuvachuruy diye nijyanvay ramusiy simu day. ³²Ñiñivye janvay bayanumiy jita ranubesumiy tamitya rundamu, riryatidye tuchuta riy diye vichavay, tapi rivyitya paruyada variy riva tariy jivyichada, rityuvachodanumatirya Jonásibe niquejada Judenunchiy. Dañuma sanicha tiqui vanu jaryi datyara simusiy Jonásibe, dantyamuy ne rityuvachuruy diye nijyanvay variy simu day.”

Jesús datyadoda: “Vuñisiy nutyu vuvyu nonosiyy nta”

(*Matévu 5.15; 6.22-23*)

³³“Vuryupañumatirya nonosiyy, ne vudyutya variy tajirya, dantyamuy ne vumyutanu tarata varirya. Vubey jita rabajyonchayuy, riryatidye diy jañuvye jasiy riva rádá. ³⁴Vuñisiy jita vuvyu nonosiyy; samichityirya vuñisiy, jiryatiy vujechipiyasara samirya jvaacharanijyu, titaju vuvyu jita racha variy nonomu day; netimyu raryi jnyu vuñisiy samiryanacho, vuvyu jita raryicha variy nupocudi.

³⁵Vuryinutyatata vuy, rañuma vichasara nupocudi vuñoño. ³⁶Panujotiy vuryivara nono, ne nupocudide tara variy vuryiva, vuryecha variy vandamu titaju, nutyu ranononuchara nonosiyy daryá vujyu.”

Jesús tuchutada riy Varyisévueda, Judenu niquejada datyanuvay ruusaju

(*Matévu 23.1-36; Márcu 12.38-40;*

Dúcasiy 20.45-47)

³⁷Saniquejada cabyimu Jesús, samusuyada jita tiqui Varyisévu

jbyedaju variñi. Sajayada jita Jesús jibyedaju, satañuvejada jita variy jmyijyomu. ³⁸Satittada jita Varyisévu variñi Jesús, jiryatimyu ne sasuutadara jiyjomutu jimyityaju. ³⁹Suteda jita Nutyityu variñi: “Jiry Varyisévueda jita rañi suutasara rarudivasiy jatusiidey, siidey jarye, jiryevyimu jitaraparadoda day, vacha vichasada jarye. ⁴⁰iSitenu datyisamiy jiry! Niní jita jiryatiy sundejadara jiryatiy vuryivara, nutyu niniday rañi judejadantirya jiryatiy vuyimuntirya. ⁴¹Jiryama say jita samiy jiryevyimu jachipiyajadata riy jantyuyadavay, títaju racha samirya Jüdenü diya variy jiryeyju.

⁴²Jii, ránitte jiryeyjute, rá, Varyisévueda. Jiryemyurichenu daryaju Jüdenü jiyarurajura nutasaratera, jiryatiy jiryeyjeyvechu jmyichara jaryedojava, dantyamuy ne jiryajachipityara vase vichasada, dantyamuy ne jiryeyjeryuvuy dityadodara Jüdenü vatasa. Jiryama jvaayasiy daryá, jiryatiy darajuy nuchara jiyura Jüdenü vatasa, dantyamuy ne jiryaparuy riva murichedoda Jüdenü jiyarurya, tapi daryatya rutay saniquejada.

⁴³iJiii, tajunate darya jiryeyjute day, tajü, Varyisévueda! Jiryeni vatasa daryaju ranachö samirya masajoncha masada jutjeryanijovimu, jiryicanuy jaryintirya muchuedantiy jiryatiy rimyuchuvay nijyanvay samiy jidyetyadata pudásamu jiry.

⁴⁴Jiii, tajunate darya jiryeyjute day, tajü, jiryatiy jiryevyicha daryaju nutyu bapyo puryerya, jiryatiy riryaniya nijyanvay rancha jiñiyaresiy.”

⁴⁵Sumutyajada jita tiqui niquejada datyi variñi Jesús: “Nujerye yavityiye jirya niquejadata.” ⁴⁶Suteda jita Jesús variy siva: “iJiii, ta jaryi niquejada datyavañite jiryevyichasarate day, tajü! Jiryetyiitataniy daryaju nijyanvarya

tiityasara, jiryedyetyadodata, jiryatimyu ne vinu jiryeyjomutu janata jiryeyjeytoruchara raniy, jiryatiy ne vinu jiryivaaryurya daryatiy jiryeni jvaatyaniryuy nijyanvarya.

⁴⁷iAcuu jiryedyeridentya day! jiryatiy jiryeryoriicharara bapyo roriy rijechipityasada Jüdenü tuchuvabe, jiryatiy ruveda jiryemyunatyavaberyi. ⁴⁸Ramuni jiryedyi samirya riva jimyunatyavabe vichasada, jiryatiy ruveda riy Jüdenü tuchuvabe, jiry jita roriichara daryajura bapyo roriy rijechipityasada. ⁴⁹⁻⁵¹Ramuniday suteda Jüdenü jidyetyadamu: Rajpa ruumu riy rajyu tuchuvay, raynsbyimiy jarye, tavay rabatye ritye, rityevay machovay jarye riryajarupantantiy, ratidye jiryi diye vichavamyusirya rimyurichirya Jüdenü tuchuvabe, jiryatiy ribetyeda mucadi jotadamusiy, Abénubay batyedamusiy, Sacaryébay batyedaraju, jiryatiy sabatyeda raparudamu jnutatya-sara rupajyo, Jüdenü nijyu jachipiyajo jarye. Jo, ritatye jiryiva: Rajiriyi diye vichavamyusirya rimyurichirya títaju.

⁵²Jiii, ránitte jiryeyjute rá, niquejada datyavay, jiryatiy jiryechovamyara yevyi nta, ratatyi riryi datya nijyanvarya Jüdenü niquejada. Ne jiryeyjeryuyada nta ramu Jüdenü niquejada day, daryaday jiryibayada tavayjisintirya ramu jayadantiy.”

⁵³⁻⁵⁴Jesús sipyatada jadchiy, rijyotada jita siriyjada Jüdenü niquejada datyanuvay, Varyisévuedata simu yavittuyadamu. Rijyotada jita jtajadoda títaju tarivani, saryityi jmutyajada taji nta riy, varityi riñi jtay yatuchuta rivani.

Jesús datyadoda rayaroju vuryityuyada jtada

12 ¹Jesús jvaayadasaraju jita riñeyatiñuyada nijyanvayyuuy, jiryatiy riinteryadeda rajuuravañca

nijyanvayu. Sajotada jita jteda Jesús munatya ruuva yisa datyavay: “Jiryinutyatata Varyisévuveda carivatya rapuryajisiyu, jiryatiy rutay yituyadamu vichavaryi. ²Ne taradera yituyadamu vichasada jiryatiy ramachō samiy mutanusara, mitya; titajutidye rachasara dityanusara; dantyamuy ne ramachosara tara dutyasara, titaju rachasara datyasara. ³Ramuniday, miryanintyi vuñiquejada nupocudimu, riryatuvachu tavay vidavira; daryadantyi, jiryatiy vucyucuyeyada tuyumu ti, vumejevymura, riryatuchu vijyomujachera.”

**Jesús datyadoda chira vuryi
suvuchara, chi
(Matévu 10.26-31)**

⁴“Ritatye jita jiryiva, rajemyicyuvada: Ne vuryasuvuryi jivye, jiryatiy ruvarya vuvuy, rivasiy jita ne riryavichaniy taranudavyuy. ⁵Radityanu jita jirye mira vuryasuvuy jaryi. Vuryama suvuñi jiryatiy vuryivachadivasiy saryi jpasara jiidatyomujuni vubeyanu. Ritatye jiryiva: Nini jita vuryasuvuy. ⁶Rajuura criquivyitya samurichevay tadajyo vachuchiy, dañumamuy ne sajachipuchara Judenuni tiquide sate. ⁷Vuryinojasiy jarye saranusara titaju saju Judenu. Ramunimuy ne vuryasuvuy; vuñi jita murichevay jaryi ruumusiy vachuchimiy.”

**Rityi tuchusara vijyomujache
Jesús jiyadaju
(Matévu 10.32-33; 12.32; 10.19-20)**

⁸“Ritay jiryivantiy: Minityi tuchu vijyomujache nijyanvavya: Ray jita datyani Jesús, satuchu Nijyamidenu vijyomujache ruuva Judenu jpayantiy: Ray datyani jiñu. ⁹Nini jita jiryatiy satuchu nijyanvavya raynchiy: Ne radyetani Jesús, daryaday ratuchu

ruuva Judenu jpayav varintyidye: Ne radyetya dañi jiñu day.

¹⁰Minintiy ranique sayaroju Nijyamidenu, saramityaniy mitya rajyerya. Jiñu jita jiryatiy sajavitiyeyñi Judenu Jnutu, ne saramityaniy mityara savitiyeyyada.

¹¹⁻¹²Riry anumatiy jita jutyeryanijyo janvamyuju jirye, nutyityumimiyuju jarye, japavedamuy jaryenti, ne jiryajachipiya jaryi varyi nutyuramusiy jiryajmutya riy, nutyuramusiy, dantyamuy ne tara jiryajtay ruuva, tara, tapi sadatyanu jita Judenu Jnutu varyi jiryedyerya, tara jiryajtay varyi ruuva.”

**Vuryinutyasara rajuura baryaveda
niruyadajisivyuy**

¹³Suteda jita tiqui vanu nijyanvay cabymusiy siva Jesús: “Datyanu, yatuchu siva ratyeryi sama say rate ray, jiryatiy sumutyara najyēbe barya.”

¹⁴Suteda jita Jesús varyi siva: “Vaderonu, chiranate bayada cadnadu jiryequebyimu ray, chi? ratidye nantara jiryeberya.” ¹⁵Suteda jita Jesús varyi ruuva: “Jiryinutyatata samiy ti barya niruyadajisiyu, jiryatimuy ne vinu tarati vichasara samirya. Daryaday savichasara samiryantiy, jiryatimuy ne tarati sanicha.”

¹⁶Satuchoda jita varirya datyadoda niquejada ti barya niruyadanchiy: “Ranirañyada jita santará jaryi tarati varyi. ¹⁷Sajachipiyajada jita varyi: Tara rajvaay diye, jiryatimuy ne tara jnay vidavijo ratorajijunuday. ¹⁸Suteda jita varyi: Nurya rajvaay. Rajottirya ratora bajyo rapurya, ratidye roriy vadiramusiy jamuravajura, jasityi rabarya ratorá, raberya jarye titaju risaju. ¹⁹Rajtay varyi ravymuy, rintumu jarye: Rajuuranuma raberya, ratanuma rajnujeyasara tarijyu titaju. Ranuma jitung, rajmyi, rajatu, rajchanay.

²⁰Nútyu nı́day Jüdenu jteda varyı siva: ‘ıDatyısa! Diye nupora ravatani yintu jıbebyımusıy. ¿Chıjıunuma ramachosara jıberya varıdye, chíju?’ ²¹Darya nı́day, nı́tıy bacharara jıberya javıñu vinu jıjyu, ne sajachıpiya varyı sanıjyu Jüdenu, ne taratı nta varyı Jüdenu diya dañı.”

Sunıtyasara Jüdenu rıy jıdyedyeñu

(Matévu 6.25-34)

²²Suteda jıta Jesús varyı ruuva yısa datyavay: “Ramunı rıtay jıryıva: Ne vuryajachıpiya jaryı: ¿Tara vuryejmyı vuryınuıyadaju, tara? dantıamuy ne vuryajachıpiya: ¿Tara vuryajachu vuryıva, tara? ²³Tapi vuryınuıyadatya jıta jaryı jmyıchıra jıyadaju day, vıvyu jıta sujay jıyadajuntıdye. ²⁴Vuryajachıpiya rıñıjyu tonoveda, varajonoveda, puñıvyeda jarye tıtaju ruusaju: ne rınta, dantıamuy ne rıryato. Ne bajyotavay, dantıamuy ne rırichıtyavay, jasıtyı rıryabarya tara. Jüdenu jıta potyanıchıra varıdyeryı. Vuy jıta murıchevay jaryı ruumusyı nıpyatavay. ²⁵¿Mıra vuryısa vıchı rıasıtyechu jıjıchıpiyajadamusırya yınuıyada, mı? ratısavu métrısaraju. ²⁶Netımyu ne vanay vıchıtyechu pasıdyerara vuryınuıyada, ¿tarajınu vuryajachıpiya taranıjyu vuryınuıyadaju, taraju?

²⁷Vuryajachıpiya ranıjyu javuñısıtyu, nıtyuramusıy rajıvıye, nıtyuramusıy. Ne rıvaay, dantıamuy ne raruyınura nurabıjuu jıchıjıyusara; rıtatyı jıta jıryıva: ne vinu nutyıtıy Sadumı́bay vıchıda samıvaju dıtyası ramusıy. ²⁸Sarıtyı sujañu Jüdenu daryıra samıy vachuy jıryatıy rajıvıye diye, tarımyusıy rıryajatyı jııdamyura, ta jaryıvyaju sasıjıñu Jüdenu jırye, nıjıyanıvay pasıdyıe jachıpiyavay. ²⁹Ne jıryavata jaryı jachıpiyavay ranıchıo tara jıryıbyedaju, dantıamuy ne jıryatodaju;

dantıamuy ne jıryavıchıasara jaryı jachıpiyavay. ³⁰Tapi tıtaju mucadıva vıchıvay vatıasara ranıchıo. Vıjıye jıta datyara jıryatıy vıvyıatıasarara.

³¹Vuryama vatıajıyasara nıjıyanıvay jachıpiyajada jıyasachırya Jüdenu nusıyada, vuryasaryıe varırya vuryımyıasara, vuryatıasara jaryıe rııajı tıtaju.”

Jesús datyadoda nıtyuramusıy vuryıcha jaryı taratavay jarıchumu

(Matévu 6.19-21)

³²“Ne jıryıasıvıy, rınuıtyavadyrı, jıryatıy samıy datyasara rajıye díyara, sasıy yısa nusıyadaju jırye. ³³Jıryama tarıtyıyara jıberya, jıryıasıy varyı yentyutyadamı rıy jantıyuvıye. Jıryama jıvıaryı crıquıy jıryatımyu ne rarımyıtyıuuchıra, jıryatıdyıe vıchıjıyasara sıtenu taratavay jarıchumu varyı, jasıtyımyu ne vanay satıudıchıra paranıı, dantıamuy ne tıde rajıvatıyasara jasırya vıchıjıyara, ne vinu ruvıdera, mıtya. ³⁴Jasıtyı ravıchıasara vıbırya jaryı murıchevırya, jasıntyı rıchıasara vıjıchıpiyajada varıntyı.”

Jesús datyadoda vuryama vıchıasara jıdutyasavay

³⁵⁻³⁶“Vuryama vıchıasara jıdutyasavay jıvıayadaju, varımyata jañıñu jımutıyavıjıy, jıryatıy panıjıosıırya vıñınosııy, nıtyu rıntıy vadıy sıjıjı jıpyatıy, jıryatıy satırya jamıjıyomusıy jıryıorımyıjıy, rıryatıdyıe mutta sıjıjııra rıorıjıy, sanımatıy jıvıtyıñıvı ranıy. ³⁷Jchıanıtıyasavay jıta samıchechımyı, jıryatıy sasıryıeñıvı samıy jınuıtyavıryı. Rıtay sıtenu jıryıva, sıjıdutyıa rıpyatıy varyıy, samısatanıy varıryı jımyıchechımyı jımyıjıyomu, nıtyu sarıychı rımyıchechıy, sıtıdyıe potıyanıy jasıryı. ³⁸Sarıtyı sarıyıeñıvı jınuıtyavıryı

jimyuchechimiyi nuporatasa, varimyata rasacharajisiy, riryecha jaryi jchanatyasavay variy. ³⁹Vuryama datya jitarajarya. Saryityi datyada rorijyami: Sajtj paranuni, ne saryi sipyatada jiryorimysiy, ramutiy sajayada paranuni variy subiva. ⁴⁰Jiryejerye jita ramacho jnytyavay, tapi varityimyu ne jiryanutuy sajiju Nijyamidenu, mityamusiy sajtsara variy jiryibiva.”

Jesús datyadoda muhechiy siityeranchiy, sasiityejadasanchiy jarye
(Matévu 24.45-51)

⁴¹Sitajadoda jita Pyitrubay variñi Jesús: “¿Nutyityu, jiñiquejasiy nuñijyura jarya datyadoda niquejada, varimyata tavañijyu titaju?”
⁴²Sumutyajada Nutyityu variñi: “¿Miranate muhechiy siityera, mi? datyara jarye risajuni, jiryatij sabay sapatru jiryoriy jnytyisijuni, satidye sachara riyarurya jmyichara jiryenu muhechimyiyu. ⁴³Jchanatyasi jita jiñu muhechiy, nitij sasaryenuvi sapatru yivaayadamu. ⁴⁴Ritay sitenu jiryiva: Saday bay jiberya jnytyijuni, satidye jnytyajaya titaju jasirya. ⁴⁵⁻⁴⁶Saryityi jachipiyajada jiñu muhechiy jivyimu: Saricheñuma rapyatrú, saryijyotada jita musiyeyada variriy jiryenu muhechimyiy, muhechityuveda jarye, saryi jmyi, saryi jatu, saryi jnytyu varintiy, sajti jita sapatru varityimyu ne sanutuy sajiju, jiryatimyu ne sadatya sajti daryaju. Samusiyetyaniñuvu sapatru jarye variy, satanuvunu siityejasamivveda jsaju variñi.
⁴⁷Jiñu muhechiy jita, jiryatij sadatyadara jipyatru vatara, ne vinu daryamusiy sudutyaryu samiy saju jipyatru jiberya, danyamuy ne sivaaryurya savatara, sajmutyasara variy rajuurajura jimyusiychada rivasiy. ⁴⁸Nini jita nitimyu ne datyadara

jipyatru vatara, sivaayada jita varirya jiryatimyu ne suncanuy sapatru, saday jita jmutyara tapi ratya musiyechada rivasiy. Minityi vuchey jaryiñi, vuntuy variy jaryintiyiñi. Jiryatij ribe jamura criquiy simu ti, rayadajunuma jita riyamurichenutaniy rivantidyeñi.”

Riryamityasiy nuñi tevajyuu Jesúsanchiy
(Matévu 10.34-36)

⁴⁹Suteda jita Jesús jadchintiy: “Rideda jita ratidye jatya mucadinchara jiiday, rañuma tote jiquinchusarara. ⁵⁰iRajachiniy vamiryamu ray, jaryi vapyaryasa ravyichasara rarunda jtojadasaraju! ⁵¹⁻⁵²Jiryejechipiy dyetya ritijada ratidye sarya samirya vichasada jarya mucadimu. Ritaty jita jiryiva: Ne daryá, ne riryajachipiyasara nijyanvay taraqui variy ramyomusiy, tapi diyemusiy jita jasityi riryecha tadajyo nijyanvay taroriquimu, danujuy racha munvay jiyaroju, munvay jarye racha danujuy jiyaroju, daryani rachasara titaju. ⁵³Sajiyaronu jita vanuni jidyenu, sadenunuma jita rajiyaronu varintiydyeyu. Nadaryaronu jita vaturuñi jidyetu, daryaday sajiyaronu nanudetu varintiydyeyu. Sadeseda jarye rajiyaronu vaturayu, daryaday sajiyaronu nanasintu varintiydyeyu.”

Nutyuramusiy vuryadaty ranchiy vuryunda, nutyuramusiy
(Matévu 16.1-4)

⁵⁴Saniquetityiyada Jesús variy ruuva nijyanvajyuu: “Runuñumatiy nijyanvay radacutyityi rapuryerya, rutay varidye: Ranuma jmu, rumu jita variy. ⁵⁵Runuñumatiy rasacha samiryunda, rutay variy: Diye raviiday jaryi, sitenuniday raviiday variy. ⁵⁶iJiryituyadamu vichavayu! Jiryedyetya tuchodara nutyura runda racha tariva, jnytyuramusimyu ne

jiryedyetya jirya rundanchiy, nutyuramusiy? nutyura rivyichechavay nijyanvay diye rundamu vichavayu. ⁵⁷¿Nutyuramusimyu ne jiryedyetya jidyiryamusirya jiryatiy vase vichasara darya, nutyuramusiy?”

**Vuryajantya jdutyada ruusa
vumyityasimyi
(Matévu 5.25-26)**

⁵⁸⁻⁵⁹“Jityi jiyada jityuchutasadamu simu japu, yajantya jdutyada sisa jimyityasij ji, sañuma puchiy cadnadumu junantyi ji, sañuma say cadnadu jiiuvsetavay jomu variy ji, sañuma jatyataniy tanuvunujuvimuju ji, jachchityimyu ne vanay yasipyatay netimyu ne yamuri-chenu tamitya sonuta jiyadaju didye.”

**Netimyu ne vuryaparuy riva vacha
vichasada, vuryaparutay variy riva**

13 ¹Rivyichada jita nijyanvay varicharaju jasiy, rityuchoda jita siva Jesús rinchiy Cadidéyajanvay. Runtatyadanumatiy Cadidéyajanvay Jüdenumu riy yasiveda, jiryatiy ruveda munatya riy yasiveda, suvatyadada jita japu Pyidátubay varintyidyeryi, sajarye-nutadedara rindaja risa riyasiveda nudaja variy. Darya niday rityuchunuvijada siva Jesús. ²Sumutyajada jita Jesús variryi: “Jiryejehipiya dyetya rivyichada jivye Cadidéyajanvay jaryi juuchataway jityevamyusiy, jiryatiy rávichadeda darya riy. ³Ritatie jiryiva: Ne. Dañuma, netimyu ne jiryaparuy riva vacha vichada, jiryaday parutavya daryanti-dyeque. ⁴Varimyata daryaday jiryejehipiya rinchiy vuyajuy nijyanvay, munvañijyate rinchaju, Siduvéuntiy. Rajuyyada jita panuchavu rincha, ramudoda variy jasiriyi. ¿Jiryejehipiya dyetya rivyichada jamirya vichavay jaryi ruumusiy Jerusarimu vichavay? ⁵Ritatie

jiryiva: Ne. Dañuma, netimyu ne jiryaparuy riva vacha vichada, jiryaday parutavya daryanti-dyeque.”

**Jesús tuchoda ninunchiy
jiryatimyu ne jarya ravichada**

⁶Satuchoda jita Jesús varirya jirya dityadoda tuchoda: “Ravichada jita ninu tiqui vanu nutara cabyimu. Savatadanumatiy rajami rajonacho rancho, ne sadiyada variy tariva tiii, mitya. ⁷Suteda jita variy siva jimyuchechiy: Yajnuy, mumunijyamiñuma rañi vata rajonacho, ne radyichara tariva, tiii, mitya. Yanuma jnura; ¿taraju rapachitya mityara ramyucadi jiyu, taraju? ⁸Sumutyajada jita samuchechiy variyu: Jasiñuma racha day, Nutyityu. Taniyaquisaraju rajasiy munatya rufo, raday bay raruvavara voca juvudi. ⁹Ratij jay variy, ramacho samirya variy; netimyu rajaryuy variy, yajnutaniy jita varirya.”

**Jesús misadeda jiituyada rundamu
nada vaturube butyanuy**

¹⁰Sadatanunuyada jita Jesús jutyeryanijyomu riy nijyanvay, jiituyada rundamu. ¹¹Nanuvichanuyada jita tanuqui vaturuy variy jasiy, jdivajada jamitanuy. Vuyajuy nijya nanuvichanuyada jdivajnuy, mumunijyamiñijyate ranchajuntiy. Mityanuma nanubutyanumayajadayu, ne vanay nanuradeda vasenuday. ¹²Sadiyadanumatiy Jesús nadiva, sanatuyada jita variy yimuju nada, suteda jita variy nadiva: “Popojuy, jdanusanuñuma sñiñdivajadajisiyu.” ¹³Sabayada jitarajijyomutu variy nanuniy, nanuseveda jita varicharaju variy. Nanichanatyada jita variñi Jüdeno. ¹⁴Saniqueyada jita jutyeryanijyo nutyityu variy ranchiy, jiryatiy samisadeda Jesús nada jdivajnuy, jiituyada rundamu. Saniqueyada jita jutyeryanijyo nutyityu variryi nijyanvay:

“Jasidyerya tarundaquiniyyate vuryivaayadaju. Variryundamuni jita jiryajniy misadanacho day; ne jiryajniy jita jiyuyada rundamu.” ¹⁵Sumutyajada jita Jesús variñi: “Jiryituyadamu jivyicha darya. ¿Va jiryeque, ne jiryeñi vyaay jiryatyi jiryeñi vita jiyuyada rundamuni yasi simyityaniyyomusintyi, jiryatidye jtita satujomuyu? ¹⁶Va jiñuy vaturuque, nadani nanicha tariy vumyunatyí Avurábay jasatuy. Jiryatyi nanuvichanuyada Satanásiy puchunuy, nanuvichanuyada jdivajnyuy vuyajuy nijyasaraju, mumuniyyamiñiyate ranchaju, ¿samiryavidye raryivita nada puchusanuy jiyuyada rundamu?” ¹⁷Jirya Jesús niquejadanchiy, riryanaða jita títaju samityasivvede variy. Riichanatyada jita nijyanvay varirya, jiryatyi mityamusiy sivaañuyadara tittasara ridiyya.

Jesús tuchoda quicätadinchiy
(Matévu 13.31-32; Márcu 4.30-32)

¹⁸Ramuni süteda Jesús variy ruuva: “¿Nutyuranintyi dyetya ranicha Judenu nusuyadacu, nutyu? ¿Mirya tuchodatanintyi radatyanuracu, mirya? ¹⁹Nutyu quicätadi nta ranicha, jiryatyi rinta nijyanvay jivyatupada jurora, rajavye ninuju variy, saruuvye jita nipyati rajiicamu varintyi.”

Jesús tuchoda pa carivatyanchiy
(Matévu 13.33)

²⁰Süteda jita junay ruuvantiy: “¿Tara tuchodata radatyanura Judenu nusuyada, tara? ²¹Nutyu pa carivatya nta ranicha, jiryatyi nanubayada vaturuy mumuri quinu pajurudinubera, jasicharajutiy racarivay títaju variy.”

Pasijyu jajyonchiy
(Matévu 7.13-14, 21-23)

²²Sadatyanutityiñuyada jita Jesús jamu vichadiva, pasivichadiva jarye,

jiryatyi sarupiñuyada variy Jerusari nachoju. ²³⁻²⁴Süteda jita rityenu siva Jesús: “¿Mitya vamiyenuma jantyutyasavay?” Süteda jita Jesús variy ruuva: “Jiryama jantya jayada parucharimysiy pasijyu rorijyudemusiy jiryeryamityadaju, jiryatyi tiquitya jiryinuy rañi jaryuy Judenu nusuyjomu, ne vanay nta riryajay. ²⁵Sanumatyi mutanu rorijyamira rorijyu, jiryanuma jota radede rorijyutuunu, jiryatidye jvatyi raniy rorijyuday. Jiryajtay variy siva rorijyami: Nutyityu, yamutta nuñajisiy. Sajmutya variy jirye: Tama radyetya tesivyerya jirye, tama. ²⁶Jiryajota jteda variy siva rorijyami: Nutyu nudye rañi jibyeda jidyia, nuñatoda variy risajuntiy, nutyu jiñi day rañi datyadoda nuvichadajache. ²⁷Nini jita rajmutya variy jirye: Ritatye jiryiva: Ne radyetya tesivyerya jirye; iJiryanuma jiya ratyuunusiy vacha vichavay! ²⁸Jasidye jita jiryajnavya varintyi, jiryanutatiy diy siva Avurá bayanu, Isácu bayanu jarye, Jacóbu bayanu jarye sisaju, títaju Judenuju tuchuvay bayanueda jarye ruusajuntiy, Judenu nusuyjomu. Jirye jita rachasara jatyasavay bimuju variy. ²⁹Riryajti jita nijyanvay variy jiñi mutijomusiy, sapuryejomusintyi, ravitasa vichavantyi, jidye vitasa vichavay jarye, riryamaña jmyijyomu Judenu nusuyjomu variy. ³⁰Rityi vichasara jita tamityavay diye, riryechasara jita munatyavay variy rivasintyi; daryaday rityi vichasara munatyavay diye, riryechasara jita tamityavay variy rivasintyidye.”

Jesús jñayada rivasiy Jerusari
(Matévu 23.37-39)

³¹Varidye jita ruutojada Varyisévueda simu Jesús, ruñañuvejada variy siva: “Yanuma jiya jiyusiy, jiryatyi

suvaryuñuma Jeródes ji.” ³²Suteda jita Jesús variy ruuva Varyisévueda: “Jiryánuma tuchu siva quivurya Jeródes: Diye jita, tarimysiy jarye, rajatyatityiryi bayantuveda, ramisanityityi variryi jdivajnuvay; ratarimysiy jita rajtotanirya rivaayada. Darya niday jiryatuchosiy siva Jeródes. ³³Ranuma jita jiya rupiñu diye, tarimysintyi, ratarimysiy jarye títaju, tapi ne vanay sabatye Jüdenuy tuchu Jerusarjisiy taji. ³⁴Jerusarj, Jerusarj, jñijyanvay jita jvachara riy Jüdenuy tuchuvabe, rijeichichara ravichuta riy, jiryaty supasara Jüdenu riy yinsubiyimiy ruumu. Rajuuraju rañi jutyeryaniryuyadanumucha riy ridyedyeñu, nutyu tavaryityoda mutanusa jñiñpaya suvucharajisiryi jidyenujuu daryá; tii, riryivyatavara. ³⁵iTijyiii, satochimyattye Jüdenura jiryevyichajo! Ritatyte jita jiryivantiy: Ne jiryadiy junay riva rabetyedivasinüday, netimyu ne jiryajtadyidye: iJchanatyasite nitiy jnitye Nutyityu jtyamute!”

**Jesús mışadedanı vanubay
jamura pachityi**

14 ¹Tarundamu jita jiryaty jiiituyada runda ravichada, sajayadanumaty Jesús jibvedaju sarorivyimu Varyisévueda nutyityu, runuchoda Varyisévueda variy jasiñi. ²Savichanuyada tiqui jdivajni sadiya, jamura pachityi. ³Sitajadoda jita Jesús variryi Jüdenu niquejada datyanuvay, Varyisévueda jarye: “¿Samiryavidye Jüdenu diya, mışadedanı jiiituyada rundamu, varimyatamuy?” ⁴Rimechójada mitya vajeryade variy. Sapucheda jita Jesús variñi jdivajni, samışadedanı variñi, sumuryada jita variy jadchiñi. ⁵Sitajadoda jita Jesús variryi: “¿Ne jiryeni jvaay jiiituyada rundamuntiy? ¿Mira jiryetyenu ne saryi sipyata varicharajuni jidyenu varimyata savoca, mira? saryityi

juy jiiituyada rundamu jmuchajuvimu.” ⁶Ne vanay rumutyajada variy ranchiy.

Jamuyada vichyamujü musuchavay

⁷⁻⁹Sunuyadanumaty Jesús jiryaty rijeryetanuyada musuchavarya masajo rorijyamituunu riryatidye ditanura jivyichada jaryiñuvay jityevamyusy, satuchoda jita variy ruuvara datyadoda niquejada. Suteda jita ruuva: “Titiy raryi musuy jamujyomujü ji, ne yamasanuve vase vadi jamuñutuunu, saryityi jutü ti jaryiñuvaju yimusiy, sajti jamuyada jamü variy yimu, sajtay variy yiva: Yasay jimyasajoni. Yajota jita variy vatada tamitya masajonacho yanadanube. ¹⁰Sanumaty musuy ti ji, yantya masanuve jita tamitya masajoncha, satidye jtañuvü vadi jamuñu jasiy yiva: Jaamyicyu, yamasa ratyuuñudera, jityidye racha jchanatyasi ridiyiya musuchavay títaju variy. ¹¹Tapi minityi jchanaty nutyu jaryiñuyü, sacha jantanichi riva, daryaday minityi jtay jidyetya pasidyevaju, sacha jita jchanatyasi rivantidye.” ¹²Suteda jita Jesús variy siva jimyusu-byintiy: “Yanumaty jvaarya vichya, ne yamusuy variryi jijemyicyueda, dantyamuy ne jityeryiveda, dantyamuy ne jiryenamiy, dantyamuy ne jityuunu vichavay jaryi taratavay, riñuma musuy ramurichiryantidye ji. ¹³Yanumaty jvaarya vichya, yama musuy jita riy jantyuyadavay, pañimiy, canuyasimiy, nisipyurymiy jarye ruusaju. ¹⁴Jaryi jchanatyasi jita yecha variy, jiryatimyu ne vanay rimyurichenu ramurichirya ji, tii, mitya. Yaday jita jmutyara ramurichirya, vase vichavay mışasubeda rundamu.”

**Jesús tuchoda jamu vichyanchiy
(Matévu 22.1-10)**

¹⁵Satuvachodanumaty tiqui Jesúsja musuchira saniquejada, suteda variy siva: “Jchanatyasi jita sacha, nitiy rajmyi

Judenu nusujyomu.”¹⁶ Suteda jita Jesús variy siva: “Tariy savichanuyada tiqui vanu. Sivaayada jítara jamu vichtya rajuuvay musuchavajyu.¹⁷ Vichtya rundamu jita supajadani jimyuchechiy ruumu musuchavay, satidye jtay ruuva: Jiryánuma jiya vichtyamu, jdytyasara-numa daryaju títajura.¹⁸ Rijyotada jita jteda variy siva vichtya jamí muchechiy, jiryatimyu ne vanay nta riryejiya. Suteda munatya musuchi siva muchechiy: Ratyeryumya diyedera nudiy, rajnujedyi riva. Rajechiñuy yiva samá ramityaniy vichtya jamí mitya rivara.¹⁹ Suteda jita nuntiy: Ratyeryumya vuyajuy voca, rajnujedyiryi. Rajechiñuy yiva samá ramityaniy mitya rivara.²⁰ Suteda jita nuntiy: Rajyamumya ravaturaju, ramunimuy ne vanay rajiya.²¹ Satuchunuvijada jita muchechiy variy siva jipyatrura riñiquejada. Satuvachodanumaty rorijyamira, suteda jita jamiryamu siva jimyuchechiy variy: Vanira jaryuve yejiya vichada cabyiva, jamu núva, racusiñudeva jarye, jiipyuchityata vanira rumusiryi jantyuyadavay, pañimiyi jarye, canuyasivyeda jarye ruusaju.²² Satuchunuvijada jita muchechiy siva jipyatruntiy: Ritotanimyara yiteda, jasidye jítara vidavijontiy.²³ Suteda jita variy siva jimyuchechiy: Yejiya jamunúquiva, mantyanúva jarye, yatidye jaryuvuryi nijyanvay rumusiy, ratidye muchasiy raryoriy variy rijyu.²⁴ Ritatye sitenute yivacu, ine sajmyi ti musuchavay tenute ravychtyamu, tii, mitya!”

Vuryi rrachu títajura vuberya,
Jesús siityarişadaju
(Matévu 10.37-38)

²⁵⁻²⁶ Riyadanumaty rajuuvay nijyanvay sisa Jesús, sanumityejada jita variy riñechoju, suteda variy ruuva: “Nítiiy siityarişurye, netimyu savatasara

jaryivyaju nadimusiy jiyjejyurye, savaturuy jarye nadisaju, sataryiveda, şityamuturveda jarye títaju, jo, sunuyadasaraju, ne vanay sachasara risa datyi.²⁷ Minityimyu ne nichusara jidyiyadajijura crusiy, dantymuy ne sasiityarítityi variry, ne vanay sachasara risa datyi.²⁸ Tapi mira jiryetyenu, saryityi roriiryura panuchavu, ¿ne viy samasa munatya jimyisaniy, ramurichiya suradodaju, rasaranumaviy ranicha criquiy, ratatyi saryi casirya panuchavu? ²⁹Netimyu ne saryi suranu samirya ramurichirya, saryiñumaty jota roriyada, netimyu ne vanay nta sacasirya, riryi jota jarupantada tavañi, jiryatyi ridyi riva sadatyada sutyeda.³⁰ Riryi jtay jita variy: Sani jotama jita roriyada, ne vanay ntate sacasirya.³¹ Daryadantyi, ¿mira jamu nutyityu, mi? saryityi datya: Suniñuma ratarya nutyityu vuñecho, darajuy vuyajuy varanca sutarumitya, ne viy samasa munatya, satidye jachipiya samiy: ‘Vanavyidye vuryasuruy vuyajuy varanca sutarumitya rijyu.’³² Vuryityi datya: Ne vucharavay ntate day, ripyapudetidye riryicha vumyityasimiy, vuryi jpa riy vunsuvye rimyomuju, riryatidye jdytya nuñi mityasivyedara.³³ Ramunítiiy, minítiiy jiryetyenu, netimyu ne sajachipiya samiy satidye rrachura jiberya títaju, ne vanay sachasara risa datyi variñundye.”

Jesús tuchoda tivvyi tivvyijyvvedanchiy
(Matévu 5.13; Márcu 9.50)

³⁴“Tivvyi jita samirya. Varityi jita raryi baryi rativvyijyvvedada, ¿nutyuramusiañ vuryi taryataniy tivvyijyurajuntirya, nutyuramusiy? ³⁵Ne samirya mucadijura, mitya, dantymuy ne voca juvudimuntiy. Vuryi jatya mitya ruujuujura. Daryani jita savicha

n̄itimyu ne siityari samirya.
Jiryetyuvachutata tuyutavay.”

Jesús tuchoda carniru carañunchiy
(Matévu 18.10-14)

15 ¹Rityuudiñuyada jita criquiy jmutyavañi Jesús, juuchataway jarye ruusaju, riryatidye tuvachu varirya saniquejada. ²Ricyucutyada jita Varyisévueda variyu, Jüdenü niquejada datyanuvay jarye. Ruteda jita: “Sadirye jita jiñu riy juuchataway, s̄ibyeda variy ruusa.” ³Satuchoda jita Jesús varirya jirya datyadoda tuchoda ruuva: ⁴“¿Mira jiryetyenu, mi? saryityi caray tiqui sasi taraqui pachamusiy, saryiñitiy tochisadaryi yasiveda binda day, satidye vata sanacho carañu, sasaryechadasaraju. ⁵Saryiñumatiy saryeñi, saryi nichu jita yichanayadamu variñi. ⁶Saryiñumatiy jutü jiryorimyuntiy, saryi naturiy jijemyicyu-veda yimuju variy, satuunuvichavay jaryentiy, saryi jtay variy ruuva: Jiryajchanay risa, jiryatyiy racharyemyani rasi carañu. ⁷Darya niday jarichumu, riryechanachara Jüdenü tuunu vichavay sanchiy tiqui juuchati, jiryatyiy saparyy riva taryi jivyichada. Riryechanachara jaryivyaju sanchiy, taraqui pacha nijyanvamyusiy, jiryatimyu ne rivyata paruyada riva samiy jivyichada Jüdenü diya.”

Jesús tuchoda criquidye cararyanchiy

⁸“Daryadantiy, ¿miñuy vatururya, miñuy? raryi carera tadaqui criquidye, vuyajudye tera, neviy naryi ruparya jiñonqsiy, naryi nuniy varirya jiryoriy, naryi vatanaya samiy ranacho, rasaryechadasaraju. ⁹Naryityi saryerya, naryi natuy jita variryi jijemyicyuveda yimuju, tavay nanutuunu vichavay jaryentiy, nanatidye jtay variy jasiy ruuva: Jiryajchanachara risa, jiryatyiy

racharyemyara racyuriquidye cararya. ¹⁰Darya niday rachasara jarichumuntiy, jchanayada rachasara Jüdenü jpavay diya sanchiy tiqui juuchati, jiryatyiy saparyy riva taryi jivyichada.”

Jesús tuchoda vaderonunchiy, jiryatyiy sapachityada mityara jivyichada

¹¹Süteda jita Jesús variy ruuva: “Savichanuyada tiqui vanu, danujuy denujutyi. ¹²Süteda jita sadenu tamityi yiva: Yeye, yanuma say rayarurya jiberyate ray. Sanantajajada jita sajarya jiberya variy danujuyju. ¹³Ne rajuu rundamusiy, sarichumuyada sadenu tamityira jiberya titaju, sayada jita variy tara mucadimuju. Rumunuma jita sapachityanuvejadara jicyuriquiy, vacha vichasajomu. ¹⁴Sacasiyadanumatiy titajura jicyuriquiy, rajotasubeda jita jachinu runda variy jasiy mucadimu, sasutyejada jita yinutyavasiy variy. ¹⁵Satuudiñuvejada jitani tiqui jasiy mucadijanvay tenu. Nini jita jpajada yindimyu, jicyuchiy jnutyadajuni. ¹⁶Sani turiruyada jitara januja tera, jiryatyiy cuchiy jmyichara darya. Ne tide jmyityaniryuyada daryaju tarani. ¹⁷Sataryadanumatiy yibivajuntiy, sajachipiyajada jita variy jijechimyu: ¿Nurivyerya rajyetsa jvaave vichasara jmyicharatavay, nurivyey? netimyu rasutyeryi tara jmyichara ruumusiy, iradyentya diiryuvya rajechijadamu jiyu daquiii! ¹⁸Raday nubesumiy, rajiya rajyemyuju, rajtañuve variy siva: Yeye, rajyuuchuvamya Jüdenünijyu, jidyiya jarye risaju. ¹⁹Ne ravyata ntate riryajtay tavay jidyenu nundyerye. Yavichaniy nutyu yivaatyaniy nta ray. ²⁰Sanubesubeda jita variy, sayada jita simu jijye. Ripyapudetidye savichada, sadiyada jita sajay yiva, santutyuyada variñi. Sasiicheda jita variy sanacho, samariñu-vejada jitani jidyenu, sasiñuvayeyada

vari y jasiñi. ²¹Suteda jita sadenu variy yiva: Yeye, rajyuuchuvamya Jüdenunijyu, jidyiya jarye risaju: ne ravyata ntate, riryajtay tavay jidyenu nundyerye. ²²Suteda jita sajay variy ruuva jimyu chechimy: Varenu jaryuve jiryejiryera samichujay, jiryatiy samije vyajura, jiryajachosiy variy radyenuvara; jiryabañi janajatu sanata, saapatu jarye jiryajachu sanumutuvantiy. ²³⁻²⁴Jadchintiy, jiryajiryeni vocadenu, jiryatiy vüñuchumani, jiryajvañuvijasiy variñi. Vuryajmyi, vuryajchanay variy risaju, jiryatiy jiñu radyenu rañichanutyi diiñu, diye jita jnuñuntiñi; sanichanutyi carañu, diye jita saryechintiñi. Rijyotada jchanatyada variñi.

²⁵Sadenu munaty jita vichada yindimyu variy. Sataryajada jita, satuudiyadanumatirya jiryoriy, satuvachoda jitar riryudiyada, riryeyajada jarye risaju. ²⁶Sanatuyada jita yimujuni tiqui mu chechiy, sitajadoda jitan: ¿Tara ranicha jirya, tara? ²⁷Sumutyajada jitan: Sitijasimya jityeryi. Suvatyadesiy jijyeñi vocadenu, jiryatiy vüñuchusiñi, jiryatiy sumutyajasiy vanirini jityeryi. ²⁸Saniqueyada jita samunaty variy ranchiy, sajaryuyada vitya jita variy jasiy. Sasipyateda jita sajay variy yimu, sayasantada variy jasiñi. ²⁹Tiiti, saryijeryvya. Sumutyajada jitan jijye. Yajncyu, nurirya nijyasarajura rivaayada siityera yisa, nurirya, tama jicheyada ti jasi rapuryate darye, tama, ratidye jvaarya vichtya rajyemyicyuve-datantidye. ³⁰Diye jita, jiryatiy siti jiñu jidyenu, nitiy pachityara jicyanarya cadnatuvedava, yivatyadesiy jita sajuni vocadenuntiy, jiryatiy vüñuchusiñi. ³¹Suteda jita sajay variy yiva: Yajnyu Pi, jivyichajayasara jita risa. Jiryatiy titaju raberyara, daryaday jiberya varintiy-

dyerya. ³²Vuryi dyetya jchanay samomusiy, jiryatiy jiñu jityeryi rañichanutyi diiñu, diye jita jnuñuntiñi; sanichanutyi carañu, diye jita saryechintiñi.”

Jesús tuchoda patru barya jnutyinchiy, jiryatiy sapachityanuyadara jipyatru jvaadyi

16 ¹Suteda jita Jesús yisa datyavavyantiy: “Savichanuyada jita nu vanu, jiryatiy sunutyanyadara jaryi tarati barya. Rityuchutada jita tavay sapatruvayu, jiryatiy sapachityanuyadara sivaadyi daryaju. ²Sanatuyada jita sapatru yimujuni mu chechiy, sitajadoda jita variy jasiñi: ¿Taranate ratyuvachu jiinchiy, tara? Jiyuju rumusirya cuentapadye. Ne vanay yajvaay junay risanuday. ³Sajachipiyajada jita jnutyi variy jijechemiyu: ¿Taranate rajvaay diye, tara? Sasovamya daryaju rapyatru rimusirya rivaayada day. Ne vanurya ray, rajvaaje nudimyu, raada jita mitya jachiñuyadiva tara. ⁴Radyetyadapuñuma tara rajvaay, tara, riryatidye jmutya nijyanvay rinutyadivasiy jiryorimuyju ray. ⁵Jadchiy jita sanatuyada nuñi tiquimusiy yimuju riy nijyanvay, jiryatiy ridyivyini jipyatru. Suteda jita siva munaty: ¿Nuriryanate jidyivyini vupyatru, nurirya? ⁶Sumutyajada jitan: Taraqui pacha nijavu data. Suteda jita jnutyi variy siva: Jiryatirya jicuentavi. Yama, yanuy varenu riva cateravira tadajyo vuyajuy nijavu data. ⁷Suteda jita siva nuntiy: ¿Va ji, nurirya jidyivyidye, nurirya? Sumutyajadani: Taraqui pacha jaruusichuy. Suteda jita variy siva: Jiryatirya jicuentavi. Yanuy mumurinijyate vuyajuchuy. ⁸Sichanatyada jita sapatru variy jnutyiyu, dañumamuy ne sanicha vase jvaarya, jiryatiy sivaayada jidyetyada rapuryatara. Tapi vacha jvaavye jita vichasara

jityevatya jaryivyajū datyavay ruumusiy nono dadyeñu, jiryatiy Jūdenu nonomu vichavaryi.

⁹Ray jīta ranique rimusiy jiryiva: Jiryamā datya jvaayada criquiy rapuryata, jiryatidye canay ramusiy jiryeyū riy jaamyicyuveda, ranumatiy baryi jiryecyuriquiy, sadiryē Jūdenu yisā vichavatya junare vichajomuju varyi jirye.

¹⁰Nīni jīta jiryatiy savichasara jtōtaniryā pasidyemusiy, daryaday savichasara jtōtaniryā jamura jvaayadamuntiy. Daryadantiy, nītiy ne jtōtaniy pasidyetara, daryaday saquivūchara jamura jvaayadantiy. ¹¹Netimyu ne vuryivaachara jtōtanivyē criquitya, čchirana rabaryuy vuryimura jiryatiy štenu jaryi murichetara darya, chī? ¹²Netimyu ne vuryivaachara jtōtanivyē rata, jiryatiy tī barya darya, čtajurana sasaryuy vuryinutyada murichirya vuy, tajū?

¹³Ne vanay sivaachara muchechiy danujuy patrusā. Saryityi jvaaryuy nadisa, saryi javittyuñi tiqui, saryi vatasara variñi ratarya patru; varimyata saryi jvaay vaniri sīsā tiqui, saryi javiryutyā variñi ratarya patru. Dantyamuy ne vanay vuryivaay sīsā Jūdenu, criquisā jarye, jiryatiy vuvychasara criquiy juredacanumiy.”

Jesús niquejada Varyisévuedava

¹⁴Rityuvachoda jīta Varyisévuedara Jesús niquejada tītaju. Jiryatiy rivyichasara criquiy jachavay, riryaviryutyada variñi. ¹⁵Suteda jīta Jesús varyi ruuva: “Jirye jīta rañi ditanu vase vichavay nijyanvay diyayu, Jūdenu jīta datyasarara jiryejechiy; tapi jiryatiy samiy jvadichara ranichasara nijyanvay diya day, Jūdenu diya jīta javityichara varidyerya.”

Jūdenu jtedanchiy, sansuyadanchiy jarye

¹⁶“Saniquenuyada jīta Jūdenu jiñiquejada nučharamusiy, saju

tuchuvabemyusiy jarye, Juán Bautístabay rundasaraju tītaju. Variryundamusiy jīta, nuťyuchunumayara samituchoda Jūdenu nusujyonchiy, riñi panatyityi nijyanvayyuu ramu jayadaju.

¹⁷Tama jvadatyisasara ranicha, tama, raryityi parutay jarichu, mucadi jarye risaju ramusiy, jiryatiy raryi sutye pasidyē-radera Jūdenu niquejada jtōtadedaju.”

Jesús datyadoda tovajadanchiy (Matévu 19.1-12; Márcu 10.1-12)

¹⁸“Mīnityi tovanada jivyaturuy, saryityi jamuy varyi tī nadivasintiy, sajarupanu varyi ratara nanuvichada nijyanvay diya, jiryatiy riryadiy varyi nadiva nuťyū jmuchanutanuy nada; daryadantiy, saryityi jamuy vinu vanu nada vaturuy tovasanuy, daryaday sajarupanu ratantirya jivyichada nijyanvay diyantiy, jiryatiy riryadiy nuťyū jmuchanutodati varyi siva.”

Jesús tuchoda jaryi taratīnchiy, jantuyani Dásarubaynchiy jarye

¹⁹“Savichanuyada jīta tiqui vanu jaryi tarati, sajachunuyada yivara samichujay, jiryatiy jaryi vasidyajarya, sapotyaniñuyada jīta samirya jmyicharatayu. ²⁰Savichada jīta tiqui jantuyani Dásaru jtyati, satiryojada jīta vatajojūñu sarorijyutuunu jatyasīde. ²¹Sani potyaniryuyada jmyichara daryuutya varyi jasiyu, jiryatiy rajuyā riimiyjomusiy. Nibyiveda jīta jūdeda varyi savatajomu tanayadanacho. ²²Sadiiyada jīta tarundamu Dásaru varyi, ripyucheda jīta Jūdenu jpavay Avurábay bayanu tuunujūni sabayanu. Daryaday sadiiyada jaryi taratīntiy, rumuchoda variñi. ²³Savichada jīta tarati bayanu diiyevye bayanu vichajovimu; sapiradeda jipyarutyadamu navajyu, sadiyada jīta ripyapu siva Avurá bayanu, Dásaru

bayanu jarye satuunu. ²⁴Saniquejasu-beda jita variy: iYeyē Avurá! iYajantyutyate ray! iYajpani Dásaru, satidye paroniy jaamura yanamo, satidye canuvunu ratara radyechiy, jiryatimyu ne rajechinitye jiiday nuyaranube nundyerye, ja cuu! ²⁵Sumutyajada jita Avurá variñi: Pi, yajachipitya jita diyera, jiryatiy yimutyanyuada tariy yinuyadamura jiyaryya samirya, nutyu Dásaru jmutyanyuadara nicyaray varicharajuntiy. Diye jita savichasara jmutyasi jiyu rucomu, ji jita siichunujasi jasiy. ²⁶Jadchiy jita sabayada Jüdenura vatajuquintiy, riñuma ramije jiryimujy rityi rañi ramijeryy jiyusiy, dantyamuy ne vanay riryaramije rumusiy jiyujunudantiy. ²⁷⁻²⁸Suteda jita variy siva Avurá: Rayasantate varidye ji, Yeyē, yatidye jpa rajyēbe rorimyuní Dásaru, tapi tadajyo taryiti vitya jasirye. Sama tuchunuve vacha vichadajisiy samiy ruuva, riñuma jutí jirya parutyasajomujuntiy. ²⁹Sumutyajada jita Avurá variñi: Jasidey ruumura Jüdenuniquejada nuchara, jiryatiy Muyusésibemyusirya, Jüdenuju tuchuvabe nurya jarye. Riryama tuvachu ramu. ³⁰Saniquejada jitantiy: Ne, Tatya Avurá, titiy raryi jiya diibycabyimusiy ruumu, riryi janumitye variy vase vichadaju. ³¹Sumutyajada jita variñi: Netimyu ne rityuvachury ramu Jüdenuniquejada, jiryatiy Muyusésibe nuyadara, ne vinu Jüdenuju tuchuvabe nuryamu jarye, dantyamuy ne riryi tuvachury ranchiy, dañuma saryi misasumiy ti diibycabyimusiy ridiyya.”

**Tajunate saju, tajy, nitiy
rajtitara juuchanitya**

(Matévu 18.6-7, 21-22; Márcu 9.42)

17 ¹Suteda jita Jesús variy ruuva yisa datyavay: “Sitenuco day rajti juuchanitya, tajunate sajute day,

tajy, nitiy rajtitara juuchanitya.

²Samiryavaju jita raryicha saju, riryityi puchu nijyanvañi ravichusuma sapitasa, riryi jatya jita variy jamu navajachení, sañuma juuchanu ti rajisiy riquebyimusiy rachiityarivay.

³iJiryinutyatatayu! Saryityi juuchuvay ti jityeryi jinijyu, yanique samiy rajisiy siva. Saryityi tuvachu yimu, saryi paruy variy riva, yaramityaniy variy mitya sivara. ⁴Saryityi juuchuvatyityi darajuñijyateju tarundaquimu jiiñijyu, saryityi janumityetyityi darajuñijyateju jinēchojuntiy, satidye jtay variy yiva: Rapyarumya riva, yama ramityadesiy variy mitya sivara jiyuuchurvedantiy.”

Jüdenumu tuvachoda vanuyada

⁵Sansubymiy jteda variy Nutyityu yiva: “Yajasachura nutyuvachoda yimu.” ⁶Suteda jita Nutyityu variy ruuva: “Raryityi vicha jiryetyuvachoda pasidye nutyu quicadadide, jiryejtay variy riva jirya ninu: Yecha daputasara jiryuvata titaju, yecha jita nutasara rivasiy navajachentiy, raryityuvachu varicharaju jiryimu.”

Nutyuramusiy vuryi jvaay Jüdenuju

⁷“Saryityi vichasara muchechityi jiryetyenu, varimyata saryicha jasi jnutyi, varimyata nudimyu jvaañu, saryityi jutí samuchechiy yivaajyomusiy, ne dyetya saryi ntay sapatru yiva: Yanuma jmyi. ⁸Temusiy dyetya saryi ntay siva: Yamutivyerya jmyichara rajyu, yajdutyva variy ji, yatidye potyaniy varirye. Rñumatiy jmyimuy, rajatu ranchajuntiy, rivasiy jita yejmyi variy jiidye, yajatu jarye variy risaju. ⁹¿Saryi ntavya variy siva jimyuchechiy: iYentyumyate riva!? ¹⁰Daryaday jirye, jiryanutiaty jvaamyuy titaju jiryatiy supasara Jüdenuniquejada jirye, jiryajtay variy siva: Nuñicha muchechimiy datyisamiy.

Núdyivaamyúmyara vinu jiryatiy yipa núdyivaayadajura.”

Jesús mįsadede riy vuyajuy vatajójuvye

¹¹Jesús jiyadamu Jerusarínachō, saramiryijada jita raparudamu Cadidéya, Samáriya jarye. ¹²⁻¹³Sajayadanaumatiy vichāda rapuryademu, rimyutijada jita vuyajuy nijyanvay vatajójuvye sįdchoju. Riryadeda jita ripyapude varyi, riñiquejasubeda jita jaryi varyi jachiy: “iMaestru Jesús, yajantyutyate nuy!” ¹⁴Sadiyadanumatiy ruuva, suteda jita varyi ruuvantiy: “Jiryajiya jidyitanusadanachō caserdó tevyedamu.” Riyadamu, rabayada rivyatajō varyi yivasiy. ¹⁵Tiqui rityenu, sunuyadanumatirya jimyisāda, sataryada jita Jesúsnachōju, sįchanatyatityiyada jaryi niqejadata variñi Jūdenu. ¹⁶Sabutyada jita mucomujū Jesús numutu tuunuyu: “Rasarānuma ray. Jimyisanimya te ray.” Nįni jita vichāda Samáriya jamī. ¹⁷Saniquejada jita Jesús varyi: “¿Ne rivyichasiy vuyajudye, jiryatiy rimyisasiy? ¿Nutyijįnarįy dañujuyunijyate day, nutyijiy? ¹⁸¿Neviy rityeryaruy satevadye, riryatidye jchanatyanī Jūdenu? ¿Vinu jiñu ranrotasa vichini tarya day?” ¹⁹Suteda jita Jesús varyi siva: “Yanubesumiy, yanuma jiya. Ramįsanimya jityuvachoda ji.”

Nutyuramusiy rajti Jūdenu nusuyada vuryimu, nutyuramusiy (Matévu 24.23-28, 36-41)

²⁰⁻²¹Ruutajadoda jita Varyisévuedani Jesús: “¿Nutyeryivye rajti Jūdenu nusuyada vuryimu, nutyeryivye?” Sumutyajada jita Jesús variry: “Ne riti Jūdenu nusuyada jvadichara vuryimu, dantymuy ne riryajtay jiryiva: iJiryatirya! ne vinu riryajtay jiryatiy

iMurya! Jiryama datya: Jasiñuma ranicha jiryeequebyimu Jūdenu nusuyada.”

²²Suteda jita Jesús varyi yisa datyavavya: “Rāday jutį runda, varityi jiryadiruy jaryi riva tarundaquide Nijyamidenu rundate, ne vinu daryamusiy jiryadiy riva. ²³Riryajtay jita tavay varyi: iMuñumani! varimyata sajmutya ti varyi: iJiñutiy jiyuni! Ne jiryajiya muy, dantymuy ne jiryasiityari variry Tuchuvay. ²⁴Tapi Nijyamidenu jtįjada rundamu jita racha nutyu raduyara, jiryatiy rajaduya jarichu dutuuvya. ²⁵Munaty jita saparutyasara Nijyamidenu rajuura sarajuy, riryarrachu diye vichavay variñi. ²⁶Daryatiy rivyichāda Nuvébay rundamuntiy, jamu nijya parutadajisy, daryaday racha Nijyamidenu jtįjada rundamuntiy. ²⁷Riimiñuyada, riryatunuyada risaju, rijyamuñuyada, rijyamutyaniñuyadantiyu, Nuvévedabay jmusadasaraju cartyequivimu, raniyjeyada jita nijyanvay parutedaju varyi. ²⁸Daryaday rivyichanuyada Dótubay rundamuntiy, riimiñuyada, riryatunuyada risaju, rityeryuñuyadantiy, rityeryutyanyuyada varintiy; rintanuyada, riryoriñuyada jarye risaju. ²⁹Variryundamu jita varityi sasipyateda Dótubay Sodómamusiy, rųboda jita jįiday jarichumusiy varyi, asųjuru quivarya jarye risaju, raparutada jita riy nijyanvay titaju, pattaryite riy. ³⁰Daryaday racha Nijyamidenu rundamuntiy, sanumatiy dityanu Jūdenu mityamusiy variñi. ³¹Variryundamu jita, nityi ratųchu sįsą jityuunu vichi, dañuma rāvicha sabarya jiryoriviyimu, ne sajay varyi jiberya juredanachō, dantymuy nityi racha yindimyu, ne sasiityityi tara juredanachō jiryoriviyimusiy. ³²Jiryajachipitya nada Dótubay

vaturube (jiryatiy nanutituyada tivivyuyujū jiryatiy nananumitejedada jnyuyada ranacho jiberya machora.)
³³Mīnityi ramityaniryuyadara yinuyada, saçare varirya, mīnintiyi jīta raçarera yinuyada, sabajeyasara varirya. ³⁴Rītay jiryiva: Nanacha danujuy vanujuy jimeyamu variñupora, Nijyamidenu rundamu, tiqui jīta racha puchichi, sisa mañu jīta racha tochichi jasiy.
³⁵Nanacha danujuy vaturujyuy tununuvimu tanunujyuy, tanuqui jīta racha puchichanuy, nadisa vichanuy jīta racha tochichanuy. ³⁶Danujuy vanujuy racha yindimyu, tiqui jīta racha jarachi, sisa vichi jīta racha tochichi.”
³⁷Ruutajadoda jīta variñi Jesús riva: “¿Tera ranicha daryá, Nutyityu, te?”
 Suteda jīta ruuva: “Jasityiñi” diibiy, jasiñi jīta riryajityeryaniy didapasuyanuvedayu.”

Jesús tuchoda bachenodanchiy, cadnadunchiy jarye

18 ¹Satuchoda jīta Jesús datyadoda niquejadada ruuva, nutyuramusiy riryityuchujayasara sisa Jūdenu, nutyuramusiy, ne riryipyaryuy tarundamu variy riva. ²Satuchoda jīta: “Savichanuyada tiqui cadnadu, jamu vichadamu. Ne sasuvuñuyadani Jūdenu, dantyamuy ne sunuyada tinacho, mitya. ³Nanuvichanuyada jīta bachenoda jasintiy, jiryatiy naniniñuyada japichiy simu cadnadu, nanitañuyada jīta siva: Yajdutya rajyura ratyuchutasada ratyuchutisa. ⁴⁻⁵Ne sani jmutyaruyada munatya nada. Rivasiy jīta sajachipiyajada jivyimu: Danimyyu ne rachuvvucharani Jūdenu, dantyamuy ne nijyami, jiryatiy nadayasantanumucha jiñuy

bachenoda ray, rajdutya nadajura jityuchutasada, nañuma parutyatadedanumucha yidedata ray.”

⁶Saniquejada jīta Nutyityu Jesús variy: “Jiryetyuvachutātara cadnadu niquejada, jiryatimyu ne vase jvaaryani. ⁷Saryityi jdutya cadnadu vacha vicharara tara, ita jaryivyaju sajdutya Jūdenura jiveryetasavay tuchutasada, jiryatiy rijechiñujeya jnarya, nupora jarye siva, dañuma santutyaniy rijechiñuryajijuyu! ⁸Rītay jiryiva: Sajdutya varenu jaryuve Jūdenura rityuchutasada. Dañuma sanumatiy jutī Nijyamidenu rayadaju çsavidye sarye mucadimu riy nijyanvay jiryatiy rityuvachusara simu?”

Jesús tuchoda Varyisévunchiy, criquiy jmutyanunchiy jarye sisaju

⁹Satuchoda jītara jirya datyadoda tuchoda ruuva nijyanvay, jiryatiy runnuyayu, rijechipiyajadamu daryaju yiteda jivyicha vase jvaavye, riryaviryutyada variryi tavay. ¹⁰Satuchoda ruuva: “Nanagsubeda jīta danujuy vanujuy Jūdenu roriñeçoju, nanatidye tuchu sisa Jūdenu. Tiqui vichada Varyisévu, nu jīta vichada criquiy jmutyanu. ¹¹Varyisévu jīta radedada tuchū yasiquita: Jūdenu, rīchanatya ji, jiryatimyu ne ravychasara ntyu tavay nijyanvay, jiryatiy paranunimiryi, varuyu jvaavye, jmuchanutodatavay jarye, varimyata ntyu jiñu criquiy jmutyanu rapurya. ¹²Rīndasarara jmyichara darajuyyu nuñi taraqui simyanumu; rachechara jīta Jūdenujura taraquidera nuñi taraqui vuyajuy rīmutyaramusiy. ¹³Criquiy jmutyanu jīta radedada ripyapude Jūdenu roriyjisiy, ne sani piradedada navajyū, tii,

* 17.37 Jasityi rivychasara nijyanvay jaryi nicyaramyi, rapotiyē rivychasada Jūdenujū ntyu rapotiyēchara diidabi daryá.

mitya. Mityanuma sūvatyiñuyada jidyutudincha yanadamu, sutañuyada variy: iYajantyutyate ray, jiryatiy juuchati ray! ¹⁴Ritay jiryiva: Sumusada jaryi samiy jvadichi Judenu diya jiryorimyu Varyisėvumusiy, tapi minityi jchanatyayu, sacha jantanichi riva; daryaday sachantiy minityi jtay jidyetya pasidyevalu, sacha jita jchanatyasi rivantidye.”

Jesús jachiñuyadara Judenu jmutyada deramiy jiyadaju
(Matėvu 19.13-15; Mārcu 10.13-16)

¹⁵Ruutitanuyada jita nijyanvaryi deramidyera pasiñude saraju simu Jesús, satidye juriy riñiy, riryetyanusadaju. Runuyadanumatiy sisa datyavay rututityiryi deramiderya, rubayada jita riryajisiry jidyedyeñu jtitasada. ¹⁶Jesús jita natuyada yimuju varidyeryi, suteda jita yisa datyavavya: “Ne jiryaniquetta riy deramiy, riryama jutı rimu. Ne jiryajbarya ruutijada, tapi rityi rachasara Judenu nusujyomu, riñicha nutyu deramiderya. ¹⁷Ritay sitenu jiryiva: Minityimyu ne rajmutyara Judenu nusuyada, nutyu sumutya derade samiy jachitya daryara, ne sajachara variy Judenu nusujyomu, tii, mitya.”

Satuchoda vaderonu jaryi tarati sisa Jesús
(Matėvu 19.16-30; Mārcu 10.17-31)

¹⁸Sitajadoda jita tiqui nutyityuni Jesús: “Datyanu sami, ctara jvaayadata rajmutyara rayarurya junareju jnyuyada, tara jvaayadata?” ¹⁹Suteda jita Jesús variy siva: “ctTajura yitay sami darye, taju? Ne ti sami, vinu Judenu. ²⁰Jiñi jita datyara Judenu datyadoda: Ne vuryarupi ti vaturujsa, ne vuryajvani ti, ne vuryaparanu risaju, ne vuryaniquera quivuyada tinijyuntiy; vuryama tuvachu simu vujye, vuryinodamu jarye.”

²¹Suteda jita nutyityu variy siva Jesús: “Vadinudemusiy ratyuvachunuyada ramu titaju.” ²²Satuvachodanumatiy Jesúsra saniquejada, suteda jita siva: “Rasutyedye tarade ji. Yataryutyara jiberya titaju, jadchiy jita yasay ruuva jantyuyadavarya ramurichiry. Variñi jita yecha tarati jarichumu. Varenumacu, yasiityarisara variryey.” ²³Satuvachodanumatiry Jesús niquejada, sayiveda jita jaryi variy, jiryatiy jaryi tarati daryaju dani. ²⁴Jesús jnyuyada jiñiquejada saraju sanacho, saniquejada jita variy: “Ta jaryi surra ravichasara rijyu jaryi taratavay Judenu nusujyomu jayada day. ²⁵Saryityi ramije camelluquisuma rodanruju vimu, saryi jay jita jaryi tarati variy Judenu nusujyomuntidye.” ²⁶Rityi tuvachodara saniquejada, ruutajadoda jita variñi: “ctChina raramityasarate, chi?” ²⁷Suteda jita variy ruuva: “Jiryatimyu ne vanay sivaayada nijyamira, vinu Judenu jita rajvaachara darya.” ²⁸Suteda jita Pyitrubay variy siva: “Nuy jita tochedara jiryoridye, nuchiityarijada variy ji.” ²⁹⁻³⁰Suteda jita Jesús variy ruuva: “Ritay sitenu jiryiva: Nitiy tochiy Judenu nusuyada jiyasachiry jiryoriy, varimyata savaturuy, varimyata sataryiveda, varimyata sajavyeda, varimyata sadadyeñu, saday jmutya jita jiyjyomu jaryi rayadaju, tarundamunuma jita sajmutyara junareju jnyuyadantiy.”

Sajatyiyada tuchoda Jesús jibetyedajiju
(Matėvu 20.17-19; Mārcu 10.32-34)

³¹Saracheda jita Jesús variryi yisa datyavay, vuyajuy, danujuy rinchaju, suteda jita variy ruuva: “Vuryasumiñuma jita Jerusarimuju. Jtotanichara racha variy Judenuju tuchuvabe niquejada titaju, jiryatiy riñuyada sanchiy Nijyamidenura. ³²Riryasay jita mamymyuni Nijyamidenu, riryajaru-

panta variñi, riryajavityiye risajuni,
riryatochiye variy siva risajuntiy.

³³Rimiyusiyeyadivasiy yajvañi.

Mumurundamimiyusiy jita, samisashumiy
diibiyumusintyi.” ³⁴Sisa datyavay jita, ne
datyadara Jesús niquejada, mitya.

Dutyasara daryaju riyjura saniquejada,
ramunimuy ne ridyetyadara.

Jesús misadedani nisipyuryi, Jericó jami

(Matévu 20.29-34; Márcu 10.46-52)

³⁵Satuudiyadanumatiy Jesúsra Jericó,
savichada jita nisipyuryi nítuvarya,
jadchityi sajachiñuñyada jimyasajomusiy
tara ruuva nijyanvay.

³⁶Satuvachodanumatiy nisipyuryirya
riryamityityiyada nijyanvajyuu, sitajadoda
jita variy: “¿Tara ranicha daryamusiy,
tara?” ³⁷Rumutyajada jita variñi: “Ninuma
Jesús ramiryi, Nasaryémusi.” ³⁸Saniqueja-
subeda jita variy: “¡Jesús, Davyíbe jasi,
yajantyutyate ray!” ³⁹Rityi rupiryijada
Jesúsjsiy, riñiquetyada variñi, riñi
ndasaniryuyada variy jasiñi. Sasañeyajada
jita jaryi varidy: “¡Davyíbe jasi,
yajantyutyate ray! ¡Yajantyutyate ray!”

⁴⁰Saraniñuvijada jita Jesús variy jasiy,
saryityatadeda yimuju variñi. Satuudiyada-
numatiy nisipyuryiñi, sitajadoda Jesús
variñi: ⁴¹“¿Nutyura jivyata ranchany ji,
nutyura?” Sumutyajada jitaní:

“¡Rinuyasumiryuy junadye, Nutyityu!”

⁴²Suteda jita Jesús variy siva: “Yanuma
jnuyasumiy, rantumya jityuvachoda
yiva.” ⁴³Varicharajude raratyesubeda
sanisiy varidy, sasiityarijada jita variñi
Jesús, schanatyatityiyada variñi Judenu.
Nijyanvay jarye, jiryatyi ridyi daryaju riva
samisada, riichanatyada jita variñi Judenu
riva.

Saquívubay diryuyada siva Jesús

19 ¹Sajaryijada jita Jesús Jericómu.
²Savichada jita tiqui vanu jasiy,
Saquívu jyatibay, jiryatyi criquiy

jmutyanu nutyityuni. Savichanuyada
jaryi tarati, jiryatyi sumutyanyadara
criquiy, mamyi nutyityuju. ³Sani

vatanuyada diyada siva Jesús, ¿chira
sanicha, chi? Saryi divya siva, jiryatyi
nijyamijuu daryaju jarupanu sayada,
jiryatyi japunude daryajuni. ⁴Sasiicheda
jita nijyanvajjiju, sasumiñuvejada jita
ninuncha, satidye diy jadchiy siva Jesús,
tapi jasitya saramiryi daryaju.

⁵Sitojadanumatiy Jesús simu
Saquívubay, sunuyasubeda jita sanacho,
suteda jita variy siva: “Saquívu,
varenude yajmusa, tapi diye rundamu
dyetya raryimechonuve jiryorimyu.”

⁶Varenude sajaryuvuyada jmusada
variyyu, sadiryejada jita
jichanayadamuni Jesús. ⁷Ridiyadanu-
matiy nijyanvay riva sivaayada Jesús,
ricyucuyeyada jita variy: “Vanu
juuchatimu sajañuy.” ⁸Saradeda jita
Saquívubay variy, suteda jita siva Jesús:
“Yajnuyy, Nutyityu, rasay raberya
tadaryi jantyuyadavay; raryityi
murichenutadeda jamuraní ti, raryi
taryataniy daryajuyuju simujuntirya.”

⁹Suteda jita Jesús variy siva: “Diye jita
ritijasiy ramityadeda jiryarorimyu
vichavajyu, rorijyamí Saquívuju jarye,
jiryatyi vumyunatyí Avuráby jasi
daryaju dañi. ¹⁰Tapi sitima jita
Nijyamidenu, satidye vata riñecho
nijyanvay caravye, satidye jantyuy variy
ruuva.”

**Jesús tuchoda vuyajuy
criquiy jmutyavanchiy**

(Matévu 25.14-30)

¹¹Rityuvachodanumatirya Jesús
niquejada, satuchoda jita ranchajura
datyadoda tuchoda, jiryatyi
rityuudiñuyada varirya Jerusarí,
rijechipiyajada sisa datyavay variy:
“Mityamusiy dyetyate ramutisarate
Judenu nusuyada vujyu.” ¹²Ramuni

satuchoda Jesús variy ruuva: “Savichada tiqui vanu, samiy jriñuti, sayada jita tavichadamu, satidye bay jamu nutyityu nutyu nutyityu satevay cabyimuyu, satarya jita variy rivasintyi.

¹³Sayadajisiy, sanatuyada jita yimujuriy vuyajuy jimyuchechimyitevay, sasacheda jita tamosiqui criquitye ruuva, nuñi darya titaju sasayada variy ruuva. Suteda jita variy ruuva: Jiryantya jvaay jirya criquitya samiy rajiju, ritijada saraju. ¹⁴Rityevay jita javittyuyadani, rupajada jita susiryi nusuchavay, jamu nutyityumu, riryatidye jtay siva: Ne nuvyata jintyityujuni jiñu, mitya. Ne satuvachoda jamu nutyityu variy ruumu.

¹⁵Sataryadanumatiy vanu, nutyityunuma savichada variy. Sanatutyadeda yimuju variryi jimyuchechimiyi criquiy jmutyavay, satidye datya nutyura ruuvaañchiy nuñi tiquimusiy jicyuriquitya, nutyura. ¹⁶Sutañuvijada rimyunatyí siva: Patru, rásamya jicyuriquiy mosiy vuyajuy mosijyu.

¹⁷Suteda jita sapatru variy yiva: iRántyé ji, samirya muhechiy ritay variy ji! Jiryatiy yitotanicharara yinsuchada pasidyeta, yansuchara variy vuyajuy vichadamu. ¹⁸Sutañuvijada nu sivantiy: Patru, rásamya jicyuriquiy mosiy tadajyo mosijyu. ¹⁹Suteda patru variy siva: Ji jita ransuchara tadajyo vichadamu. ²⁰Sutañuvijada jita nu sivantiy: Patru, jiryatirya jicyuriquiy mosiy, jiryatiy rabeyada paañivimu mosiicharara. ²¹Rachuvuchara daryaju ji, jiryatiy jaryi nusuyadajvaañu daryaju ji. Yirichara jitate jadchirya, jiryatimyu ne jibeyada tara jasiy; yatosara jitate, tenintimyu ne jiñi nutada tara. ²²Suteda jita patru variy siva: iJiñiquejadivadentya ratuchutava ji, muhechiy nicyaray rapurya! Jidyetyada viy ravychasara jaryi jaryuvurya, jiryatiy ririchara jadchirya, jasiyimyu ne rañi bay tara,

rajarye, jiryatiy ratosarara tenintimyu ne rañi nutada tara. ²³¿Tarajumyu ne jibetyi variy criquiy jasachujomura racyuriquiy, taraju? raryityi jmutyanuvi rasaryata variyu. ²⁴Suteda jita variy ruuva jityuunu ranivye: Jiryasovay simusirya racyuriquiy, jiryatidye sañi nityi jasachoda vuyajuy mosijyura. ²⁵(Ruteda jita siva patru, iNutyityu, nutyu vuyajuy mosiy criquityinuma sanichal.) ²⁶Ritay jiryiva: Minityi tarati, nini jita rasay junay ranchajuntiy; daryadantiy, minityimyu ne tarati, simusiñi jita rasovatyanirya jiryatiy simuntidyerya. ²⁷Jivye jita, jiryatiy ramyityasimiyiryi, jiryatimyu ne rivyatada jintyityuju ray, ijiryajiryitya jiyuju riy, jiryajvamyuy radyiya riy!”

**Jesús jayada nijyanvay
jiryarovayajadanube Jerusarímu**
(Matévu 21.1-11; Márcu 11.1-11;
Juán 12.12-19)

²⁸Saniquemuyadanumatiy Jesúsra, sayada jita jiyanti Jerusari nachoju variy. ²⁹⁻³⁰Satuudiyadanumatirya Betuváje, Betániya jaryentiy, Odivu musiquituunu vichara, supajada jita nada yisa datyanujyuy: “Sanajiya vichadademu, jiryatiy vucharara. Sananumatiy jay ramu, sanadiñuve jasiy siva cavañudenu puchusi, jiryatimyu ne ti jasumiy sancha didye. Sanavitasiñi, sanajirye variy rumusiñi. ³¹Tityi rajtajanu sada: ¿Tarajura sanuvitani, taraju? sanajimutyajasiy variñi: Nutyityu vatani.” ³²Nadayada jita supanujuy variy, nanudiñuvejada jita riva, daryatiy suteda nadiva. ³³Nanuvitadanumatiniñi cavañudenu, sajanvay jtada variy nadiva: “¿Taraju sanuvitani cavañudenu, taraju?” ³⁴Nanimutyajada jita variryi: “Nutyityu vatani.” ³⁵Nanitoda jita Jesúsmuju variñi cavañudenu. Nanujatyadanumatirya jichujajyuu

cavañudenuncha, nanumasadede jítani Jesús sanchantiy. ³⁶Sayađanumatiy, ribetyityiyada nijyanvarya jichujajyuu núva, rivatidye sarupitya cavañuderani Jesús. ³⁷Satuudiyadanumatiy Jesúsra Jerusarí, Odivu musiqui juujeryamu, rijyotada jíta jchanayada sisa datyavajyuu jasiy, riichanatyadani Jüdenü varyi jiyarovayajadata, ramusiy mityamusiy títudoda títaju jiryatyí ridyíñuyada riva. ³⁸Ruteda jíta varyi: “iJchanatyasi jíta sítenuñi jamu nutyityu, nítiy jniy Jüdenü jtyamu! iSamirya vichasada račhasaraté jarichumu, sama vichasara Jarichumuvichí Jüdenudamu!” ³⁹Varyisé vuveda tevay jíta, jiryatyí nijyanvay cabyivariy, ruteda varyi siva Jesús: “iDatyanu, yandasaniriyi yisa datyavay!” ⁴⁰Sumutyajada jíta Jesús riy: “Rítatye jiryiva, riryityi dasa jivye, riryi sañeyá ravichumiy varyi.”

⁴¹Satuudiyadanumatiy Jesúsra Jerusarí, jadchityi sadiñuvejada riva, sunayada jíta varyi rinchiy ranijyanvay. ⁴²Saniquejada jíta varyi: “Rañuma tote jiryedyetyate diyenidarya samirya vichataçu, jiryatyí dutyasaranuma jíta jiryedyetyadajisidyerya. ⁴³Raday jtí jíta rarunda jiryimu, riryánumatiy purye jiryemyityasimiy jimyomu jiryechipyatedajisiy, riryaramitya varyi jiryey, riryeychonu varyi jiryentyi. ⁴⁴Riryajatyá mucadincha varyi jiryentyi, jiryedyedyeñu jarye yisaju, ne riryamáçhotaniñi tí ravichu jiryenu ravichuncha, jiryevyichadamu. Jirya títaju racha ramusiy, jiryatimyu ne jiryedyetyara Jüdenü jañuyada yimu.”

Jesús jatyardariy taryutyavay Jüdenü nijyu jachipiyajomusiy

(Matévu 21.12-17; Márcu 11.15-19;
Juán 2.13-22)

⁴⁵Sajañuvejadanumatiy Jesús ravimu Jüdenünijyu jachipiyajo, sajotada jíta

jatyada rumusiriy taryutyavay. ⁴⁶Suteda jíta varyi ruuva: “Nucharanuma:

Ranichasara raryoriy Jüdenusa tuchujoju, jiryey jíta bay varyi paranujoju dárya.”

⁴⁷Sadatanunuyada jíta títaju rundamu Jüdenünijyu jachipiyajomu. Caserdótevyeda nutyityumiy jíta, Jüdenü niquejada datyanuvay jarye ruusaju, riñi jvedapuryiruyada variñi Jesús, nijyanvay munatyavay jarye ruusaju. ⁴⁸Riryi saryevya tara sayaraju, jiryatyí rityuvachonumucha nijyanvayyu daryaju ranacho saniquejada.

¿Chí jtedamuju sivaayada Jesús, chí jtedamuju?

(Matévu 21.23-27; Márcu 11.27-33)

20 ¹Tarundamuntiy, sadatyadodanumatiy Jesús Jüdenünijyu jachipiyajomu riy nijyanvay, satuchodanumatirya samituchoda risaju, ruutijada jíta caserdótevyeda nutyityumiy, Jüdenü niquejada datyanuvay jarye ruusaju, Judíyüveda rimyityumiy jaryentyi. ²Rutañuvijada jíta varyi siva: “Yatuchu nudiyiva, ¿nutyura jpajadata vivaacharara yivaayada day, nutyura? ¿chí jtedamuju jiiñi jvaadyerya, chí jtedamuju?”

³⁻⁴Sumutyajada jíta Jesús riy: “Rajerye rajtajanu jiryentyidye, jiryantya tuchu varyi rivantidyerya: ¿Tesi ravichada Juán Bautístabay jtyadoda day, tesiy? ¿varimiyta Jüdenü jtedamusiviryra, nijyamí jtedamusiy dyetyara?” ⁵Jadchí jíta riñiquettasqdeda riva dayu: “Vuryatyí jtay: Jüdenü jtedamusirya Juánbay jtyadoda, sajtay jíta varyi vuryiva day: ¿Daryamunimuy ne jiryetyuvachuruyada simu? ⁶Vuryatyí jmutya jíta: Nijyamí jtedamusirya Juánbay jtyadoda, riryajachiy nijyanvay ravichuta riva vuy, tapitya rijechipiyá

daryaju sanijyu Juánbay: Nini dyetyate Jüdenuju tuchu.”⁷ Rumutyajada jita ramusini Jesús: “Ne nudetya tesirya Juán jtyadoda day.”⁸ Suteda jita Jesús variy ruuvantiy: “Dantamuy ne vinu ray ratuchuntidyerya nutyura jpadadata rivaacharara rivaayada, nutyura.”

Jesús tuchoda jamirya jvaavyenchiy
(Matévu 21.33-46; Márcu 12.1-12)

⁹Sajotada jita tuchoda nijyanvavyara jirya dityadoda tuchoda variy: “Santada jita vanura njnsijyuuni. Satocheda jita nutada jami ruumu nijyanvavyara, riñuma rajvaadyerya, rateratanuma nutasarasiy riryamurichenu dañi mucadi jami day, rateranuma ramachö rijyu varintyidye. Sayada jita variy tarijyu tajijyu day.¹⁰ Ritojadanumatiy ratosada runda, supajada jitaní tiqui jimyu chechiy ruumu. Sutañuvejada jita muhechiy ruuva: ‘Jiryasay rapyatru jiyarurya njnusitye ray.’ Rimyusiyeyada variy jvaavyeni, rupajada mitya variy yimusini.¹¹ Supajada jita patruni saryenu muhechintyi, ni jarye rimyusiyeyada, riryavityeyada risajuni, daryaday rupajada mitya yimusintini.¹² Sajatyiyada jpadani nuntiy. Nini jita rivyatajododa, rijetyada variy rumusini.¹³ Sajachipiyajada jita patru variy: ¿Taranate rajvaay diye, tara? Raryi jpa dyetyani radyenu jaryi vatasí; temusiy simu dyetya riryityuvachu.¹⁴ Ridiyadatumatiy jvaave siva sadenu, riñiquejada jita variy yiva: Jiñu jita mucadi jami denu day. Sanumatiy diichara sajay, njnuma ramachosara rajamiju varintyidye. Vuryajvani, ratidyemachö samucadi variy vujyu.¹⁵ Rijetyada jita bimujuni, ruveda variy jasiñi, puutyityeni.

¿Nutyura sachaniy mucadi jami variryi, nutyura?¹⁶ Satarya jita patru variy rumusiy, saparuta variryi jvaave rapuryamiy. Variñi jita sasay tavantidyerya njnsijyuuntidyey.”

Rityuvachodanumatiy nijyanvavyara satuchoda, ruteda jita variy: “iVuryitedamuju ne ráryichate daryatecu!”¹⁷ Jesús jita jnyada riñecho, saniquejada variy: “¿Tara ranicha jirya day, jiryatiy nuchara Jüdenu niquejadamura:

Ravichu jita jiryatiy rrachusi roriy jvaavejyuni, njnuma ranicha jita roriy surutya, jiryenu ravichumusi?”

¹⁸Minityi raryijyu jinu ravichuncha, saryiryotyatimuy variy sanchasiy; jinu jita, sanchatiy saryijyu jinu ravichu, saryineya vamedideju variñi.”

¹⁹Riñi jantyada jureda Jüdenu niquejada datyanuvay varidyeni Jesús day, caserdote nutyityumiy jarye ruusaju, riryi jurivyani, jiryatiy richuvuyada daryaju riy nijyanvay. Ridetyada daryaju: jiñiyura sani datyadoda Jesúsra jirya tuchoda.

Criquinchiy, jiryatiy jamu nutyityu murichenutaniy nijyanvavyara
(Matévu 22.15-22; Márcu 12.13-17)

²⁰Runuchoda jita variñi Jesús, rupajada dutyadamusiryi nijyanvay, jiryatiy rutuyadamu vase vichavayu, riryatidyeyuriy taji niquejadivani, riryatidyeyajapujtedamujuni.²¹ Ruteda jita variy siva Jesús: “Datyanu, nudetyara jiryatiy jiniñi jita niquesara sami, vase jarye jidyetyanusara. Ne yinuy jaryi samivaju tinacho, dañuma sanicha ti. Jidyetyanusara jita sitenura Jüdenu nú.²² Nudyetyaryu yimusirya: ¿Samiryavidye vryamurichenura criquiy, jiryatiy jamu nutyityu Sésar

* 20.17 Yajnyura Murrapedye 118.22; Nusubymiy Jvaachara 4.11; Rajotya Pyítru 2.7

murichenutaniy vuryinuyadamusiy?”

²³⁻²⁴Sadatyada jita Jesúsra

riquivuchuruyada, suteda varyiy ruuva:

“Jiryadityanu rarya criquidyecyu. ¿Chira sanicha criquityasa jantyasi day, chi? suru nuchara jarye, ¿tara ranicha daryamusedye, tara?” Rumutyajada jita variñi: “Jamu nutyityu Sésar jantyasi.” ²⁵Suteda jita varyiy ruuva: “Jiryamurichenu variñi Sésar jiryatiy sabarya darya, jiryamurichenuñi Jüdenuntiy jiryatiy sabaryantidyerya.”

²⁶Ne vanay rureda nijyanvay diya taji niquejadivani Jesús. Rityittada jítara sumutyajada, rindasada varyiy.

Saadusévuveda jtajadodani Jesús diibymusiy misasubedanchiy

(Matévu 22.23-33; Márcu 12.18-27)

²⁷Ruutijada jita Saadusévuveda tevay varyiy simu Jesús. Ne ridyetyaruñuyada rimyisa diibymiñuday. ²⁸Ruutajadoda jita variñi Jesús: “Datyanu, sanuyada Muyusésibe vujyura niquejada: Tiqui nijyamitiy radiiy dejsa, sataryinuma rajamuy variñi savatura machonu, satidyedetuchu jityeryibay jiyadajuni. ²⁹Rivyichanuyada danujuñijyate nuñi taryiveda. Sajamuyada jita rimyunatyivaturajsa, sadiiyada jita mitya dejsa.

³⁰Daryaday savichada sanijyu vichintiy.

³¹Ninuma rañi jamuntyiñi, daryaday sadiiyada sisasintiyi. Sani jamuy nuntiñi, sani jamuy nuntiñi, daryamusiy ridyiyemyuyada titaju sisasiy nuñi taryiveda, pattaryitye riy. Ne tide detuchodani vatura, mitya titaju.

³²Tamityanuma jita sadiiyada vaturantidyedye, puutyityentiñi. ³³Daryamusiy, riyanutamtiy misa jidyijjomusintiyi, mijurate samachovatura varyiy, tapi danujuñijyatetya rañi jamuyadani vaturanuday.” ³⁴Suteda jita Jesús varyiy ruuva: “Jiryunda janvay jita rañi jamucharayu, rijyamutyancharantiyu.

³⁵⁻³⁶Jivye jita jiryatiy sabachara Jüdenurijyu riryajti satuunuju, riryamisasumiy diibymusiy risaju, ne riryajamucharayu, dantyamuy ne riryajamutyancharayu, tapitya ne vanay riryadiñuday, jiryatiy riñicha jidchavu ruusa Jüdenu jpay. Riñicha Jüdenu dadyeñu daryaju, jiryatiy misanichavañuma daryaju daryi. ³⁷Muyusésibe jarye dityadodara jiryatiy rimyisasara diibymiy, sanuyadanumatiy jiryunuse tuchusadanchiy, jasityi suteda Jüdenunchiy:

Nini sanicha Jüdenu Avurábajyu, Isácubajyu jarye, Jacóbubajyu jarye nadisajuntiy.

Va diibymiy riñichacay, jnuvyentya riñicha jasidyedye. ³⁸Niñita diibymiy Jüdenu day, nutyu nini jita sanicha jnuvye Jüdenu, tapi vuñicha jnuvye titaju saju.” ³⁹Rumutyajada jita Jüdenu niquejada datyanuvay tevay variñi: “iDatyanu, rántyera yimutyajada!”

⁴⁰Ramunitimyu ne ruutajanuruyada tara junay jadchiñunñi.

¿Chi denu sanicha Jüdenu jaryeti day, chi denu?

(Matévu 22.41-46; Márcu 12.35-37)

⁴¹Sitajadoda jita variryi: “¿Nutyu riñi jtay Davyíbe jasini Crístu, Jüdenu jaryeti, nutyu? ⁴²⁻⁴³Nutyu niday Davyíbe rañi jtay murrapedyemyu:

Suteda jita Jüdenu siva rayntyityu: Yamasa rayntyityudamyuju, jasicharajutyi ravuunutaniriyi jimyityasimiyi.

⁴⁴Davyíbeñuma jita jtay jintyityuntidyeni, ¿nutyichiy sacha varyiy sasi, nutyichiy?”

Jesús tuchutada riy Jüdenu niquejada datyanuvay

(Matévu 23.1-36; Márcu 12.38-40;

Dúcasiy 11.37-54)

⁴⁵⁻⁴⁶Titaju nijyanvay tuvachodiva suteda varyiy ruuva yisa datyavay:

“Jiryinūtyatata Jūdenū niquejada datyanuvayjisiyu, jiryatīy rūcanurya vūtayajada jamucajaj sujatya, jadchintiy rūcanurya nijyanvay mūchūveda pudásamu. Daryaday rūcanurya samirya masajoncha masadantiy, jutyeryanijyovimuntiy, vichtya jamītuunu jarye jivyichyamū.
⁴⁷Rivyichechavañumaday nūñi riñi sovachara bachenōdaveda barya, jadchintiy rūtuyada jityūchu jamuca sisā Jūdenū. Riñi jīta rajmutya jaryirya jiyūuchūveda murichenusāda.”

**Bachenōda sayada
 yentyuyadamusirya jicyuriquiy**
(Márcu 12.41-44)

21 ¹Sunuyasubeda jīta Jesús, sadiyada variy ruuva jaryi taratavay, jiryatīy ribeyajada criquiy jmutyājovimura jicherya. ²Sadiyada jīta nadiva jantyuyanūy bachenōda, nanubañuvijada jītara criquidye dadajyūdyeruy. ³Saniquejada jīta Jesús variy: “Rītay sītenu jiryiva: Jiñuy jantyuyanūy bachenōda bayasiy rajūudadyevajū tītajū rूमusiy nijyanvay, jiryatīy ribe criquiy jmutyājomura. ⁴Tapi ribemyā day jiryatīy jaryi taratavyeryi, nada jīta bay yentyuyadata day, tītajū jiryatīy ranīcha nadimū yinuyadajū day.”

**Jesús jteda raparutachara Jūdenū
 nijyū jachipiyojo**
(Matévu 24.1-2; Márcu 13.1-2)

⁵⁻⁶Riñiquejada jīta tavay variy ranchiy Jūdenū nijyū jachipiyojo, jiryatīy randanivachara samī ravichūta, ratarya sācharata jarye, jiryatīy richeñuyada nijyanvay Jūdenū nijyūra. Saniquejada jīta Jesús variy: “Ranchiy jīta jiryatīy jiryedyiñuy riva, rajtī rarunda varityimyu ne samācho tī ravichū jiryenu ravichūnchanūday.

Riryajotatimyu roriy variy, pattaryitye tītajura.”

**¿Nūtyuramusiy vuryadatya rajotanuma
 mucadi baryijada, nūtyuramusiy?**
(Matévu 24.3-14; Márcu 13.3-13)

⁷Ruutajadoda jīta variñi: “Datyanū, ¿nūtyeryivye racha daryá, nūtyeryivye? jiryatīy yitesiy darya racha. ¿Mirya racha rajotara, mirya? ranchityi vuryadatya: Diye nīday racha.” ⁸Sūteda jīta Jesús variy ruuva: “Jiryinūtyatata quivūchodajisiyu, tapi riryajniy rajūuvay rītyamu, riryajtay variy: ¡Rañi rañīcha Crīstū, ritōmā rarunda! Ne jiryasiityari variryi. ⁹Jiryānumatīy tuvāchu ranchiy jūveda, nijyanvay jatachūsāda jarye risajū, ne jiryasuvuyasumiy variy ranchiy, tapitya daryanī racha munatya. Ravīy baryite jiryitay varicharajū.” ¹⁰Jadchiy jīta sūteda ruuvantiy: “Rānuma richatay jūveda tavichādajsa, riryānuma richata tavichāda janvay munūñimiryā jūveda runda. ¹¹Rānuma vicha jaryi muco siityeyajada tajijyū tītajū, jachīnu jarye risajūntiy, jdivajada rapurya jarye risajū. Rānuma vicha suvūchāra variy, jarichumusiy vatadoda jarye risajū. ¹²⁻¹³Rajisīy jīta riryajuriy nijyanvay jiryē, riryatīdye jarupanta jiryentyi, riryasay variy jutyeryanijyo nutyityūmimyu jiryē, tanuvūnujomujū jarye risajū. Riryajaray jamū nutyityūmujū jiryē, japumujū jarye, jiryatīdye tūchu vijyōmujache rītya jiyadajū. ¹⁴⁻¹⁵Jiryentya datya samiy jījechimyu: Ne vuryajachipiya jītyajū vuryimutyajadajijū, tapi rāday say jiryerya niquejada, datyāda jarye, ratatīy jiryajmutya riy, jiryatimyu ne vanay riryajachīniy jiryemyiyasimiy jiryeyjūyū, dantyamūy ne vanay riryānique tara. ¹⁶Riryajīta jīta jiryeyjēvyeda variy tūchujomuyū,

jiryetyeryiveda, jiryetyevay jarye ruusaju, jiryemyicyuveda jarye rajtítayu. Rivasiy jíta, japuveda rajvaryi jiryetyevay varyi riva. ¹⁷Jiryavichasara javittyuchavay varyi títaju nijyanvajyu, rítaya jiyadaju. ¹⁸Jiryinojasitye jíta, ne rācaray ne vinu tajasiquide mitya títaju. ¹⁹Jiryechēdedata jiryācanarya jiryinujeyajada.”

Parutyāda rundanchiy

(*Matévu 24.15-21; Márcu 13.14-23*)

²⁰“Jiryānumatiy diy riva Jerusarí ramityasara sūtarujuuta, jiryedyetyatata varyi: Ratuudiyānumara rarunda, varityi ramačo javatyasaramusiy vayi. ²¹⁻²²Rityi vichasara Judéyamu variryundamu, riryi bay varyi jamu musimyuju. Rityi vicha varyi vichadamu, riryi sipyatay varyi jadchiy; rityi vicha varicharaju yindimyu, daryaday, ne riryityerya varyi vichadamujuntiy, jiryatiy rācha Judenu murichenutadedada runda, varityi sajtotanirya títaju jiryatiy sanūtanirya: Rajtí juuchuveda murichenutadedada nijyanvamyu. ²³Tajūna taju, rityi mudasiichara varyi, daryadantiy rityi rārupatyaniy variryundamuriy jidyedyeñu, tapitya rācha parūchariy jirya mucadimu, Judenu niqueyada daryaju rajūuy jivye nijyanvancha. ²⁴Riryābatye varyi rityevay jichityityata, riryēcha varyi jurichavay ribyindamiy rajuu, ripya vichādajanvay cabyimu. Jerusarí jíta rācha raniyēchara rijyu jiryatimyu ne Judíyuvada daryi, variryunda sarajutiy rābaryi riryunda.”

¿Nutyura rāchasara

Nijyamidenu jtijada, nutyura?

(*Matévu 24.29-31, 42-44; Márcu 13.24-27; Dúcasiy 17.22-37*)

²⁵Suteda jíta Jesús varintiy: “Variñi jíta rācha vatadoda jiñimu,

jarimyunimu jarye, jdarichijyuumu jarye risaju; mucadinchantiy riryēcha nijyanvajyu parūcharimysiy, jiryatimyu ne ridyetya nutyuramusiy ransa jaryi jamu nava jiyerya, nutyuramusiy. ²⁶Riryadiiij nijyanvay mityamusiy taraquideju jichuvuyadamu, jiryatimyu ne ridyetyaryu nutyura rāchasara vujyu, nutyura. Tapi ramuchutyasara jarichu vanuyadayu. ²⁷Riryadiij nijyanvay varyi siva Nijyamidenu, jiryatiy suniy rapuryerya-dinube, jaryi vanuyadata, jaryi vandanube jarye risaju. ²⁸Rānumatiy jota vichāda daryá, jiryāpiradesiy varyi nāvajyu, ratuudiyānuma daryajura jiryentyutyasāda.”

Jiivyíryanu datyadoda

(*Matévu 24.32-35; Márcu 13.28-31*)

²⁹⁻³⁰Satūchoda jíta Jesús varyi ruuvara niquejada datyadoda: “Jiryajnuj ranāčo jiivyíryanu, tara niñu jarye risaju: rānumatiy dipu-vesumiy ravi, jiryadiij varyi riva, jiryānuma datya varyi ranchiy: Ravicharūñuma nijya runda. ³¹Daryaday rāchantiy, jiryānumatiy diy riva jiryá, daryatiy ratyuchosiy jiryivara, ránchiñidáy jiryādatyasiy: Ne ripya nunrya Judenu nusuyadanuday. ³²Ritay sītenute jiryiva: Ne riryābaryi jivye vācha vichavay, netimyu ne rajtotaniy jirya títaju didye. ³³Jarichu, mucadi jarye rābaryisara risaju, rañiquejada jítamuy ne rāmachosara mitya, rajtotanichara títajuyu.”

Ne tī datyara nutyeryivye rācha parutyāda runda, nutyeryivye

(*Matévu 24.36-44; Márcu 13.32-37; Dúcasiy 17.26-30*)

³⁴⁻³⁵“Jiryinutyatata nuñi tiquimusiyu, jiryēñuma vichasara mitya jiñosuma jivvyumu cadnavedacōsiy, niyuyadacōsiy

jarye risajū, jaryi taranijyū
jachipiyajada datyadacosiy jarye títajū,
ráñuma jtī paruteda runda
jiryeniyaresiy, nūtyu tañū jiryimu, tapi
rajtī rarunda ruumu títajū mucadincha
vichavay. ³⁶Jiryama njujeyasara rajiju,
jiryajachiñuy Jūdenuvara vanuyadate,
ratatijyiryaramityanicharara jiryā
títajū, jiryatidye ranichara Nijyamīdenu
tuunu variy.”

³⁷Sadatanunuyada jīta Jesús títajū
rundamu Jūdenu nijyū jachipiyajovimu,
vinu nupora jīta sayanuyada Odivu
musiquinchajū jimeyadajū.

³⁸Nijyanvajyuu jīta juuryinuyada,
riryatidye tuvachunuvera sadatyadoda.

Judíyūveda tūchudoda Jesús juredajuyū
(*Matévu 26.1-5, 14-16; Márcu 14.1-2, 10-11;*
Juán 11.45-53)

22 ¹Ratuudiyada jītara vichtya
runda, varityi riimiñuyadara pa
suro, jiryatijyiryutachara Páscu vichtyara.
²Rivyatāda jīta caserdótevyeda
nutiyityūmiy, Jūdenu niqejada datyanu-
vavyedata ranachō, nūtyuramusiy
riryajvatyaniñi Jesús, nūtyuramusiy,
tapitya richuvūryi nijyanvay. ³Sajayada
jīta Satanásiy variy siva Judásibe,
jiryatijyiryutachara Iscaryótijy musini. Nīni
vichanuyada Jesúsjsa datyavay tenu,
jiryatijyirichiyarīnuyada mityijyīñi
Jesús. ⁴Sayada jīta jtajadodanachō ruusa
caserdótevyeda nutiyityūmiy,
jiivūsetavay nutiyityūmiy jarye ruusajū:
“¿Nūtyuramusiy raryiche jiryeyjomujūni
Jesús, nūtyuramusiy?” ⁵Riichanayada
jīta variy ranchiy, ruteda jīta variy siva:
“Nūñaday murichenu criquitya
ramurichirya ji.” ⁶Sumutyajada jīta
Judásibe variryi: “Jo, rántyéra.”
Sajachipiyajada variy jivyimu:
“¿Nūtyuramusinā raryi say
nutiyityūvedani Jesús, nūtyuramusiy?
nijyanvajyuu niyaresiy dyetya.”

**Jesús jbyedara tamitya jidye jmyisara
vatajuu yisā datyavatya**
(*Matévu 26.17-25; Márcu 14.12-21;*
Juán 13.21-30)

⁷Ritojada jīta Pa Suro vichtya runda
variyy. Riryi jvañi carnirudenu variy,
ratatidye riryi jachipityara Jūdenu
ramityadada riy jimyunatyavabe.

⁸Supajada jīta Jesús variñada Pyitrujube
Juánbatya: “Sanajdutyara Páscu
rundamu jmyisara vūjyū, vuryatidye
jmyirya.” ⁹Naniteda jīta variy siva:
“¿Tera jivyata nāñajdutyara, te?”

¹⁰Sumutyajada Jesús variñada:
“Sanajnuyy, sanajnumatijy jañuve jamu
vichadamu sanajdchoniñi vanu, javiñu
nichū. Sanasiityari jasiy rorivyimuju
variñi, jasityi sajanuve sanudiyā.

¹¹Sanajtesiy siva rorijyami: Sutesiy
Datyanū jīñijyū: ¿Nutyijīñā ranicha
rorichichumarya, nūtyijiyi? jasityi
rajmyicha Páscu vichtya rundamu
jmyisarayu, risā datyavavyedata. ¹²Nīni
jīta rādityanu variy sadara
rorichichuma samiy jdutyasara,
nāvaryoriy. Jasiñiday sanajdutyasiy
nuñajijyura jmyichara.” ¹³Nadayada jīta
variyy, darya nīday nanudiñuvejada
títajū riva, nūtyu suteda Jesús darya
nadiva. Nanidutyada jītara Páscu
rundamu jmyisara variy jasiy.

**Sadatyadoda Jesús riy: “Pa ravvyū,
bīnuja jīta rayndajaday”**
(*Matévu 26.26-30; Márcu 14.22-26;*
Munatya Corintyū 11.23-26)

¹⁴Jdutyasaranumatijy ravichada
jmyichara, satañuvejada jīta Jesús variy
jmyijyomu, sisā datyavay jarye yisajū.
¹⁵⁻¹⁶Suteda Jīta Jesús variy ruuva yisā
datyavay: “Jaryi rañiruyadamu
rimyiryurya jiryā Páscumu jmyisara
jiryisā, ravatyasāda rundajisijy, tapi
ritatye jiryiva: Ne rajmyiñudarya

Páscomu jmyísaranuḁday, jasicharajutiy rajtotaniy Jüdenu nusujyomura.”

¹⁷⁻¹⁸Saryeda jita Jesúsra jatuvu variy, s̄ichanatyadanumatiñi Jüdenu ranchiy, s̄uteda variy ruuva: “Jiryatirya, jiryajatutaniy titaju ramuyu, ritay daryaju jiryiva: Ne rajatunudarya nutasara nurijuusiyja nuḁday, jasicharajutiy rajti Jüdenu nusuyada.”
¹⁹Saryeda jita Jesús varirya pa, s̄ichanatyadanumatiñi Jüdenu ranchiy, sapatada jita varirya, sasayada jita variriy. Saniquejada variy: “Rani jirya ravyu, jiryatiy rachej jiryeyadajura. Jiryentya jmyichara daryara, jiryatidye jachipityasara riva ray.”
²⁰Daryamu-sidye saryeda jibyedivasirya jatuvuntiy, saniquejada jita variy: “Jirya jatuvu rañicha vadi jnutyä, jiryatiy rayndajamusirya, jiryatiy rumichar-uma jiryeyadajura.
²¹Jiryajnyu, ravichanuma misancha rajyomutuja, sajomutu nitiy say ramyityasimyimyu ray.
²²Sajyasara jita Nijyamidenü jiyusiy, darya bacharatiy sajura. Jiii, tajunate darya, taju, china sayasitye ni Nijyamidenute day, chi.”
²³Rijyotada jita jtajadoda nuñi danujumyusiy variyu: “¿Mira vutyenu rasanñi Jesús jimyityasimyimyu, mi?”

Nitiy vicharuy jaryiñu,

saryi vichasara nutyu muchechiy

²⁴Jadchiy jita riñiquettadantiyu: “¿Mira vutyenu racha jaryetasi vuntiytyuju, mi?”
²⁵Suteda jita Jesús variy ruuva: “Rinsuchara jita jamu nutyityüveda riy nijyanvajyuu. Rütachara jita samiy jvaavye variriy, rityi sabonichara riy nijyanvajyuu.
²⁶Jiryequebyimu jitamuy ne rachasara daryá; daryani jita raryichasiy, jiryatiy sacha nutyu tamityi jiryequebyimu nitiy vichasara jaryiñu; jiryentytyu jita racha nutyu jiryemyuchechiy.
²⁷¿Mirana

jaryiñu, mi? varimyata jmyijyomu masi, varimyata samuchechiy. ¿Ne viy jaryiñunuday nitiy masa jmyijyomu? Ray jita vichasara jiryequebyimu nutyu jiryemyuchechidye.

²⁸Jirye jita machojayasara rapyarutyadanube risa.
²⁹⁻³⁰Ray jita bay jiryeyura nusujyo, nutyu sabayada rajye darya rajyuntidyerya, jiryatidye jmyichara, jiryajatusara variy risaju rimyijyomu, raynsujyomu jirya. Jiryamasasara variy cadnadu masajonchantiy, jasityi jiryajdutyasarara rityuchutasada Irayenuveda, jiryatiy taraqui vuyajuy nijyanvaryi, danujuy rinchaju, jiryatiy jaryedo juriiñutavaryi.”

Jesús tuchudoda jityajuni

Pyítrubay: “Yarayasiy rayada”

(Matévu 26.31-35; Márcu 14.27-31;

Juán 13.36-38)

³¹“Siimyó, Siimyó, yajnyu Satanásiy jachiñnyasiy Jüdenuva jirye, satidye jantya nutyu jaruusiy muchutyasara jirye, sitenu rachiitarivay vidye jiryenñicha.
³²Ray jita tuchosiy sisa Jüdenu jiyadaju, Siimyó, ráñuma sutyte jityuvachoda rimu. Yanumatiy janumitye rañechontiy, yama vanutyaniiryi jityevay varintidyey.”
³³Suteda jita Siimyóbay variy siva Jesús: “Nutyityu, jdutyasinuma ray, ratidye jiya tanuvunujomuju yisa, varimyata diiyadasaraju titaju.”
³⁴Suteda jita Jesús variy siva: “Ritatye yiva Pyítru, diye, netimyu ne sasuy tavaryi didye, yarayasiy mumuriñi rayada. Yajtesiy variy: Ne radyetyani.”

Ratuudiyanuma Jüdenu jantyada runda

³⁵Jadchiy jita suteda Jesús ruuva yisa datyavay: “Ripajadanumatiy raynsuyadata criquisamiy jirye, ne vinu dusuutyavay, dantyamuy ne saapatu,

¿rásutyeda vidye tara jiryeyju variy?”
 Rumutyajada jita: “Ne, mitya.” ³⁶Suteda
 Jesús variy ruuva: “Diye jita, nitiy
 criquityi, samajtosirya; daryadantiy,
 nitiy dusuutyi, samajtosiy varintiy-
 dyerya. Minintiyemy ne jichityitya ti,
 samaj taryutyara jichujay, satidye taryuy
 ramurichiryatara muruta jichityityaju.
³⁷Tapi ritay jiryiva: Raday jtotaniy
 rimura jirya niquejada nuchara:
 Rivyichadeda nutyu jvi nta variñi, tapi
 jiryatiy nuchara raynchirya, raday
 jtotanimyuy titajura.” ³⁸Ruteda jita sisa
 datyavay variy yiva: “Nutyityu,
 jiryatirya dadajuy muruta jichityitya.”
 Suteda variy ruuva: “Rasaranuma.”

Jesús tuchoda sisa jijye Jetsemanímu
 (Matévu 26.36-46; Márcu 14.32-42)

³⁹Sasipyateda jita variy jadchiy,
 sayada jita daryatiy sajutyadoda Odivu
 musiquimuyu. Richiityarijada jita sisa
 datyavay variy rumuntiyu.
⁴⁰Sitojadanumatiy vichajomu, jasityi
 sitoruyada, sutañuvejada jita ruuva:
 “Jiryánuma tuchu sisa Judenu, jiryatidye
 jto sumutyadada jiryimu jantyasadamu.”
⁴¹Sanumuteda jita variy nujiypudeju
 riryajisiy, sadasidyoda jita variy jasiyu,
 satuchoda variy sisa Judenu. ⁴²Sanique-
 jada variy: “Yeje, jivyatatiy, yarami-
 tyaniy rivara jirya parutyasada;
 dañumamuy ne yechaniy daryá, daryatiy
 ravyata yivara, daryani jita
 yechanidyerye, daryatiy jivyata dacyu.”
⁴³Samutijada jita tiqui Judenu jpanu
 jarichumusiy simu Jesús, savanutyadeda
 jita variy jasiñi. ⁴⁴Jiryatiy saparutyada
 jaryi jijechimyuyu, satuchoda jaryivyaju
 sisa Judenu variy. Sajatayada jita variy,
 rasuteda sajataya nutyu nudaja yivasiy
 mucadincha variy. ⁴⁵Sanubesubedanu-
 matiy joráyadivasiy, sataryajada jita yisa
 datyavamyujuntiy, sadiñuvijada mavve
 variy ruuva, riñuvayadanube jime.

⁴⁶Suteda Jesús variy ruuva: “¿Tajuna
 jiryeme, taju? ¡Jiryánubesumiy,
 jiryatuchu sisa Judenu, jiryatidye
 ramijeryi sumutyadada jiryimu
 jantyasadamu!”

Ruredani Jesús

(Matévu 26.47-56; Márcu 14.43-50;
 Juán 18.1-12)

⁴⁷Jesús niquejadamu jita ruutojada
 nijyanvayuu. Riyanti jita savichada
 Judásiy jyatibay, Jesúsjsa datyavay
 tenu. Satuudiyada jita Judásibe variñi
 Jesús, satidye siiñuvay jasiñi. ⁴⁸Suteda
 jita Jesús variy siva: “Judásiy,
 ¿siiñuvayadatate jicheñi Nijyamidenu
 jimyityasimiyutyecu?” ⁴⁹Ridiyadanu-
 matiy Jesúsjsa vichavay riva nutyura
 racha, nutyura, ruteda variy siva:
 “Nutyityu, ¿vuryavidyedye jvatye
 jichityityata riy, vurya?” ⁵⁰Savatajododa
 jita tiqui rityenu variñi caserdótevyeda
 nutyityu muchechiy, jiryatiy sarachada
 daryajura satuvay. ⁵¹Jesús jita niquejada
 variy: “¡Rachamiy!” Sajatyojada jita
 variy muchechiy tuvaccomu,
 samisadeda variy ratani. ⁵²Suteda jita
 variy ruuva caserdótevyeda
 nutyityumiy, jiivusetavay nutyityumiy
 jarye ruusaju, rimyityumiy jaryentiy:
 “¿Nutyichiy jiryemyasiñuy rayaroju
 jichityityata, nutyichiy? jumutya jarye,
 nutyu paranuni nta ravyicha variy
 jiryeyju. ⁵³Rañichanuchityi Judenu
 nijyu jachipiyajomu jiryisa, tama
 jiryiriñuchiy variy jasirye, tama. Ritoma
 jita jiryeryunda, nupocudi jtachada
 jarye risaju.”

Pyítrubay rayada Jesús jiyadaju
 (Matévu 26.57-58, 69-75;
 Márcu 14.53-54, 66-72;
 Juán 18.12-18, 25-27)

⁵⁴Ruurityadeda jita variñi Jesús,
 ruutotada jita caserdótevyeda jamu

nutyityu rorimyuní. Pyítrubay jita siityarijada nujipyudeju variryi.

⁵⁵Ruquinchodanumatirya jiday vatapadajache, rimyasasqdeda variy jasiy ratuunu, Pyítrubay jarye ruusa. ⁵⁶Sadiyada jita muhechityu siva Pyítrubay, samasada jiidadyamu, sunuyadanumaty samiy sanacho, saniquejada variy: “Jiñu vanu jarye vichasara sisa Jesús.” ⁵⁷Sarayada jita Pyítrubay variy sayada: “Vatura, ne radyetya dañi Jesús day.” ⁵⁸Rivasidye jita sadiyada nu sivantiy, suteda jita siva: “¿Jiñita vichasara rityenuntiy?”

Sumutyajada jita Pyítrubay variñi: “iVanu, ne radye!” ⁵⁹Taraqui joramusintiy, saniquejada jita nu jaryivyaju: “iSitenu savichasara jiñu vanu sisa Jesús, tapi ni vitya Cadidéyamusí!” ⁶⁰Saniquejada jita Pyítrubay variy: “iVanu, ne radyetya taranchiy jiñique, taranchiy!”

Saniquejadasaraju sasuyada tavaryi variy jasiy. ⁶¹Sanumityejada jita nutyityu Jesús variy, sunuyada sanacho Pyítrubay. Sajachipyada jita Pyítrubay varirya saniquejada, jiryatiy sutesiy riva: “Tavaryi suyadajisiy diye, yaray mumuriju rayada.” ⁶²Sasipyateda jita Pyítrubay variy, sunayada jivyara jachipiyajadamu variy.

Riryarupantada jidyetyisadamuni Jesús
(Matévu 26.67-68; Márcu 14.65)

⁶³Jadchiy jita, jiryatiy vaduy rañi jnuchuni Jesús, riryarupantada jvatyiyada yavatyadamuni. ⁶⁴Ripyuryejada jitantirya sanisintiy, ruutajadoda variñi: “iYadatyacu! ¿Chira juvesiy jiñiy, chi?” ⁶⁵Riñiquejada jitarata vacha niquejada yavityiyeyadamu sanijyuntiy.

Ripyucheda nutyityumiy rimyityumiyujuni Jesús
(Matévu 26.59-66; Márcu 14.55-64;
Juán 18.19-24)

⁶⁶⁻⁶⁷Rasacharamu jita, riintyeryadeda nijyanvay rimyityumiyu. Rivyichada jita

caserdótevyeda nutyityumiy, Judenu niquejada datyanuvay jarye ruusaju jasiy. Ripyucheda jita variñi Jesús jityuchujomuju. Riñiquejada jita variy: “Jiityi rañicha Judenu jaryeti, yatuchu ndyivaracu.” Suteda jita Jesús variy ruuva: “Raryityi tuchu jiryivara, ne jiryetyuvachu variy rimu. ⁶⁸Raryityi jtajanu darya jiryentyidye, jiryavidye jmutya varintyidyerye. ⁶⁹Diyemusiy jita, samasajayasara Nijyamidenu santityudamyu Judenu jaryi vanurya.” ⁷⁰Rutachadeda jita variy siva: “¿Jiñita sitenu Judenu denu day?” Sumutyajada jita variryi: “Jiryetyi jtay daryadaryecyu.” ⁷¹Riñiquejada jita variy: “¿Tajura vuvyata riy tuchuvay sanijyunuday, tajú? iVuñi tuvachumara sutosiy niquejada!”

Ripyucheda japu Pyidátubamyujuni Jesús
(Matévu 27.1-2, 11-14; Márcu 15.1-5;
Juán 18.28-38)

23 ¹Jadchiy jita, riñubesumimuyyada nutyityumiy títaju variy, ripyucheda japu Pyidátubamyuju variñi. ²Rijyotada jita tuchutada variy jasiñi: “Nucharyeñi jiñu vanu, jiryatiy satachunuryi nutyevay, jiryatiy subay daryaju nuñajisirya criquitya murichedodara jiryatiy jamu nutyityu Sésar jiyarurya ranicha, sutañuy variy: Rañi jita Judenu jaryeti jamu nutyityuju.” ³Sitajadoda jita Pyidátubay variñi Jesús: “¿Jiñita Judíyueda jamu nutyityu?” Sumutyajada jitaní: “Jityi jtay daryadacyu.” ⁴Suteda jita Pyidátubay variy ruuva caserdótevyeda nutyityumiy, nijyanvayyuuva jarye: “Tama sanicha jiñu vanu tara nta rajyu day, tama.” ⁵Junay rityuchutanumucha varidyeñi Jesús day: “Nutyu niniday rañi jatachunumaya jidyeyadodata riy nijyanvay Judéya vichadiva títaju day.

Sajotada datyadoda Cadidéya vichadiva, jiyusaraju títaju.”

**Japu Pyidátubay jpapada
Jeródesbemyujuni Jesús**

⁶Satuvachodanumatiy Pyidátubarya, sitajadoda jita riy: “¿Niníta sanicha Cadidéyamusí day?”
⁷Sadatyadanumatiy Pyidátubay, Jeródesbe nusujyomusíni Jesús, supajada variy Jeródesbemyujuni, jiryatiy Jeródesbe jarye vichanuyada variryundamu Jerusarímuntiy. ⁸Sadiyadanumatiy Jeródesbe siva Jesús, síchanayada jita variy samomusiy, tapi ne diyetya sani diryuñuyada sivanuday. Satuvachunuyada daryaju vacha sanchiy Jesús, ramunítiy sani diryuñuyada riva tara mityamusiy júdejada simusiy. ⁹Sitajadoda jita variy rajuuraní Jesús, saryi jmutyavá tara jasiñi, tii, mitya. ¹⁰Junay richiityarijada tuchutada caserdótevyedani Jesús varidye. Júdeno niquejada datyanuvatyá rityuchutanuyada jaryi niquejadatani. ¹¹Savitiyeyada jita Jeródesbe jichutaruvedata yarupantadamu variñi Jesúsntiy. Jadchiy jita, sani jachutadeda Jeródesbe vandajay siva Jesús, supajada jita Pyidátubamyuju rivasintiyiñi. ¹²Nanujamyicyuveda jita Jeródesbejuy Pyidátubatya variryundamuyu, tapitya rajisiy nani mityasiñuyadayu.

**Pyidátubay sayada crusityasa
jvatyadedajuni Jesús**

(Matévu 27.15-26; Márcu 15.6-15;
Juán 18.39-19.16)

¹³Pyidátubay jita juteryanityadedantiriy caserdótevyeda nutyityumintiy, nijyanvay nutyityumiy jarye, nijyanvay jarye títaju. ¹⁴Suteda jita variy ruuva: “Jiryeni puchesiy rumusiy rimujuni jiñu vanu nutyu

nijyanvay jatachú nta sanicha variy. Nutyu rañi jtajanumá samiy jiryetyuununi, tamá rañi jnyu tara ntani jiñu vanu, tamá, tarivara jiryeni tuchutani, tariva. ¹⁵Dantyamuy ne sadiyasiy Jeródes tariva, ramuni supajasiy junay rimuntiñi. Tamá sanicha tara, tamá, tarivara nuñatanuvunutaniy diiyadasarajuni, tariva. ¹⁶Ramunítiy rajmurya musiyeyadivasiñi.”
¹⁷Sajutyasaranuma jmuryada Pyidátubay, nijyanvay jiyadajuni tíqui tanuvunusi, vichtya rundamu day. ¹⁸Riñi sañeyajada jita jidchavú variy sanijyu Pyidátubay: “Yaparutani jiñu Jesús, yajmurya nujyuni Barába.”
¹⁹Barábabay vichanuyada tanuvunusi, jiryatiy sajotada siryijada jamu vichadajache, jityevayjiju, mamyi nusuyada jidchoju, jasityi ruvedani nijyamintiy. ²⁰Junay saniquejasubeda Pyidátubay nijyanvañijyu varidye, jiryatiy sani jmuryaruyadani Jesús. ²¹Richeñeyajasubeda jita variy sanijyu Pyidátubay: “iCrusimuyju, yani jvay crusityasani!” ²²Mumuriju suteda Pyidátubay ruuva: “¿Tarajura? ¿Tara sivaay nicaray, tara? Tamá rañi jnyu savicha nta tara, tamá, tarivara ratanuvunu diiyadasarajuni. Ramunítiy rajmurya musiyeyadivasiñi.”
²³Riyasantanumucha jamu niquejadatani Pyidátubay, satidye jvatyaniy crusityasani Jesús. Rivyuudoda jita jicheñeyajadata variñi Pyidátubay. ²⁴Jadchiy jita, suteda Pyidátubay ruuva sutarumiy, riryama vichaniy daryani, daryatiy rivyichaniryudyeni. ²⁵Sumuryada jita rijechiñuyadiva jijyu variñi Barábabay, jiryatiy tanuvunusini, jiryatiy sasiryitadeda may nusuyada jiyaroju riy nijyanvay, suvedani nijyamí variy risaju. Jesús jita sasayada rajuura rivyichadedaju.

Ruveda crusityasani Jesús
(Matévu 27.32-44; Márcu 15.21-32;
Juán 19.17-27)

²⁶Riryarachedanumatini Jesús, rureda varyi jasiñi tiqui vanu, nitiy rañi ramiryijada varyi yindimysiy. Niñi vichada Sirénemusi, jiryatiy Siimyo jtyatibañi. Ribeyada jítara crusiy varyi sancha, sãtidye nichu Jesús jusirya.

²⁷Richiityarijada jíta nijyanvayuu variñi Jesús, vatuy jarye, jiryatiy richutyanityityi nutyu diiby jnutyadamu, runachadede risaju sivasiy. ²⁸⁻²⁹Sanumityejadanumaty Jesús riñechoju, suteda jíta varyi ruuva: “Vatuy, Jerusari janvay, ne jiryajnay rivasiy. Jiryama junay yivasidy, jiryedyedyeñuvasiy jarye risaju, tapi jiryinuy, rajti rarunda varityi riryajtay: Jchanatyasavaryi vatuy suruvye, jiryatimuy ne riryupachusara ti jivymusiy, dantyamuy ne riryupatyani-chara ti yityaniy. ³⁰Riryajota jteda varyi riva musiqui: iYajuuy nuncha, yajmunchunuy quiii! ³¹Tapi riryityi jvaay daryá jatyápuuta (jiryatiy vuryitay vacha jvaayada jotaranchiy daryá), nutyuramuna raryicha vassaputantiy (jasityi rasuduchara juuchaveda).”

³²Riryaracheda jíta nada danujuy jvjijuntyi, riryatidy jvay varyi Jesúsjsaju nada. ³³Ruutojadanumaty vichajomu, jiryatiy rutachara: Nijyami Jnoñsiirya, ruveda jíta yivamyurota crusityasani Jesús varyi jasiy, danujuy jvjijuy sisajuntiy, tiqui santityudamyuju, nuntiy samidamyuju. ³⁴Saniquejada jíta Jesús varyi: “Yeye, yaramityaniy ruuvara jijyuuchaveda, riryidyetyava daryaju cay: tara nudyivaay.”

Jasiñi jíta riñantajajada sutarumiy yivara Jesús sujay, jiryatiy rityiyisadamusiy jicyanajadara.

³⁵Nijyanvayuu radeda varyi jasiy, runuyada jíta varyi jadchiy. Riryavityiyeyada jíta nijyanvay nutyityumiy jasiñi Jesús: “iNutyu santuyada ruuva tavantidyde, sama jantyuy darya yivantidyde, sitenutyi sajaryetada Judenu vuryeyadaju rayasijuni!”

³⁶Sutarumiy jarye jarupantadani, jiryatiy runtatyanduvedara binuja jivyajaa siva. ³⁷Riñi jteda varyi siva: “iJudíyurveda nutyityutyi sitenu ji, yama ramityaniy yivara!”

³⁸Ravichada jíta nuchara sinyuju, ranique jasiy ramu: “Jiñu jíta Judíyurveda jamu nutyityu.”

Tiqui jvi tuvachoda simu Jesús crusityasasiy

³⁹Tiqui jvi tenu jíta jasiy soti, rañi javityiyeyada variñi Jesús: “¿Neviy Judenu jaryeti ji? iYajantyuy yiva! iNadyiva jarye yajantyuy yisaju!” ⁴⁰Sumutyajada jíta satenu niqueyadamu varintidyeyu: “¿Ne jichuvudyeñi Judenu day? ¿Neviy yinuy diiyadaju bachí jiyuntiy ji? ⁴¹Vuy jíta jmutyara vuryiveda murichirya; jiñu jítamuy ne rañi jvaachara tara, mitya.” ⁴²Suteda jíta varyi siva Jesús: “iYajachipityaja ray, yanutumiy jutõ yinsujyomu, Jesús!” ⁴³Sumutyajada jíta Jesús variñi: “Ritay sitenu yiva: Diyerundamu jíta yecha Parayisumu risa, jasityi rivyichajayasara Judenu jaryetavay.”

Jesús diiyadanchiy: nutyura ravicha Jesús diiyada rundamu, nutyura
(Matévu 27.45-56; Márcu 15.33-41;
Juán 19.28-30)

⁴⁴⁻⁴⁵Nutyu vase jiñita ranichada varyi, riñupuyada jíta varyi mucadiva titaju, ninutijcha vichitasaraju riñupuyada, jiryatiy sanupocudiveda jiñi varyi. Raseteda jíta Judenu rorivyimu

mutanujay jache varintyi, isiyooo!*

⁴⁶Jadchiy j̄ita, saniquejada Jesús jaryi niquejadamu: “iYeye, j̄ijyomuju rabecharan̄i r̄intu!” Saniquejadanumatiy darya, s̄atijeyacheda varyi tamityayu.

⁴⁷Sadiyadanumatiy s̄utarumiy nutyityu riva darya vichadeda, s̄ichanatyada variñi J̄udenu: “iS̄itenu vase vichara savichanutyi jiñu vanu!”

⁴⁸Nijyanvajyuu j̄ita, jiryatiy riintyeryadeda ranach̄o varyiu, ridiyadanumatiy riva rajuura vichadeda, riñi taryada j̄ita jiryoriñeçhojuntiy, riñuvayadamu yivatyyada varyi jidyutudiva. ⁴⁹Riryadeda j̄ita Jesús datyavay t̄itajumusiyy nujipyudera, vatuy jarye, jiryatiy richiityar̄inuyada Cadidéyamusifiñi. Runuyada varyi ranach̄o t̄itaju.

Jesús jmuchusadanchiy

(Matévu 27.57-61; Márcu 15.42-47;

Juán 19.38-42)

⁵⁰⁻⁵¹Savichada j̄ita t̄iqui vanu, Jus̄iy jtyat̄ibay, jiryatiy Arimatéyamusini. Niñi vichanuyada Judíyueda nutyityumiy tenu, samiy jvadich̄i, vase jvaarya jarye risajuni, jiryatimiyu ne sajachipiyanyada vatajuu ruusa jityevay nutyityumiy ruuvaayadamu, jiryatiy riñi jvaaryuyada sanijyu Jesúsra, tapitya santuchara daryaju J̄udenu nusuyadajiju. ⁵²Niday t̄ojada Pyidátubamyuntiy, s̄atidye jachiñuy sivara Jesús babyi.

⁵³Sumusadedanumatiy crusityasasirya sababyi, sarayada j̄ita varyi sujajyuu-tara, sajachunuvejada j̄ita bapovimu varirya sababyi, ravichunube jumichara, jasityimiyu ne rumuchoda t̄i didye.

⁵⁴Ravichanuyada jdutyada runda, jiituyada rundajiju. Rajotadanuma j̄ita jiituyada runda varyi.

⁵⁵Vatuy j̄ita, jiryatiy ruutijada Jesúsjs̄a Cadidéyamusiy, riñiday siityar̄ijada variryi jmuchuvay, ridiyada j̄ita riva bapyo, r̄uteda varyi: “Nutyuranate riberya sababyi ravimu, nutyura.” ⁵⁶Rityeryada j̄ita vatuy varyi, r̄udutyada varirya jaryi varudi potiyerya, puyadajisiy n̄idi jarye risaju. Jiituyada rundamu j̄ita rijiituyada varyi J̄udenu niquejada nuçhara jtedamuju.

Jesús misasubeda diibymusiy

(Matévu 28.1-10; Márcu 16.1-8;

Juán 20.1-10)

24 ¹Tumyicyurundamu j̄ita, r̄ijyuryijada vatuy, r̄utoda j̄ita bapjomura vurudija jdutyasara. ²Ridyif̄uvejada siva ravichu siichunusiñuma bapyo vudijumusidyeñi. ³Rijeyadanumatiy ravimu, riryidyivya riva Jesús babyin̄yadaque, mitya. ⁴Ne ridyetyada j̄ijechipiyajada taranijyu varyi yintedamu. Mityamusifiñiday nanumut̄ijada danujuy vanujuy rityuunu, vandajay sujatyanujyuy. ⁵Jiryatiy richuvyada varyi, ribyutyajajada mucomuju varyiu. Nan̄iteda j̄ita danujuy vanujuy varyi ruuva: “¿T̄araju jiryevyata diibymiy cabyimu sanach̄o junuñu day, t̄araju? ⁶⁻⁷Ne t̄ijnay jiyu, sam̄isasimya day. Jiryajachipityara saniquejada, nutyu satuchusiy Cadidéyamu jiryiva: Savicha s̄ach̄i Nijyam̄idenu juuchatavamyu, riryajvay varyi crusityasani, sam̄isa j̄ita mumurundamiy jasacharamuntiy.” ⁸Rijechipityada j̄ita vatuy varirya Jesús niquejada. ⁹Rityeryadanumatiy bapjomusiy, rityuchunuvijada j̄ita ruuva Jesúsjs̄a datyavay t̄itajura, jiryatiy rivyichada jasiy vuyajuy, t̄iqui rinchaju, ruusa vichavay jarye t̄itaju. ¹⁰Rityi t̄uchoda ruuva sansubymirya

* 23.44 Yajnyy Ebrévu 9.3-15; 10.19

jiryá, savichada Maríyabay jiryatiy
Mardánamusini, Juánabay jarye,
Maríyajube jiryatiy Santiyácubay
jñodabay nada, tavay vatuy jarye
ruusaju títaju. ¹¹Sansubiyimijyu jíta, riñi
niquejada vatuy yatayadamura,
riryityuvachuva variy ramu. ¹²Sanube-
subeda jíta Pyítrubay variy, sasiicheda
jíta bapyomu, sabutyajomusiy
yinuñuejada bapyovimu, sadiyada jíta
riva sujajyuu viñasara jasiy, sataryada
jíta mitya jnutacha variy jadchiy.

**Jesús saryejada nada yisa datyanujyuy,
Emavúsiy nútasa
(Márcu 16.12-13)**

¹³Variryundamu jíta, nadayada Jesús
siityarinujyuy Jerusarímusiy, vichada
rapurya nachoju, jiryatiy Emavúsiy
jtyatarara. ¹⁴Jativyepudevij
nanutuchutitiyada jiryupiyadamu
yivara, nurya rivyichanichiy títajuni
Jesús. ¹⁵Jadchiy jíta,
nanuniquetadanumatiyu, niday Jesús
tuudiyada variñada, mityijyiñuma
riryupiyada variy jadchiy. ¹⁶Mitya
jruryaquisuma naninuyada varicharaju,
nañuma datya variy jasiñi Jesús.
¹⁷Suteda jíta Jesús variy jasiy nadiva:
“¿Tara niquejada sani jvaatyityi
jiryupiyadamu day, tara?” Jadchiy jíta,
nanuraniñuejada jiñuvayadamu variy.
¹⁸Sumutyajada jíta nu, Cudéyupa
jtyatibañi Jesús: “¿Vinu jiñi rañicha
tavichada jamí Jerusarímu datyisa day?
¿Ne jidyetyava nutyura rivyichajay
jiryundamimiyucu, nutyura?”
¹⁹Sumutyajada jíta nada: “¿Tara?”
Nanimutyajada variñi: “Nutyura
rivyichanijeñi Jesús Nasaryémusi,
nutyura. Niñi sanicha Judenuju tuchu,
jiryatiy sivaañuyada jaryi datyadata,
saniquejada jarye vichanuyada jaryi
datyadatara Judenu diya, nijyanvay diya
jaryentiy. ²⁰Riñi saje daryaju caserdóte-

vyeda nutyityumiy, vichada
nutyityuvedata japuni Jesús, satidye jtay
vari y sivara jidyiyada, riryatidye
batyaniy crusityasa jasiñi. ²¹Nuñi
jachipiyanyu sanijyu day, nutyu niñi jíta
rajantuyuy vuryiva, jiryatiy Irayénueveda
davyuy. Jadchiy jíta, mumurundami
ñuma jiryatiy rivyichanije rajuu
títajumusini. ²²⁻²³Jadchintiy, tavay
vatuy, nuquebyimu vichavay jnutasij
nyu, jiryatiy rijyuryijay bapyomu
jyadaju, riryi saryevyara Jesús
babyinuday. Rityeryajasiy variy
tuchuvay: Nudyimya nadiva Judenu
jpanujyuy, nadani tuchosiy nudyiva:
Nutyi jnuñu day sanicha Jesús.

²⁴Jadchiy jíta riyasiy tavay
nuquebyimusiy bapyomuntiy, daryaday
ridyiñuevasiy rivantiy, nutyu vatutyi
tuchosiy daryantiy. Dantyamuy ne
ridyiyasiy siva Jesús day.” ²⁵Suteda jíta
Jesús variy nadiva: “Ne datyada
jachityanujyuy sada. Ne sanutuvachuruy
nta ramu Judenuju tuchuvave
niquejada. ²⁶¿Neviy saryi parutyasara
Judenu jaryeti daryadayu, saryi jañuve
vari y jivyandamuju day?” ²⁷Sajotada jíta
Muyusésibe nuryanchiy, títaju Judenuju
tuchuvave nuryanchiy jarye, sadatya-
doda títaju rata nada: “Nurya riñuyada
sanchiy Judenu jaryeti.” ²⁸Rityuudiyada
jítara vichada jasityi nadayada, jadchiy
jíta sani ramiryiruyada Jesús jiyada
varidye. ²⁹Nanibayada jíta variy jasiñi:
“Jiyunuma yamachō nadyisa, nutyu rani
jiñuvañuma rinuy, tama navay sanicha
jiñi nuday, tama.” Sajayada jíta variy
nanurorivyimu satidye machō variy
jasiy nadisa. ³⁰Satayadanumatiy
jmyijyomu nadisa, saryeda jítara pa,
sichanatyadani Judenu variy rajū.
Sapatada jítara, sasayada variy nadivara.
³¹Ramutteda jíta nanunisiy variy
nanudatyadaju, nanudatyada jíta variñi.
Varicharaju sacarayada nanutuunusiy

variý. ³²Naniteda jita variý yiva: “iNuryamutiy ríchanayasiy vujechicyu, jiryatiy saniquetityiasiy núva vuryiva, jiryatiy sadatyadosiy catera nucharata vuy!” ³³Nanunubesubeda jita varicharaju, nanutaryada variý Jerusarímujuntiy, nanusaryeñuvejada riy Jesúsjsa datyavay, jasityi riintyeryadedayu, vuyajuy, tíqui rinchaju, ruusa vichavay jarye títaju. ³⁴Riñi jita tuchoda variý nadiva: “iSitununi samisasiy Vuntyityu, sadyadosimya Siimyóntiyu!” ³⁵Jadchiy jita nanutuchodara jiryupiyada ruuva: “Nuryamusiy nadyetyasiñi Jesús, jiryatiy sapatasya pa najyu.”

Jesús dityadoda yisa datyavayu
(*Matévu 28.16-20; Márcu 16.14-18;*
Juán 20.19-23; Jvaachara 1.6-8)

³⁶Nanuniquejada niyare, niday Jesús mutijada riquebyimu varintiyi. Suteda jita variý ruuva: “Samirya racha jiryechiy, ne jiryajnutay.” ³⁷Jaryi rutedamu jimechajada variý jasiy, jiryatiy richuvuyada daryaju, rütamyata bayantuva jidy. ³⁸Suteda jita Jesús variý ruuvantiy: “¿Tajura jiryintañumaya jaryi varidye, taju? ¿Tajura raryesumiy jiryechiy jiryechipiyajadamu dayu, taju?” ³⁹Jiryajnuý rajyomucu, rañumutuvi-muntiy, ravidyedye rañicha. Jiryajuriy rañicyu, jiryajnuý rañechontiy; ¿savityiniviy jiryinuñi bayantu day? dantamuy ne duuti risajuni.” ⁴⁰Sutedanumaty darya ruuva, sadyadoda jita jiyjomutu variryi, sanumutu jarye. ⁴¹Riichanayadamu, rityittadamu jarye, ne rityuvachuruyada variý ramu. Sitajadoda jita variryi: “¿Taravidye jbyedaju jiyu?” ⁴²Richeyada jita quivasaviy jansara variñi. ⁴³Sumutyajada jita variý ruumusirya, sibyeda jita variý ridyiyadajachera.

⁴⁴Jadchiy jita suteda Jesús ruuva: “Jiryatirya rañiquejada jtotadeda, jiryatiy rañiquenyada raryupiyadamu jiryisara. Rítatyi variý jiryiva: Ráday jtotaniy títajura jiryatiy nuchara ranchidyerya, varimyata Muyusésibe niquejada, varimyata Jüdenuju tuchuvabe jteda, varimyata jiryatiy murrapedyemyu nuchara darya.” ⁴⁵Variñi jita samuttadara rijechiy riryatidye datya varirya Jüdenu niquejada nuchara. ⁴⁶Suteda jita variý ruuva: “Darya nuchara niday, jiryatiy saparutyasara Jüdenu jaryetyu, samisa jita mumurundamiy jasacharamuntiy. ⁴⁷Jiryama tuchujaya rityamu ruuva títaju mucadi janvay: riryantya paruy riva vacha jvaayada, satidye ramityaniy Jüdenu ruuvara jiyuuchaveda. Jiryama jota tuchoda jiyu, Jerusarímu. ⁴⁸Jirye jita diñuyada daryaju riva títaju tara, ramuni jiryatuchuntirya. ⁴⁹Jiryajnuý, ray jita rajpa jiryivani jiryatiy suteda rajye: Rasay jiryeñi. Jiryeñi jita raryimecho jamu vichadamu jasicharajutiy jiryecha jachusavay Jüdenu vanuyadata, jiryatiy navachirya.”

Jesús jasubeda jarichunchaju
(*Márcu 16.19-20; Jvaachara 1.9-11*)

⁵⁰Jadchiy jita saracheda Jesús Betániya saraju riy, saryesubedanumatirya jiyjomutu navajyu, sajachiñuyada variý siva Jüdenu riyadaju. ⁵¹Sajachiñuyadamu jita jityocheda variý jasiryi, sasuminichadamu jarichuvimuju. ⁵²Rijechipiyajadanumaty sanijyu, rityeryada jita variý yichanayadamu Jerusarímuju. ⁵³Rivyichasara jita Jüdenu nijyu jachipiyajomu, riichanatyajayasara títajumusiy variý jasiñi Jüdenu.